

Juan Ielpox Jesucristo pejwajjan

Cristo, Dios paxulan, japon dukpox ampathat wajjana

¹ Majt akaseskolaxtat, ampathat is-esal wufuk, Cristo wajjana chajia duk, pax Dios sapich. Pe japonbej Dios. Samata, itpaeipon Dios pejmatabijsax jiw matabijaliajwa japoxan.

² Diachwajnakolax dukon, pax Dios sapich, akaseskolaxtat. Amwatjel japon nakiowa duk.

³ Dios pijaxtat Cristo is ampathat, thatbaxobej. Isbejpon puexa ampathatapi, thatbaxotatpibej. Japoxan Cristo is-el wat Dios pijaxtat, puexa chiekal ajilaxael. Ajilaxael ampathat, thatbaxobej.

⁴ Cristo pijaxtat jiw laelp ampathatat. Japon tapae-el wat, jiw ampathatat laelpaxil. Tapaeibejpon jiw matabijaliajwa diachwajnakolaxpox Diosliajwa. Samata, Cristo, me-ama itliakax. Itliakon jiwliajwa.

⁵ Me-ama itliakax itkataxxot itliak wat, jaechbej Cristo. Itkatasax itkasaxil itliakax. Satanás, me-ama itkatasax. Satanás xajupaxil toesliajwa Cristo.

Juan, jiw bautisan, naewajjanpox

⁶ Dios pejprofeta, majt ampathatat laejapon, pawul Juan. Japon naewajjan jiw Dios baxto'aspojan.

⁷ Samata, japon jiw naewhajan matabijtpoxan Cristoliajwa, japi jiw naexasisliajwabej Cristo.

⁸ Juan Cristowa-el. Japon to'as jiw naewhajnaliajwa Cristo whajna.

⁹ Diachwhajnakolax Cristo fuloek ampathatasik jiw matabijaliajwa, achan Dios.

¹⁰ Cristo chajiakolaxtat ampathat is Dios pijaxtat. Do jawhx, Cristo pajut duk ampathatat. Pe ampathatpijiw matabija-el japon Cristopon, Dios paxulanpon.

¹¹ Paskon pejiwxotsik. Pe judíos naexasis-el japon Dios paxulanpon.

¹² Pe asey jiw lax, naexasiti Cristo, japon Dios paxulanpon, japi jiw Dios tapaeis Dios paxi nadofaliajwa.

¹³ Japi penjiwxot nalaelapoxtat, Dios paxi nadofa-el. Dios tapaei is xoti, japi Dios paxi nadofa Cristo pijaxtat.

¹⁴ Cristo nalaelt ampathatat, me-ama yamxi ampathatat nalaela wat, ja-aechon. Dukon xatisxot ampathatat. Cristo xabich nejxasink puexa jiw. Diach paeibejpon. Xanal taenx pejpmamax, pax Dios chaxduchpox japon kaekolan paxulanliajwa.

¹⁵ Juan, jiw bautisan, chajia jum-aech jiw matabijaliajwa Cristo fulaeyaxoekpox. Samata, Juan pinjаметат jum-aechon: “Xan chajia jum-an Cristoliajwa: ‘Xan fulaenx japon whajna. Fulaeyaxaelpon, japon kaes pejme paklonaxael. Me-ama xan, jachiyaxilon, japon whajna chajia duk xot Diosxotse’ –an xan” –aech Juan, jiw bautisan, Cristo pejpasaxliajwa.

¹⁶ Cristo xabich nejxasink puexa jiw. Samata, isful pomatkoicha pachaempoxan xatisliajwa.

¹⁷ Moisés, judíos pejwɥajnapijin, chajiakolaxtat japon naewɥajan judíos Dios tato'alpoxan. Baxael, Cristo pat japon chiekal jiw naewɥajnaliajwa Dios pejnejsasiyax jiwliajwa. Naewɥajanbejpon diachwɥajnakolaxpox.

¹⁸ Kaen aton tae-el Dios. Pe Dios paxɥalan, dukpon paxxotse, japonlax chiekal matabijt pax Dios. Samata, japon pijaxtat matabijas, ma-aech Dios.

Juan, jiw bautisan, wɥajnachaemtaspox jiw, japon Cristo wɥt

(Mt 3.11-12; Mr 1.7-8; Lc 3.15-17)

¹⁹ Asamatkoi wɥt, judíospaklochow, Jerusalén paklowaxpijiw, japi to'a sacerdotes Juan poxade. To'abej kajachawaetpi sacerdotes. Japi to'as wɥajnachaemsliajwapi Juan. Pat wɥti Juanxot, japi jɥm-aech:

—¿Xamkat achanam? ¿Xamkatlap Dios to'asponam? —aechi Juanliajwa.

²⁰ Juan diachwɥajnaxolax chiekal paei. Samata, jɥmnot wɥt, jɥm-aechon japi jiw chiekal jɥmtaeliajwa:

—Xan Cristowa-enil. Dios to'aspona-enil puexa jiw bɥ'weliajwan —aech Juan.

²¹ Japi pejme wɥajnachaemt wɥt, jɥm-aechi:

—¿Xamkat achanam? ¿Xamkatlap Elías, Dios pe-jprofetam? —aechi Juanliajwa.

Juan jɥmnot wɥt, jɥm-aechon japiliajwa:

—Xan japona-enilbej —aechon.

Do jawɥt, pejme wɥajnachaemt wɥt, jɥm-aechi:

—¿Xamkatlap asanam ‘Dios pejprofeta, fúlaeyaxaelpon’ —tisponam? —aechi Juanliajwa.

Jawut, Juan jumnot wut, jum-aechon:

—Xan japona-enilbej —aechon.

²² Japi pejme jum-aech:

—Xam Dios pejprofeta-emil wut, ¿achanamkat xam? Xanal xalaesian wuajan nato'apiliajwa. ¿Achaxkat xanal najumchiyaxaelam xam najutliajwa? —aechi Juanliajwa.

²³ Do jawut, Juan jumnot wut, jum-aechon wuajnachaemtaspiliajwa:

—Xan patx, pajilaxtat nejlasfulax wut jumchiliajwan: ‘¡Kofim babijaxan isfulampoxan! ¡Ja-amde japox wajpaklonliajwa! Ja-am wut, me-ama jiw wuajna nuamt chiekal chaemt paklon pasliajwa, jachiyaxaelam nejnejchaxoelaxantat’ —ansfulax, me-ama Isaías, Dios pejprofeta chajia jum-aech —aech Juan, jiw bautisan, wuajnachaemtaspiliajwa.

²⁴ Fariseos to'aspibej, japi wuajnachaemt wut, jum-aechi Juanliajwa:

²⁵ —Xam Cristowa-emil wut, Elías-emil wutbej, asan Dios pejprofeta-emil wutbej, ¿ma-aech xotkat xam jiw bautisam? —aechi Juanliajwa.

²⁶ Juan jumnot wut, jum-aechon fariseos to'aspiliajwa:

—Xan jiw bautisax mintat, japi jiw babijaxan ispoxan kofapi. Pe asan xatisxotpon, japon xamal matabija-emilfak.

²⁷ Japon wuajna xan fúlaenx. Fúlaeyaxaelponliajwa xan pachaema-enil japon pejkajachawaesnanliajwa, japon kaes

pejme paklon xot. Samata, xan pachaema-enil jolsliajwan japon pejtʰakxajoelax —aech Juan fariseos to'aspiliajwa.

²⁸ Jasoxtat Juan wʰajna chaemas Betania pak-lowaxxot, Jordánlajt we-enlelde, juimt julanllesan, Juan jiw bautisafʰlxot.

Cristo, me-ama Dios pejcordero, ja-aechpox

²⁹ Kandiawa wʰt, Juan taen Jesús, mox fʰlaen wʰt japonlel. Jawʰt Juan jʰm-aech jiwliajwa: “¡Tae'nik! Amponlap, me-ama Dios pejcordero, ja-aechpon. Japon asamatkoi tʰp wʰt, mosaxael puexa jiw babijaxan ispoخانliajwa.

³⁰ Japonliajwa xan chajia jʰm-an: ‘Xan fʰlaenx japon wʰajna. Fʰlaeyaxaelpon, japon kaes pejme paklonaxael. Me-ama xan jachiyaxilon, japon chajia wʰajna duk xot Diosxotse’ —an xan.

³¹ Majt japon xan chiekal matabijs-enil. Pe xan fʰlaenx jiw bautisaliajwan mintat, Israel tʰajnaɸijiw matabijaliajwapi japon” —aech Juan jiwliajwa, jʰm-aech wʰton Cristoliajwa.

³² Do pejme Juan jʰm-aech jiwliajwa: “Xan taenx, Espíritu Santo athʰsik fʰloek wʰt a-utat Jesús pejmatwʰajasik. Fʰloek wʰt, na-eton japonxot.

³³ Majt xan chiekal matabijs-enilfʰk, achan Cristo. Ja-an wʰt, Dios, xan nato'apon jiw bautisaliajwan mintat, chajia najʰm-aechon: ‘Taenam wʰt Espíritu Santo, fʰloek wʰt aton matwʰajasik na-esliajwa japonxot, japonlap Cristowaxael. Do jawʰx, japon to'axael Espíritu Santo xamal nejmatpʰatanxotaliajwa’ —na-aech Dios.

34 Xan japox taenx. Samata, Jesúsliajwa jum-an: ‘Diachwɛajnakolax japon Dios paxɛlan’ —an xan” —aech Juan, jiw bautisan, jiwliajwa.

Jesús matxoelamakanotpox poejiw, japon pejnachalialjwa

35 Do kandiawa wɛt, Juan, jiw bautisan, pejme jaxoton, kolenje pejnachalan sɛapich.

36 Juan taen wɛt Jesús xensax, jawɛt jum-aechon japi kolenjelialjwa:

—¡Tae'nik ampon, me-ama Dios pejcordero, ja-aechpon! —aech Juan kolenje pejnachalanliajwa.

37 Japi kolenje, Juan pejnachalan, jumtaen wɛti Juan jum-aechpox, japi fɛlafol Jesús.

38 Do jawɛt, Jesús wɛltataen wɛt, taenon fɛlafospi. Jawɛt wɛajnachamt wɛt, jum-aechon japilialjwa:

—¿Achaxkat xamal wɛlwekam? —aech Jesús japilialjwa.

Japi jumnot wɛt, jum-aechi:

—Jiw chanaekabɛanan, ¿amxotkat xam dukam? —aechi Jesúsliajwa.

39 Jesús jumnot wɛt, jum-aechon japilialjwa:

—¡Xabɛa't xan dukxxot taelialjwam! —aech Jesús japilialjwa.

Do jawɛt, japi nakfol Jesús. Do jawɛtbej, japi taen Jesús dukxot. Jawɛt japi nama japonxot, xabich tuila xotlisox.

40 Juan, jiw bautisan, jum-aechpox jumtaenpi, japixot kaen pawɛl Andrés. Japon Simón Pedro pakoewan.

⁴¹ Do buxtoet wut nospaeyax, Jesús suapich, jawut Andrés wulwek pakoewan, japon pawalpon Simón. Faen wut, jum-aechon pakoewanliajwa:

—Xanal taenx Mesías —aechon. ('Mesías' —aech wut, japajame jumchiliajwa: 'Cristo, Dios to'aspon jiw bu'weliajwa' —chiliajwapox.)

⁴² Do jawut, Andrés buflaechon Simón Jesús poxade. Jesús taen wut, jum-aechon Simónliajwa:

—Xam nejwul Simón, Jonás paxulnam. Pe amwutjel xam nawulaxael Cefas —aech Jesús. (Japawul jumchiliajwa: 'Pedro' —chiliajwa.)

Jesús tadutpox Felipe, Natanaelbej, japi japon pejnachalaliajwa

⁴³ Kandiawa wut, Jesús nejchaxoel Galilea tujajne poxade fulaeliajwade. Jawut Jesús taen Felipe. Samata, Jesús jum-aech Felipeliajwa:

—jXan nakfulaem tajnachalnamliajwa! —aech Jesús Felipeliajwa.

⁴⁴ Felipe Betsaida paklowaxpijin. Andrésbej, Pedro suapich, japibej Betsaida paklowaxpijiw.

⁴⁵ Jawut Felipe fulaech Natanael wulwekaliajwa. Faen wut, jum-aechon:

—Xan taenx Mesías. Me-ama Moisés chajia lelpox jum-aech, ja-aechlisox. Japon patlison. Me-ama Dios pejprofetas chajia lelpoخان jum-aech japon pasaxaelpox, japox ja-aechlisox. Japon Jesús, José paxulan. Japonbej Nazaret paklowaxpijin —aech Felipe Natanaelliajwa.

⁴⁶ Natanael jum-aech Felipeliajwa:

—Nazaret paklowaxpijiw pachaema-el. Samata, japixot kaen aton ajil xabich pachaempon —aech Natanael.

Felipe jumnot wut, jum-aechon Natanaelliajwa:
 —¡Xabua't xam taeliajwam Jesús! —aech Felipe Natanaelliajwa.

⁴⁷ Jesús taen wut Natanael fulaenox, do jawut, Jesús jum-aech Natanaelliajwa:

—¡Taem! Ama fulaen Israel tuajnupijin, japon chinax jiw naekichachajba-el —aech Jesús Natanaelliajwa.

⁴⁸ Do jawut, Natanael wuajnachamt wut, jum-aechon Jesúsliajwa:

—¿Ma-aech xotkat namatabijtam? —aech Natanael Jesúsliajwa.

Jesús jumnot wut, jum-aechon:

—Xan taenx, xam ekam wut atuj higonaebuxfaltat, nakoewan Felipe jumchi-el wutfuk xanliajwa —aech Jesús.

⁴⁹ Do jawut, Natanael jum-aech:

—Jiw chanaekabuanan, xam diachwuajnakolax Dios paxulnam, jasoxtat chajia atuj namatabijtam xot. Xam judíos peyreynam —aech Natanael Jesúsliajwa.

⁵⁰ Jesús jum-aech Natanaelliajwa:

—Xam chiekal nanaexasitam, jum-an wut: 'Xan taenx, xam ekam wut higonaebuxfaltat' —an wut. Xam taeyaxaelam, kaes pejme pachaempoxan xan isx wut. Me-ama amprox, jachiyaxil —aech Jesús Natanaelliajwa.

⁵¹ Jesús pejme jum-aech:

—Diachwuajnakolax xan jum-an. Xamal taeyaxaelam, athu fafa'ch wut xan tajmatwuajjasik. Do jawutbej, taeyaxaelam xabich Dios pej-ángelos fafa'chxotsik, jajulaxoei wut, xanxot, puexa jiw

pakoewkolnaxot. Do jawutbej, taeyaxaelam asew ángeles balaloeyaxoek wut xanxotsik –aech Jesús Natanaelliajwa.

2

Caná paklowaxtat fiesta ispoq, aton nakjiya wut Galilea tñajñaxot

¹ Do jawux, tres matkoi wut, kaen aton nakjiya Caná paklowaxtat, Galilea tñajñaxot.

Jesús pen jaxotbej.

² Jesúsbej taduch taeliajwa nakjiyafiesta, xanal pejnachalwan sñapich.

³ Dolis, baxael, vino wetoeplisi. Do jawut, Jesús pen jum-aech Jesúsliajwa:

–Japi vino wetoepls. ¿Achaxkat xam isaxaelam? –aechow paxñlanliajwa.

⁴ Jesús jumnot wut, jum-aechon penliajwa:

–En, ¿ma-aech xotkat xan japox najum-am? Xan tajmatkoi nawepas-elfuk jiw itpaeliajwan, achanan xan –aech Jesús penliajwa.

⁵ (Jesús pen matabijt japon xajuppoq isliajwa koechaxan.) Samata, jum-aechow naxaeyaxan cha-efulpiliajwa mesaxot:

–¡Isde puexa Jesús to'apox! –aechow.

⁶ Jaxot seis ia'kñanar chalak. Japakñanar xabich pinanul minliajwa, judíos xabich kekakiasliajwa xaeliajwa wut. Jasoq pejkabñanan japi judíos. Kaenanula kñanar xajup, me-ama setenta litros.

⁷ Jesús jum-aech naxaeyaxan cha-efulpiliajwa:

–¡Puexa ampi kñanar min wuluum! –aechon.

Do jawut, chiekal min wululisi japakñanar.

⁸ Jawut Jesús jum-aech:

—¡Min powim! ¡Kaesɯapich ampamin xalaemch nejpaklon poxade! —aech Jesús.

Do jawɯt, japi ow-aechlisi. Jawɯt xalaechlisi naxaeyaxan cha-efɯlpi pejpaklon poxade.

⁹ Pejpaklon vino xapaejla wɯt, matabijs-elon min vino nadofapot. Naxaeyaxan cha-efɯlpilax matabija japox, japi pajut min powa xot. Do jawɯt, pejpaklon la, pajelnakjiyan. Jɯm-aechon japonliajwa:

¹⁰ —Asew jiw fiesta is wɯt, vino pachaempot matxoela dɯajti jiw. Do jawɯx, tadɯchpi xabich af wɯt, vino omjilpot dɯajti. Xamlax vino, kaes pachaempot, xanal nadɯajtam amwɯtjel —aechon.

¹¹ Japox Jesús is wɯt Caná paklowaxxot, japoxlap matxoelapijax, koechax. Jesús japox is wɯt, itpaei pejпамamax. Samata, xanal, japon pejnachalwan, naexasitx diachwɯajnakolax Jesús Dios to'aspon.

¹² Do baxael, Jesús, pen ɯapich, japon pakoewbej, xanal pejnachalwanbej, fɯlaechx Capernaum paklowax poxade. Jaxotde kaematkoiyen ɯapich xanal namax.

Jesús to'apox nakolaliajwa Dios pejtemplobatat mowapi, wɯajtibej

(Mt 21.12-13; Mr 11.15-18; Lc 19.45-46)

¹³ Moxsfɯl Pascuafiesta, judíos pejfiesta. Samata, Jesús fɯlaech Jerusalén paklowax poxade, xanal japon pejnachalwan ɯapichbej.

¹⁴ Dios pejtemplobafɯlmaktxot, Jesús taen jiw mowapi pak, oveja, a-ubej. Jaxot taenbejpon, chalak wɯt plata xanafokpi jiwliajwa.

15 Jesús japox taen wut, muat fa'ton japi jiw selsliajwa. To'apon puexa japi jiw nakolaliajwa, puexa pej-ovejas s̄apich, pejew pak s̄apichbej. Plata xanafoki japi pejmesaxan wefulixabapon. Japi pejplata wenatacholnas satadik.

16 J̄m-aechon a-u mowapiliajwa:

—¡Ampi a-u jukde ampabafulmaktxot! ¡Taj-ax pejba mowaba nabej padofa! —aech Jesús.

17 Do jawut, xanal japon pejnachalwan, nejchafaetx Dios pejjamechan chajia j̄m-aechpox Mesías j̄mchiyaxaelpoxliajwa. Japox j̄m-aech: “Ax, xanbej xabich nejxasinkax jiw sitaeliajwa nejba. Pe ampi jiw sitae-el nejba. Samata, xan xabich talala japi jiwliajwa” —aechox.

18 Do jawut, judíos paklochow palaeyajametat j̄m-aechi Jesús liajwa:

—¡Naj̄m-amde, ma-aech xotkat xam japox isam! ¿Achankat xam to'a? —aechi.

19 Jesús j̄mnot wut, j̄m-aechon:

—Xamal toetam wut ampatemploba, xan pejme mat-esaxaelen, tres matkoi wut —aech Jesús.

20 Do jawut, judíos paklochow j̄m-aech:

—Ampatemploba isas wut, isas cuarenta y seis waechan. Xam xaj̄paximil pejme isliajwam ampatemploba tres matkoitat —aech judíos paklochow.

21 Jesús japox j̄m-aech wut, j̄mchi-elon temlobaliajwa. Japon japox j̄m-aech wut, j̄m-aechon pajut pejb̄'tliajwa.

22 Samata, xanal, japon pejnachalwan, baxael, Jesús t̄p wut, mat-ech wutbejpon, pejme duk wuton, jawut, xanal nejchafaetx Jesús chajia j̄m-aechpox japon pajut pejb̄'tliajwa.

Jesús matabijtpox jiw pejnejchaxoelaxan

²³ Jesús Jerusalén paklowaxxot w_{ut}, Pascua fi-esta w_{ut}, xabich jiw naexasiti japon Cristopon, Dios to'aspon, taen w_{ut}i koechaxan, Jesús ispoxan.

²⁴ Pelax Jesús xanaboejs-el japi jiw, matabijt xoton puexa jiwliajwa.

²⁵ Samata, Jesús wewe'pa-esal asew jiw cha-paeliajwas jiwliajwa, pajut chiekal matabijt xoton jiw pejnejchaxoelaxan.

3

Jesús nospaeipox, Nicodemo s_uapich

¹ Nicodemo, japon fariseos-aton. Japonbej paklon judíosxot.

² Do madoi w_{ut}, Nicodemo f_ulaech nospaeliajwa, Jesús s_uapich. Jesúsxot pat w_{ut}, j_um-aechon:

—Jiw chanaekab_uanan, xanal chiekal xam matabijtax xam Dios to'aponam xanal nanaew_uajnalijwam. Taenx, xam koechaxan isam w_{ut} Dios pejpamamaxtat. Xanal matabijaxbej amprox. Dios chaxdusaxil w_{ut} pamamax, xam koechaxan isaximil —aech Nicodemo.

³ Do jaw_{ut}, Jesús j_um-aech:

—Diachw_uajnakolax xan j_um-an. Aton nalaels-el w_{ut} pejme, japon Diosxotse pasaxil —aechon.

⁴ Nicodemo pejme w_uajnachaemt w_{ut}, j_um-aechon:

—¿Machiyaxaelkat aton pati'in w_{ut}, pejme nalaelsliajwa penxot? Aton pejme leyaxil pen pejwoejtat pejme nalaelsliajwa —aech Nicodemo.

⁵ Jesús j_umnot w_{ut}, j_um-aechon:

—Diachw_uajnakolax xan j_um-an. Aton matx-oela nalaelt penxot. Do jaw_ux, nalaelsaxaelon Espíritu Santo pijaxtat. Aton nalaels-el w_ut Espíritu Santo pijaxtat, japon aton pasaxil Diosxotse.

⁶ Paxjiw isaspoxantat nalaelapi, japi jiwkal. Pe Espíritu Santo pijaxtat nalaelapi, japi jiw duilaf_ulaxael Dios pijaxtat.

⁷ ¡Xam xabich nabej nejchaxoele', japox j_um-an w_ut xamliajwa: 'Puexa jiw wewe'pas pejme nalaelaliajwa. Pejme nalaela-el w_uti, japi Diosxotaxil' — an w_ut xamliajwa!

⁸ Joewa nejmach wik. Joewa nejmet w_ut, thiataens. Pe tae-esal joewa. Tae-esal amxot f_ulaen. Tae-esalbej ampoxade f_ulaech. Ja-aechlap-is Espíritu Santo, japon pijaxtat jiw pejme nalaela w_ut. Japi taeyaxisal waj-itfutut nalaela w_uti Espíritu Santo pijaxtat —aech Jesús Nicodemoliajwa.

⁹ Do pejme Nicodemo w_uajnaechaemt w_ut, j_um-aechon:

—¿Achax chiyaxaelkat xam j_um-ampox? — aechon.

¹⁰ Jesús j_umnot w_ut, j_um-aechon:

—Xam judíos chanaekab_uanampronam. Pe xam japoxan matabijs-emilf_uk.

¹¹ Diachw_uajnakolax xan j_um-an. Xanal j_um-an matabijaxpoxan. Xanal j_um-anbej taenxpoxan. Pe xamal naexasis-emil xanal j_um-anpoxan.

¹² Naexasis-emil w_ut xan j_um-anpox ampthat-pijaxanliajwa, ¿machiyaxaelamkatlax matabijsliajwam, xan j_um-an w_ut Diosxotsepoxanliajwa? — aech Jesús Nicodemoliajwa.

¹³ Jesús pejme jum-aech: “Nejmach-aton pajut pijaxtat pasaxil Diosxotse. Xanlax kaenan, puexa jiw pakoewkolnan, Diosxotsik fuloekxponan. Chiekal matabijtax, ma-aech Diosxotse. Xanlap tajut pejme japoxaxoeyan.

¹⁴⁻¹⁵ (Chajiakolaxtat xabich jiw tɔp pajilaxtat, xabich jom liklas wɔti.) Asew jom liklaspoxtat chatɔpasia wɔt, Moisés jom-ael is broncetat. Japox naetat athɔ chanoton israelitas tɔpax natoenasamata. Israelitas japox natachaema wɔt, kaes tɔpafala-eli. Asamatkoi xanliajwabej, me-ama japox jachiyaxael, xan, puexa jiw pakoewkolnanliajwa, asew jiw nachanosaxael wɔt. Nejmachjiw xan nanaexasit wɔt, japi jiw xan bu'weyaxaelen pomatkoicha duilaliajwa Diosxotse” —aech Jesús Nicodemoliajwa.

Dios nejxasinkpox ampathatpijiw

¹⁶ Jesús pejme jum-aech Nicodemoliajwa: “Dios ampathatpijiw xabich nejxasink. Samata, xan kaekolnan, japon paxɔlnan, nato'akon ampathatasik xan tɔpaliajwan, mosliajwan ampathatpijiw babijaxan ispoخانliajwa. Xan nanaexasitpi, japi jiw asamatkoi tɔp wɔt, napelsaxili. Japi jiw pomatkoicha duilaxael Diosxotse.

¹⁷ Dios xan nato'a jiw bu'welialjwan ampathatat. Dios xan nato'a-el jiw jumchiliajwan: ‘Ampi jiw kastikaxaes, babijaxan is xot’ —chiliajwan.

¹⁸ “Xan nanaexasiti Dios paxɔlnanponan, japi infierno poxaxildiki. Pelax xan nanaexasis-elpi, japi infierno poxaxaek jaxotdik kastikaliajwas, chajia jumtis xoti japi kastikaliajwas,

xan nanaexasis-el xoti, xan kaenan, Dios paxɥlnanponan.

¹⁹ Xan nanaexasis-elpiliajwa, japi jiwliajwa, chajia jɥmtis kastikaxaespoɥ, babijaxan is xoti. Xan fɥloekx ampalthasik jiw matabijaliajwa Dios. Xan, me-ama itliakax jiw chiekal matabijaliajwa Dios. Pe jiw nejxasinka-el japi matabijaliajwa Dios. Xan, me-ama itliakaxponan. Pe nakiowa, jiw namastaen. Japi jiw, babijaxan isasiapi, japox islisi. Samata, japi jiw kaes nejxasink itkɥatax, isfɥl xot babijaxan. Samata, xan namastaen xot, japi jiw kastikaxaes.

²⁰ Puexa jiw, babijaxan ispi, japi jiw xan nanejwesla, me-ama itliakaxponan xot, itpaeyaxaelen xot japi babijaxan ispoɥan. Japi jiw mox pas-el xanxot taesamatan, japi babijaxan is wɥt.

²¹ Pelax Dios naexasiti, japi isfɥl pachaempoxan, me-ama Dios to'a. Ja-aech wɥt, japi jiw moxa xanxot. Isfɥlbejpi pachaempoxan, Dios nejxasinkpoɥan, puexa jiw taeliajwas” –aech Jesús Nicodemoliajwa.

Juan, jiw bautisan, pejme jɥm-aechpoɥ Jesúsliajwa

²² Jesús japox bɥxtoet wɥt, fɥlaeɥon, xanal pejnachalwan sɥapich, Judea tɥajɥlel. Do jaxotde kaematkoian sɥapich xanal bautisax asew jiw.

²³⁻²⁴ Juan, jiw bautisan, jiw jebaxot je-esal wɥtfɥk, japonbej bautisafɥl jiw Enón tɥajɥxot, mox Salim tɥajɥxot. Jaxot xabich minxot, Juan jiw bautisafɥl.

²⁵ Do jawɥx, Juan pejnachala nalot, asan judíos-aton sɥapich. Japi nabɥnlot bautisax. Jawɥt najɥm-

aechi nakaewaliajwa: “Nakbautisa wut, ¿achan pejbautisaxkat kaes pejme pachaem, xatis chiekal pachaemaliajwas Diosliajwa?” na-aechi.

²⁶ Do jawux, Juan pejnachala mox soepa Juanxot nospaeliajwa japoxliajwa. Jum-aechi Juanliajwa:

—Jiw chanaekabuanan, xatis Jordánlajt weskleldas wut, xam chajia jum-amponliajwa xanalliajwa, amwutjel japon jiw bautisaful. Xabich jiw fulafosbejpon —aech Juan pejnachala Juanliajwa.

²⁷ Do jawut, Juan jumnot wut, jum-aechon pejnachala chiekal jumtaeliajwapi Jesúsliajwa:

—Dios pajut nejchaxoel kaenanula jiwliajwa, achan pejme pachaemaxael.

²⁸ Xamal najut chiekal xan najumtaenam, chajia jum-an wut: ‘Xan Cristowa-enil. Xan asbuan jumch atonan, matxoelanato'aponan Cristo wujna’ —an wut, xan.

²⁹ Aton pawis fit wut pijowliajwa, pejnachala xabich nejchachaemil japon atonliajwa. Pejnachala wujnawet nakjiyaxaelpon pasaxaelxot. Japon aton pat wut, nospaei wutbejpon, pejbabijnaw sapich, japon pejnachala xabich nejchachaemlaxael. Xanbej ja-an. Xabich nejchachaemlax, xabich jiw Jesús fulafos wut.

³⁰ Samata, Jesús kaes pejme xabich jiw fulnanuamsaxaeson. Xan ja-enil —aech Juan, pajutliajwa jum-aech wuton pejnachalaliajwa.

Jesús fuloekpox athulelsik

³¹ Aton ampathatpijin, japon diachwujnakolax ampathatpijinkal. Samata, jum-aechon ampathatpijaxankal. Pelax Jesús, fuloekpon

athulelsik, japon kaes pejme paklon. Me-ama asew jiw, jachi-elon.

³² Japonbej j̄m-aech taenpoxan, j̄m̄taenpoxanbej, Diosxotse. Pe jiw naexasis-el japon j̄m-aechpoxan.

³³ Asew naexasit w̄t japon j̄m-aechpoxan, ja-aech w̄t, asew jiw matabijaxael Dios j̄m-aechpox diachw̄ajnakolax.

³⁴ Jesús, Dios to'aspon, j̄m-aechf̄l Dios j̄m-aechpoxan, Esp̄ritu Santo kajachawaesf̄las xot.

³⁵ Dios xabich nejxasink pax̄lan. Samata, chaxduton pejpamamax pax̄lanliajwa, puexa tato'laliajwapon.

³⁶ Dios pax̄lan naexasiti, japi jiw pomatkoicha duilaxael Diosxotse. Pe naexasis-eli Dios pax̄lan, japi duilaxil Diosxotse. Japilax Dios xabich kastikaxaes.

4

Jesús nospaeipox, Samaria t̄aj̄n̄pijow s̄apich

¹ Fariseos w̄ltaen Jesús kaes pejme xabich pejnachalapox. W̄ltaenbejpi Jesús kaes pejme jiw bautisapox. Me-ama Juan, jachi-elpon.

² Jesús pajut jiw bautisa-el. Pe xanal, japon pejnachalwan, jiw bautisax.

³ Samata, Jesús matabijt w̄t fariseos w̄ltaenspox japonliajwa, do jaw̄t, nakolt w̄t Judea t̄aj̄n̄xot, xanalbej nakolax, Jesús s̄apich. Nawiex kaxade, Galilea t̄aj̄n̄ poxade.

⁴ Xanal f̄laechx Samaria t̄aj̄n̄ poxade, pasliajwa Galilea t̄aj̄n̄.

⁵ Ja-an wut, xanal patx Sicar paklowax, Samaria tɥajɲɤxot. Jaxot mox, Jacob chajia paxɤlan José chaxdutsat. Japasatbej José pamowjiwliajwa.

⁶ Jaxot minmɥth, Jacob chajia kowpox. Do jawɥt, Jesús xabich damal, atɥaj fol xoton. Samata, minmɥthxot ekon, mox pawɥajna wut juimt mat-noch ekaliajwa.

⁷⁻⁸ Dolisdo', xanal, Jesús pejnachalwan, fɤlaechxlis paklowax poxade wɥajsliajwan naxaeyaxan. Do jawɥt, Jesús tamach ekafɤl wut minmɥthxot, kaeow pawis pa'an mint posliajwa. Japow Samaria tɥajɲɤpijow. Do jawɥt, Jesús jɥm-aech japowliajwa:

—jMint xan nachaxdu'e feliajwan! —aech Jesús japowliajwa.

⁹ Samaria tɥajɲɤpijow jɥm-aech Jesúsliajwa:

—¿Ma-aech xotkat mint nawɤljowam, xam judíos-atonam wut? ¿Xamkat matabijs-emil xan Samaria tɥajɲɤpijwanpox? —aechow. (Judíos pachaemaxil. Nospaeyaxilbejpi, Samaria tɥajɲɤpijiw sɥapich, japi pejkabɥan xot japox. Samata, japow jɥm-aech japox Jesúsliajwa.)

¹⁰ Do jawɥt, Jesús jɥmnnot wut, jɥm-aechon japowliajwa:

—Xam matabijs-emilfɤk Dios chaxdusaxaelpox. Matabijs-emilbej, mint wɤljowpon. Chil xam xan namatabijtam wut, chil ja-aech wut, xam nawɤljoeyaxaelam mint pachaempot. Ja-am wut, xam chaxdusaxaelen mint, me-ama Dios pejmint. Japot mint pomatkoichaliajwa —aech Jesús japowliajwa.

¹¹ Do jawɥt, japow jɥm-aech:

—Tajpaklon, minmuth xabich fñniachdik. Xam kejimil posliajwam mint. ¿Amxotkat xam mint posaxaelam xan nachaxdusliajwam, Dios pejmint, pomatkoichaxaelpot?

¹² Xanal tajwñajnapijin, Jacob, ampaminmuth nawewaelsnadoft xanalliajwa. Japon pajut ampamin af, paxi sñapich, pejchoefbej. ¿Xamkat kaes pejme paklonam, me-ama Jacob jachi-emil? —aechow Jesúsliajwa.

¹³ Jesús jñmnot wñt, jñm-aechon japowliajwa:

—Puexa jiw, ampamin afpi, pejme minsila.

¹⁴ Pe xan jiw chaxduwx wñt Dios pejmint, japamint af wñti, japi jiw kaes minsilaxil. Japamint xan chaxduiyaxaelen, me-ama min, nakolanmin satxotsin. Japamint, Dios pejmint. Japamint toepaxil. Japamin jiw af wñt, pomatkoicha duilaxael —aech Jesús japowliajwa.

¹⁵ Do jawñt, japow jñm-aech:

—¡Japamint nachaxdu'e, xan pejme minsilasamatan, xan pejme fñlaesamatanbej ampaminmuthlel, kaes mint pos-elaliajwanbej! —aechow.

¹⁶ Jesús pejme jñm-aech japowliajwa:

—¡Xabñ'a'de! ¡Wñl'jae'mich nejmol! ¡Do pejme kaxamin, nejmol sñapich! —aech Jesús.

¹⁷ Japow jñmnot wñt, jñm-aechow:

—Xan tamachpijwan —aechow.

Do jawñt, Jesús jñm-aech:

—Xam chiekal jñm-am, 'Xan tamachpijwan' —am wñt.

¹⁸ Pe xam cinco nejmol. Ampamatkoiyam xam nakmoejtron, japon nejmola-el.

Diachw_{uaj}nakolax xam chiekal j_um-am, ‘Xan tamachpijwan’ –am w_ut –aech Jesús.

19 Japox j_umtaen w_ut, j_um-aechow:

–Tajpaklon, xamkas Dios pejprofetam.

20 Xanal tajw_{uaj}napijiw, Samaria t_{uaj}n_upijiw, Dios kaw_{uaj}jan ampat_{uax}xot, pejsitaeyax itpaeliajwapi Diosliajwa. Xamal judíos j_um-am: “Dios kaw_{uaj}naxaes Jerusalén paklowaxxot, wajsitaeyax itpaeliajwas Dios” –am xamal –aechow Jesúsliajwa.

21 Jesús j_umnot w_ut, j_um-aechon japowliajwa:

–jXan nanaexasi'e! Kaematkoian w_ut, puexa xamal f_ulaeyaximil ampat_{uax}roxadin nejsitaeyax itpaeliajwam Dios. F_ulaeyaximilbej Jerusalén paklowax poxade Dios kaw_{uaj}naliajwam.

22 Xamal, Samaria t_{uaj}n_upijwam, nejsitaeyax itpaeyam Dios. Pe xamal chiekal matabija-emilf_uk Dios. Xanal judíos chiekal matabijtax Dios, xanal Dios namakanot xot japon pejiwaliajwan. Samata, Mesías, judíos-aton, japon nakb_u'weyaxael ampathatpijwas.

23 Amw_utjel, baxaelbej, jiw pejsitaeyax itpaeyaxael xabich nejth_u'axtat Diosliajwa, Dios xabich nejxasink xoti.

24 Dios, japon espíritu. Samata, jiw pajut taeyaxil japon. Samatabej, Dios naexasiti, japi chiekal sitaeyaxael Dios –aech Jesús Samaria t_{uaj}n_upijwaliajwa.

25 Do jaw_ut, j_um-aechow:

—Xan matabijtax Mesías fúloeyaxoekpox, japon pawul Cristo. Japon fúloek wut, puexa chiekal nakchanaekabuanaxaelon —aechow.

²⁶ Do jawut, Jesús jum-aech:

—Xanlap japonan, nospaeipon, xam srapich — aech Jesús japowliajwa.

²⁷ Do jawut, xanal, japon pejnachalwan, patx japonxot. Natachaemax wut, nejchaxoelanuilxbej, Jesús nospaei xot, pawis srapich. Pe xanal wujnachaems-enil, ma-aech xot Jesús nospaei, japow srapich. Wujnachaems-enilbej achaxliajwa nospaeipon, japow srapich.

²⁸ Do jawut, jaxot pejkarnat waelsnadoftow. Fulaechlisow paklowax poxade. Jaxotde pa'a wut, jum-aechow pejjiwliajwa:

²⁹ —¡Xabua't taeliajwam kaen aton, xan najum-aechpon puexa chajia isxroxanliajwa! Japon bej Mesíasbej —aechow.

³⁰ Do jawut, puexa japi jiw nakola paklowaxxot. Fulaenlisi Jesúslel.

³¹ Jawutlejen, japi fulaen wutfuk, xanal Jesús kaechato'ax naxaeyax xaeliajwapon. Jum-an japonliajwa:

—Jiw chanaekabuanan, ¡naxaeyax xaem! —an xanal.

³² Do jawut, Jesús xanal najumnot wut, jum-aechon:

—Amxot xabich tajnaxaeyax. Japanaxaeyax xamal matabija-emil —aech Jesús xanal pejnachalwanliajwa.

³³ Jawut xanalkal nawujnachaemtax wut, jum-an:

—Asan chajia bej xalw_{uaj}xafosbejpon naxaeyax —an xanal.

³⁴ Pe jaw_{ut}, Jesús xanal naj_{um}-aech:

—Jiw xael w_{ut}, chaw_ulanejchachaemil. Xanlax nejchachaemlax, isx w_{ut} Dios nejxasinkproxan, toetx xotbej isxproxan, japon nato'apoxan.

³⁵ Xamal j_{um}-am: 'Naboela w_{ut}, we'p cuatro juimt jolaliajwa' —am xamal. Pelax xan j_{um}-an: 'i'Tae'nik jiw f_ulaenpi! Puexa japi thiltlisi naewesli-ajwa Dios pejjamechan. Me-ama m_uthaspi jolaliajwa malisi pachaem, ja-aech japi jiw' —an xan —na-aech Jesús xanalliajwa.

³⁶ Jesús pejme xanal naj_{um}-aech:

—Trigo jolpi moch w_{ut}, nejchachaemili, toet w_{uti} trigo jolax. Ja-aechlap-is Dios pejjamechan naew_{uaj}janpi, asey jiw naexasit w_{ut}. Asamatkoi japibej xabich nejchachaemlaxael Diosxotse. Matxoelanaew_{uaj}janpi Dios pejjamechan, japibej xabich nejchachaemlaxael. Puexa japi kaeyaxtat nejchachaemlaxael Diosxotse.

³⁷ Chajia j_{um}-aechprox diachw_{uaj}nakolax, j_{um}-aech w_{utox}: 'Asey jiw matxoela pela. Do jaw_{ux}, asey jiw wachakal pat jolaliajwa' —aech w_{utox}. (Japox j_{um}chiliajwa: 'Asey jiw matxoela naew_{uaj}jan Dios pejjamechan. Pe jaw_{ut}, naeweti naexasis-el Dios pejjamechan. Do jaw_{ux}, asey jiw pejme naew_{uaj}nas w_{uti}, jaw_{ut} japi jiw naexasitlisi chiekal Dios pejjamechan' —chiliajwa japox.)

³⁸ Xamal keto'ax jolaliajwam pela-emilxot. Asey jiw jaxot xabich matxoela nabist. Amw_{ut}jel pachaem xamal jolaliajwam, japi chiekal ti't xotlisi. Japox j_{um}chiliajwa: 'Xamal jiw naew_{uaj}nam w_{ut} Dios pejjamechan, japi

naexasisasia Dios pejjamechan. Majt japi jiw asew jiw naew_uajnas Dios pejjamechan. Amw_utjel pachaem, xamal w_uajna asew jiw chajia naew_uajan xot Dios pejjamechan japat_uaj_upijiwxot' –chiliajwa japox –aech Jesús xanalliajwa.

³⁹ Xabich Sicar paklowaxpijiw, Samaria t_uaj_upijiw, naexasiti Jesús, japow chapaei xot Jesúsliajwa. Chajia j_um-aechow: “Japon aton j_um-aech xan puexa chajia isxpoxanliajwa” –aech xotow japi jiwliajwa.

⁴⁰ Do jaw_ut, Samaria t_uaj_upijiw f_ulaen Jesúslel. Jaw_ut fiatipon namanaliajwa japixot. Samata, Jesús jaxot naman kolematkoije.

⁴¹ Jesús pajut jiw naew_uajan w_ut, xabich kaes jiw naeweti naexasichbejpon.

⁴² Do jaw_ut, japat_uaj_upijiw j_um-aechi japowli-ajwa:

–Amw_utjel xanal naexasitx w_ut Jesús, xanal naexasis-enil xam nachapaeyampoxkalliajwa japonliajwa. Pe amw_utjel, xanal tajut chiekal j_umtaenx xot, Jesús pajut j_um-aech w_ut, japon naexasitx. Samata, chiekal matabijtax japon Jesús diachw_uajnakolax Cristo, b_u'welijwapon ampathatpijiw –aech japi jiw japowliajwa.

Jesús boejth_utpox reyliajwa nabistpon pax_ulan

⁴³ Kolematkoije xent w_ut, Jesús chijia w_ut Sicar paklowaxxot, xanalbej, japon pejnachalwan, chijian, japon s_uapich. F_ulaechx Galilea t_uaj_u poxade.

⁴⁴ Galilea t_uaj_u poxandax w_ut, xanal nejchaxoelx Jesús chajia j_um-aechpoxanliajwa,

pajutliajwa chajia jum-aech wut xanalliajwa: “Profetas sitaens popaklowaxanpijiw. Pelax pejtujajnkolaxpijiw sitae-esal” —aech Jesús, jum-aech wut xanalliajwa.

⁴⁵ Xanal patx wut Galilea tujnuxot, japatujajnpjijiw xabich nejchachaemil, taen wuti Jesús. Samata, chiekal bu'kultipon, chajia taenxotipon, Pascuafiesta wut Jerusalén paklowaxxot. Japi taen, Jesús koechaxan is wut jaxotde. Samata, xabich nejchachaemili.

⁴⁶ Do jawux, Jesús, xanal suapich, kaxa nawenx Caná paklowax poxadin, Galilea tujnuxot. Jaxot majt Jesús mint vino dofapon.

Xanal jaxotan wut, kaen aton pat. Japon reyli-ajwa nabistpon. Japonbej paklon. Japon paxulan xabich bu'xaenk Capernaum paklowaxxot.

⁴⁷ Japon aton jumtaen wut Jesús patpox Galilea tujnuxot, do jawut japon, fulaen Jesús taeliajwa. Japon aton faen waton Jesús, tadaton Jesús nakfulaeliajwas japon pejba poxade, paxulan weboejthusliajwas, paxulan mox pawujajna xot tupaliajwa.

⁴⁸ Do jawut, Jesús jum-aech:

—Xamal nanaexaxisaximil, xan is-enil wut koechaxan xamal taeliajwam —aech Jesús japon atonliajwa.

⁴⁹ Do jawut, reyliajwa nabistpon jum-aechon Jesúsliajwa:

—Tajpaklon, ixabua't xan nakfulaeliajwam, taxulan tuxax wujajna pasliajwam! —aech japon aton, reyliajwa nabistpon.

⁵⁰ Do jawut, Jesús jum-aech:

—¡Nawia'mich nejba poxade! Naxulan chiekal boejthɯslison —aech Jesús japonliajwa.

Japon aton naexasit Jesús jum-aechpox. Samata, nawia'apon pejba poxade.

⁵¹ Reyliajwa nabistpon fol wɯtfuk, jawɯt pamak fulaen japon pejbaxot bɯ'kakɯlnaliajwapi nɯamtat. Do jawɯt, nɯamtat xabɯ'kakɯlt, jum-aechi pejpaklonliajwa:

—Naxulan chiekal boejthɯslison —aechi pejpaklonliajwa.

⁵² Japon wɯajnachamt wɯt, jum-aechon:

—¿Achahora wɯtkat wɯajach naweboejthɯs? —aechon.

Japi jumnot wɯt, jum-aechi:

—Boejthɯson kaeliw, juimt matnoch ek wɯt —aechi pejpaklonliajwa.

⁵³ Do jawɯt, japon nejchaxoel. “Kaeliw, juimt matnoch ek wɯt, Jesús xan najum-aech: ‘Naxulan chiekal boejthɯslison’ —na-aech Jesús xanliajwa” —aechon, nejchaxoel wɯt. Samata, japon, puexa pejjiw sɯapich, bɯ'naexasiton Jesús.

⁵⁴ Japox Jesús is Galilea tɯajnxot, wɯchakalkoechax, nawia'an wɯt Judea tɯajnxot.

5

Jesús boejthɯtpox nabejkan, laejaxilpon, Betzata pukachxot

¹ Baxael, asamatkoi, judíos fiesta is wɯt, Jesús fulaech Jerusalén paklowax poxade, japafiesta naktaeliajwapon.

² Jerusalén paklowaxxot, jaxot cha-aelpukach. Japox poejiw ispox, pawɯlox Betzata hebreo-jametat. Jaxot mox leliajwa paklowax poxadin,

ovejas laleyaxxot. Japapukachjumbu'tat cinco bachan, cha-aelbax, chalak.

³ Japabachantat xabich jiw, bu'xaeya, oel. Itliakla, laelpaxilpibej, mamalpibej, japi cha-aelbachantat oel.

⁴ [Dios pej-ángel papaska cha-aelpukach pox-asik. Pat wut, min itjuiyapon pukach trux-naliajwa. Min truxan wut, matxoelafulaekpon minadik, japon chiekal nejmachwaxae boejthas. Samata, japi jiw wuaj nawet pukach truxnax.]

⁵ Jiw bu'xaeyaxot, japixotbej kaen aton. Japon laejaxil. Japon laeja-elpoxlis, treinta y ocho waechanlisox.

⁶ Jesús jaxot pat wut, taenon japon nabejkan, laeja-elpon. Jesús matabijt wut japon aton nabijatox, laeja-el xoton pin-iawaechan, jawut Jesús wuajnachaemt wut, jum-aechon:

—¿Xamkat laejasiam? —aech Jesús.

⁷ Laeja-elpon jumnot wut, jum-aechon Jesúsliajwa:

—Jiw chanaekabuanan, xan chiekal tamachpijanan. Ajil taj-aton minadik nabuflaeliajwa, pukach truxan wut. Xan fulaesian wut minadik, asan aton matxoela jifulaek minadik —aech japon aton.

⁸ Jesús jum-aech laeja-elponliajwa:

—¡Nande! ¡Sumta-okampox fi'e! ¡Laejimbej! —aech Jesús laeja-elponliajwa.

⁹ Do jawut, japon aton chalechkal chiekal pachaempon. Sumta-okpox fit wut, xalaechlison. Japamatkoi napatamatkoi.

¹⁰ Samata, judíospaklochow japox taen wut, jum-aechi boejthuchponliajwa:

—Ampamatkoi, napatamatkoi, Moisés chajia lelpox tapae-el sumta-okampox xalaejalijawam, napatamatkoi xot —aech judíospaklochow boejthuchponlijawa.

¹¹ Japon aton jumnot wut, jum-aechon:

—Naboejthutpon najum-aech: ‘¡Sumta-okampox fi'e! ¡Laejimbej!’ —na-aechon —aech boejthuchpon.

¹² Samata, japi wujajnaemta wut, jum-aechi:

—¿Achankat xam jum-aech: ‘¡Sumta-okampox fi'e! ¡Laejimbej!’ —aechkat? —aech paklochow boejthuchponlijawa.

¹³ Pe japon matabijs-el, achan boejthuchpon, jaxot xabich xot jiw. Jesúsbej jaxot chijialison.

¹⁴ Baxael, Jesús pejme faen japon aton Dios pe-jtemplobaxot. Jawut Jesús jum-aech:

—Amwutjel xam chiekal pachaemam. ¡Chiekal taem! ¡Kaes nabej is babijaxan, kaes xabich pejme nabijasasamatam! —aech Jesús japon atonlijawa.

¹⁵ Do jawux, japon aton fulaech wut, faenpon judíospaklochow. Jawut jum-aechon japilijawa:

—Xan naboejthutpon chiekal laejalijawan, pesal japon Jesús —aech japon aton judíospaklochowlijawa.

¹⁶ Samata, judíospaklochow japox jumtaen wut, xabich palalapi Jesúslijawa. Do jawux, japi judíospaklochow faen wuti Jesús, japi tasala Jesús, boejthut xoton napatamatkoitat.

¹⁷ Pe Jesús jum-aech japilijawa:

—Dios, taj-ax, japon jiw kajachawaet pomatkoicha. Me-ama taj-ax, ja-anbej xan. Samata, xanbej jiw kajachawaetx pomatkoicha —aech Jesús japilijawa.

18 Jesús japox jum-aech wut, judíospaklochow xabich kaes pejme palalapi Jesúsliajwa. Samata, jawut boesasiapi Jesús, boejthut xoton napatamatkoitat. Jawut xabich boesasiabejpi Jesús, Jesús jum-aech xot: “Dios, taj-ax” —aech xoton. Japox jum-aech wut, jumchiliajwa pajut: “Xan chiekal najurx, Dios surpich” —chiliajwapox.

Dios chaxdutpox pejpmamax paxɫanliajwa

19 Jesús jum-aech judíospaklochowliajwa: “Diachwɫajnakolax xan jum-an. Xan, Dios paxɫnan, tajut isasianpoxan xan isaxinil. Taenxroxan, taj-ax isroxan, japoxankal xan isfulax.

20 Taj-ax Dios xan nanejxasink, xan japon paxɫnan xot. Taj-ax puexa na-itraei japon isroxan. Na-itraeyaxaelbejpon koechaxan kaes pejme pachaempoxan. Japoxan isx wut, xamal xabich nejchaxoelanuilaxaelam.

21 Taj-ax xajur patupa mat-elijwa, pejme japi jiw duilaliajwa. Xanbej, japon paxɫnan, xajurx patupa mat-elijwan pejme duilaliajwapi. Patupa mat-esian wut, japi mat-eyaxaelen pejme duilaliajwa.

22 Taj-ax Dios jumchi-elbej kaen atonliajwa: ‘Japon aton pejbɫwɫajan. Samata, japon kastikaxaes’ —chi-el taj-ax Dios. Xanlax taj-ax Dios nachaxdut pejpmamax jumchiliajwan puexa jiw pejbɫwɫajanpiliajwa: ‘Japi kastikaxaes, pejbɫwɫajan xot’ —chiliajwan, japon paxɫnan xot.

23 Taj-ax Dios nachaxdut pejpmamax, xan Dios paxɫnan xot, jiw nasitaelijwa. Me-ama taj-ax

Dios jiw sitaens, xanbej najachiyaxael, jiw nasitaen wut. Xan nasitae-elpi, japi jiwbej sitae-el taj-ax Dios, japon xan nato'apon ampathatasik.

²⁴ “Diachwɛajnakolax xan jɛm-an. Xan jɛm-anpoxan naewetpon, naexasit wutbejpon, xan Dios nato'akponan ampathatasik, japon aton pomatkoicha dukaxael Diosxotse. Japon aton tɛp wut, to'axisal kastikaliajwas infiernoxtodik. Japonlax pomatkoicha dukaxael Diosxotse.

²⁵ Diachwɛajnakolax xan jɛm-an. Patlisox babijaxan ispi jɛmtaeliajwa tajjamechan, xan Dios paxɛlnanponan. Xan tajjamechan jɛmtaen wuti, naexasit wutbejpi, xan kajachawaesaxaelen japi jiw pomatkoicha duilaliajwapi Diosxotse.

²⁶ Taj-ax Dios duk pomatkoichaliajwa. Xanbej, Dios paxɛlnan, dukx pomatkoichaliajwa, taj-ax Diosxotse. Samata, xan xajɛpɛx jiw kajachawaesaliajwan japi pomatkoicha duilaliajwa Diosxotse.

²⁷ Xanbej puexa jiw pakoewkolnan. Samata, taj-ax nachaxdut pejpamamax, xan jiw jɛmchiliajwan pejbɛ'wɛajan wut, kastikaliajwas wutbej, babijaxan is wuti.

²⁸ Amwɛtjel, jɛmtaenam wut xan jɛm-anpox, ɛxamal xabich nabej nejchaxoelanuile'! Asamatkoi pasaxael pejmatkoi puexa tɛpi jɛmtaeliajwa tajjame.

²⁹ Samata, japi mat-eyaxaes pejmɛthanxot pejme duilaliajwa. Japi ispi pachaempoxan, ampathatat laelp wuti, japilap duilaxael Diosxotse. Pelax babijaxan ispi, ampathatat laelp wut, japi kastikaxaes infiernoxtodik” —aech Jesús judíos paklochowliajwa.

Jesús naksiyapox pej pamamaxliajwa

³⁰ Jesús pejme jum-aech judíospaklochowliajwa: “Xan is-enil tajut isasianpoxan. Jiwliajwa jum-an wut: ‘Japi pejbw'wujajan’ —an wut, japox jumchiyaxaelen taj-ax Dios pijaxtat. Samata, chiekal jum-an, xan jum-an wut jiw pejbw'wujajanpoxanliajwa. Tajut jumchiyaxinil nejxasinkaxpoxan. Xan jum-an taj-ax Dios, nato'apon, nejxasinkpoxan.

³¹ Xan tajutliajwa tajaxtat jum-ansax wut, japoxan omjilaxael asew jiwliajwa.

³² Pe asanlax jum-aech wut pachaempox xanliajwa, japon jum-aech diachwujajnakolaxpox.

³³ Xamal asew jiw to'am, japi Juan wujajnaemsliajwa xanliajwa. Juan jumnotpox xanliajwa, japox diachwujajnakolax.

³⁴ Xan nawewe'pa-el aton, japon jumchiliajwa xan jum-anpoxan: ‘Japon jum-aechpoxan diachwujajnakolax’ —chiliajwapon xanliajwa. Xan japox jum-an xamal naexasisliajwam Juan jum-aechpox xanliajwa, xamal bw'welajwan babijaxan isampoxanliajwa.

³⁵ Juan, jiw bautisan, me-ama lámpara itliakaliajwa. Japon pejnaewujajnaex, me-ama itliak xot xamalliajwa. Samata, japon xamal naewujajan wut, xamal nejchachaemlam, jumtaenam wut japon naewujajanpox asbuan jumch kaejuimanliajwa.

³⁶ Juan jum-aechpox xanliajwa, japox pachaem. Pelax xan isxpoxan, japoxan kaes pejme pachaem jiw xan namatabijaliajwa. Xan amwutjel isxpoxan, japoxan taj-ax naketo'a isliajwan, jiw matabijaliajwa diachwujajnakolax xan Dios nato'aponan.

³⁷ Taj-ax, xan nato'apon, japon pajut jum-aech xanliajwa: 'Xam isampoxan xabich pachaem' – aech taj-ax Dios. Xamal najut taj-ax pejjame jumtae-emil. Xamal najut tae-emilbej taj-ax.

³⁸ Dios pejjamechan namana-elbej nejnejchax-oelaxantat, xan nanaexaxis-emil xot, xan taj-ax nato'aponan.

³⁹ Xamal chiekal estudiam Dios pejjamechan, nejchaxoelam xot: 'Dios pejjamechan chiekal estudyax wut, matabijsaxaelen, machiyaxaelen Dios natapaeliajwa dukaliajwan pomatkoicha japonxotse' –am, nejchaxoelam wut. Dios pejjamechan jum-aech xanliajwa. Xan tajaxtat jiw pomatkoicha duilaxael Diosxotse.

⁴⁰ Pe xamal nejxasinka-emil xanlel fulaeliajwam tajjiwaliajwam. Samata, xamal duilaximil pomatkoicha Diosxotse.

⁴¹ "Xan nejxasinka-enil jiw najumchiliajwa: 'Xam pachaemamponam' –nachiliajwa xanliajwa.

⁴² Xan matabijtaxbej, ma-aech xamal nejnejchaxoelaxan. Xamal Dios nejxasinka-emil.

⁴³ Fuloeqx taj-ax pijaxtat. Pe xamal xan nanaexaxis-emil. Asamatkoi, asan aton pat wut pajut pijaxtat naewhajnalijwa, japon atonlax xamal naexaxisaxaelam.

⁴⁴ Xamal nejxasinkam asew jiw jumchiliajwa xamalliajwa: 'Xamal pachaemampim' –chiliajwa. Pe xamal nejxasinka-emil kaen Dios jumchiliajwa xamalliajwa. 'Xamal pachaemampim' –chiliajwapon xamalliajwa. Samata, xan nanaexaxis-emil. Dios naexaxis-emilbej.

⁴⁵ Xamalkas nejchaxoelam xan tasalaxaelenpox xamal taj-ax Dios pejw_uajnalel. Xan tajut xamal tasalaxinil. Xamal tasalaxaelpon, japon Moisés, xamal xanaboejampon.

⁴⁶ Xamal chiekal naexasitam w_ut Moisés chajia lelpox, ja-aech w_ut, xanbej chiekal nanaexaxisaxaelam, Moisés chajia lelpox j_um-aech xot xanliajwa.

⁴⁷ Pe xamal naexaxis-emil w_ut Moisés chajia lelpox, xamalbej nanaexaxisaximil xan j_um-anpoxan” —aech Jesús judíospaklochowliajwa.

6

Jesús naxaeyaxan chaxduwpox cinco mil poejiw (Mt 14.13-21; Mr 6.30-44; Lc 9.10-17)

¹ Do asamatkoi w_ut, xanal, Jesús pejnachalwan, Jesús s_uapich, chaflaechx Galilea puka wenlelde. Japowa puka asaw_ul, Tiberias puka.

² Xabich jiw Jesús f_ulafos, taen xoti koechaxan, bu'xaeya boejth_ut w_uton.

³⁻⁴ Do jaw_ut, Pascuafiesta isliajwa mox paw_uajna, judíos pejfiesta. Japamatkoitat, Jesús julach w_ut m_uax poxase, xanalbej, japon pejnachalwan, julachax japam_uaxase. Jaxotse ek w_ut, xanalbej jaxotse chalakx.

⁵ Jesús taen w_ut xabich jiw f_ulafospox, jaw_ut j_um-aechon pejnachalan Felipeliajwa:

—¿Amxotkat naxaeyaxan w_uaj_ssaxaes ampi jiwliajwa? —aech Jesús Felipeliajwa.

⁶ Jaxotat Jesús w_uaj_nnachaemt Felipeliajwa Jesús matabijsliajwa, achax j_umchiyaxael Felipe, j_umnot w_ut. Jesús_lax chajia matabijt isaxaelpox jiwliajwa.

⁷ Do jawut, Felipe jumnot wut, jum-aechon Jesúsliajwa:

—Jalape. Doscientos denarios xajupaxil pan wuajsliajwas, ampi jiw kaenanala cha-aex xaeliajwa —aech Felipe Jesúsliajwa.

⁸ Do jawut, Andrés, Jesús pejnachalan, japon Simón Pedro pakoewan, jum-aechon Jesúsliajwa:

⁹ —Ma amxot yamxulan cinco pan, cebadapanes, kolenje baxichbej. Japanaxaeyax kaechxajupaxil puexa jiw xaeliajwa —aech Andrés.

¹⁰ Do jawut, Jesús xanal, pejnachalwan, najum-aech:

—¡Puexa jiw to'im chalakaliajwa! —aechon.

Jaxot xabich pola pachaem chalakaliajwa. Samata, jaxot puexa jiw chiekal chalak. Chalakpi, me-ama kaes cinco mil poejiw. Watho' xajui-esal, yamxi suapich.

¹¹ Do jawut, Jesús panes not wut, Dios kawuajan wut, jum-aechon: “Ax, gracias-an ampanaxaeyax xanal nachaxdutampox” —aech Jesús. Kawuajnax buxtoet wut, xanal nachaxduwpon panes sasliajwan. Jawut xanal satx puexa chalakpiliajwa. Ja-aechbejpon baxichliajwa. Do jawut, xanal chaxduwx puexa jiw xaeliajwa, puexa xaesiapox.

¹² Do jawut, puexa jiw chiekal nafnia wut, Jesús xanal najum-aech:

—¡Naxaeyaxan namapi no'e napelsasamata! —aech Jesús.

¹³ Do jawut, xanal notx namapi. Wuux doce matpiran. Majt asbuan jumch cinco pan.

¹⁴ Japi jiw taen wut koechax, Jesús ispox naxaeyaxanliajwa, nakaewa najum-aechi:

—Diachw_uajnakolax ampon Dios pejprofeta. ‘Pasaxoekpon ampathatasik’ —tispon, japon patlison. Me-ama chajia lelsponx j_um-aech japonli-ajwa, diachw_uajnakolax ja-aechlisox —na-aechi nakaewa Jesúsliajwa.

¹⁵ Do jaw_ut, Jesús pajut matabijt japi jiw buflaespox japon japi peyreliajwa. Samata, jaw_ut chijiapon japixot. Asalelaxach julpon m_uaxxot tamachaliajwa.

Jesús f_ulaenpox puka minakaldin

(Mt 14.22-27; Mr 6.45-52)

¹⁶ Tuila w_ut, xanal, Jesús pejnachalwan, f_ulaekx puka poxadik.

¹⁷ Jesús pas-el w_utf_uk, xanal falkam julx, xabich tuila xot. Samata, t_uadutx chaliknaliajwan puka we-enlelde, pasliajwan Capernaum paklowax.

¹⁸ Do baxael, puka xabich pintruxan, xabich wik xot.

¹⁹ Xanal xabich faetx. Puka pafatatan w_ut, me-ama cinco kilómetros, do jaw_ut, kaen aton taenx at_uaxach, f_ulaen w_ut minakal. Japon f_ulaen xanalleldin, falkamleldin. Xanal japon taenx w_ut, xabich belwax, matabija-enil xot japon Jesúspon, f_ulaen w_uton minakal.

²⁰ Do jaw_ut, Jesús naj_um-aech xanalliajwa:

—¡Nabej nejlewlé! ¡Xanpe! —aech Jesús xanalliajwa.

²¹ Do jaw_ut, xanal nejchachaemlax, Jesús juldik w_ut xanal poxadik. Do jaw_utbej, kamta chapa'ax Capernaum paklowax.

Jiw w_ulwepox Jesús

²² Do kandiawa w_{ut}, jiw, namapi puka we-enlelde, japi jiw w_{ul}weklisi Jesús. Japi jiw taen xanalkal tamach, Jesús pejnachalwan, chaflaech-pox kaeyax falkamtat. Do jaxot kaes asafalkam ajil.

²³ Do jaw_{ut}, a sew jiw chapat falkammochantat. Japi chaflaen Tiberias paklowaxxotdin. Mox itjuli, Jesús panes chaxduwxot jiw xaeliajwa, Jesús Dios kaw_uajan w_{ut}.

²⁴ Japi jiw matabija w_{ut} jaxot ajilpox Jesús, xanalbej ajinilpox jaxot, japi jiwbej jul falkammochan, Capernaum paklowax poxaliajwadin Jesús w_{ul}wekaliajwapi.

Jesús, me-ama panax, ja-aechpox jiwliajwa

²⁵ Puka we-enleldin itjuldin w_{ut}, japi jiw taenlisi Jesús. Do jaw_{ut}, japi jiw w_uajna chaemt w_{ut}, j_um-aechi Jesúsliajwa:

—Jiw chanaekab_uanan, ¿masw_{ut}kat xam amxot patam? —aechi.

²⁶ Do jaw_{ut}, Jesús j_umnot w_{ut}, j_um-aechon:

—Diachw_uajnakolax xan j_um-an. Xamal naw_{ul}wekam, chiekal nafniam xot, pan xaelam w_{ut}. Pe xamal matabija-emil, ma-aech xot xan koechaxan isx. Xan nanaexaxis-emilbej.

²⁷ ¡Nabej nabich naxaeyaxankalliajwa, japoxan asamatkoi toepaxael xot! ¡Nabidelax naxaeyaxan toepaxilpoxanliajwa! Japoxanlap kaes pejme pachaem xamalliajwa, pomatkoicha duilalijwam. Japoxanlap xamal chaxduiyaxaelen, xan, puexa jiw pakoewkolnan. Taj-ax Dios chajia nachaxdut pejpamamax puexa jiw

chaxduiliajwan, naxaeyaxan toepaxilpoxan — aech Jesús japi jiwliajwa.

28 Japi jiw Jesús w_hajnachaemt w_{ut}, j_{um}-aechi:

—¿Achaxkat xanal nawewe'p isliajwan Dios nejx-asinkpox? —aechi.

29 Jesús j_{um}nnot w_{ut}, j_{um}-aechon:

—Dios nejxasink xamal xan nanaeaxisliajwam, xan Dios nato'aponan —aech Jesús japi jiwliajwa.

30 Do jaw_{ut}, japi jiw pejme w_hajnachaemt w_{ut}, j_{um}-aechi Jesúsliajwa:

—¿Masox koechaxkat pejme isaxaelam xanal taeliajwan? Koechax isam w_{ut}, ja-aech w_{ut}, xam naeaxisaxaelen diachw_hajnakolax xam Dios to'aponam.

31 Wajw_hajnapijiw pajilaxtat w_{uti}, Moisés pijaxtat xaeli maná, me-ama Dios pejjamechan, chajia lelspx, j_{um}-aech w_{ut}, j_{um}-aechox: 'Pan ath_upijiw, paw_uli maná, chaxduws wajw_hajnapijiw, japi xaeliajwa' —aechox. ¿Xamkat-is xaj_upam koechax isliajwam, me-ama Moisés is? —aechi Jesúsliajwa.

32 Do jaw_{ut}, Jesús j_{um}nnot w_{ut}, j_{um}-aechon:

—Diachw_hajnakolax xan j_{um}-an. Moisés pajut chaxdui-el maná wajw_hajnapijiw xaeliajwa. Pe taj-ax Dios chaxduif_ul ath_upijiw, maná. Wajw_hajnapijiw maná xael w_{ut}, japi pomatkoicha duilaliajwa-el. Amw_{ut}jellax taj-ax to'ak ath_ulelsik pan, diachw_hajnakolax ath_upijax.

33 Japapan Dios chaxdut, f_uloekpox ath_uxotsik, ampthatpijiw japapan xael w_{ut} pomatkoicha duilaliajwa Diosxotse —aech Jesús pajutliajwa.

34 Japi jiw w_uljow w_{ut}, j_{um}-aechi Jesúsliajwa:

—Jiw chanaekabuñanan, jxanal nachaxduim japa-pan pomatkoicha duilaliajwan! —aechi.

³⁵ Do jawut, Jesús jum-aech:

—Xanlap Dios pejpanan jiw bu'welialjwan pomatkoicha duilaliajwa Diosxotse. Xaelam wut naxaeyaxkal, asamatkoi xamal pejme litaxaelaxael. Minkal afam wutbej, xamal pejme minsilaxael. Xamallax xan nanaexasitam wut, pomatkoicha duilaxaelam pachaempoxtat. Ja-am wut, xamal, pejme litaxaelaxil. Minsilaxilbej.

³⁶ Pe xan jum-an xamalliajwa: ‘Xan koechax isx wut, xamal taenam. Pefuk xamal xan nanaexasis-emil’ —an xan xamalliajwa.

³⁷ Puexa jiw, taj-ax nachaxduwpi, japikal koew xanlel fulaeyaxaen. Xan japi jiw mastaelaxinil. Japi jiw xanxotaxael tajnachalaliajwa.

³⁸ Xan pas-enil ampathat poxasik tajut nejxasinkaxpoxan isliajwan. Xan paskax taj-ax Dios, nato'apon, nejxasinkpoxan isliajwan.

³⁹ Taj-ax nejxasink chiekal tataeflaliajwan, nachaxduwpixot kaen wenafo'a-elaliajwas. Taj-ax nejxasinkbej japi jiw mat-elialjwan japi pejme duilaliajwa, that toep wut.

⁴⁰ Taj-ax Dios nejxasink puexa jiw xan naxanaboejalialjwa, xan Dios paxulnan, japi jiw xan nanaexasit wutbej, japi pomatkoicha duilaliajwa Diosxotse. Taj-ax Dios nejxasinkbej xan japi mat-elialjwan pejme duilaliajwa, that toep wut —aech Jesús japi jiwliajwa.

⁴¹ Do jawut, a sew judíos nejweslapi Jesús. Jawut jum-aechi babejjamechan Jesúsliajwa, jum-aech xoton: “Xanlap Dios pejpanan, fuloekxponan athaxotsik” —aech xot Jesús pajutliajwa.

42 Japi nakaewa najum-aech Jesúsliajwa:

—¿Amponkat Jesús, José paxulana-el? Xatis chiekal matabijas japon pax, penbej. ¿Ma-aech xotkaton pajutliajwa najum-aech: ‘Xan fuloekxponan Diosxotsik?’ —na-aechkaton —aech japi jiw nakaewaliajwa.

43 Do jawut, Jesús jum-aech judíosliajwa:

—¡Buxkofim babejjamechan nakaewa najum-ampoxan xan jum-ampoxanliajwa!

44 Xamal xanlel fulaeyaximil tajnachalwamliajwa, taj-ax Dios, japon nato'apon, xamal makanos-el wut. Taj-ax Dios xamal makanot wut, xamal mat-eyaxaelen pejme duilaliajwam, that toep wut.

45 Dios pejprofetasxot, japixot kaen chajia lelpox jum-aech: ‘Dios naewhajnaael xabich jiwliajwa’ —aech chajia lelspx. Samata, xamal naewetam wut, naexasitam wutbej taj-ax Dios jum-aechpox, ja-am wut, xamal fulaeyaxaemen xanlel tajnachalwamliajwa.

46 “Ampathatpijiw tae-eli taj-ax Dios. Xanlax kaenan taj-ax taenxponan, xan fuloekx xot Diosxotsik.

47 Diachwajnakolax xan jum-an. Xamal chiekal xan nanaexasitam wut, pomatkoicha duilaxaelam Diosxotse.

48 Xanlap, me-ama Dios pejpanan jiw bu'weliajwan, jiw pomatkoicha duilaliajwa Diosxotse.

49 Chajiakolaxtat nejwajnapijiw xael maná, duilalap wut pajilaxtat. Xael wuti maná, pomatkoicha ampathatat laelpaliajwa-el. Xabich pakdiachow wut, japi tɔp.

⁵⁰ Pe amwutjel, xan naksiyaxpan, fuloekpox athuxotsik. Aton, japapan xaelpon, japon Diosli-ajwa pomatkoicha laejaxaelon.

⁵¹ Xan fuloekxponan athuxotsik, xan japapanan. Jiw xan nanaexasit wut, japi pomatkoicha duilafulaxael Diosxotse. Chaxduiyaxaelenpan, japapan tajbu'tkolax. Xan tajut natapaeyaxaelen asajiw naboesaliajwa, ampathatpijiw bu'welijwan" —aech Jesús judíosliajwa.

⁵² Do jawut, nakaejudíos najum-aechi, jumtaen wuti Jesús jum-aechpox:

—¿Machiyaxaelkat, nakchaxduiyaxael wuton pe-jwit xatis xaeliajwas? —na-aechi nakaewa judíos.

⁵³ Jesús pejme jum-aech japi judíosliajwa:

—Diachwajnakolax xan jum-an. Xae-emil wut tajwit, xan, puexa jiw pakoewkolnan, tajjal fe-emil wutbej, xamal pomatkoicha duilaximil Diosxotse.

⁵⁴ Tajwit xaeyaxaelpi, tajjalbej feyaxaelpi, japi jiw duilaxael pomatkoicha. Asamatkoi tup wuti, japi jiw xan mat-eyaxaelen pejme duilaliajwa, that toep wut.

⁵⁵ Tajwitlap, me-ama poklanaxaeyaxkolax. Tajjalbej, me-ama poklamintkolat.

⁵⁶ Japi jiw xael wut tajwit, af wutbejpi tajjal, japi duilaxael, xan sapich. Xanbej dukaxaelen pomatkoicha, japi sapich.

⁵⁷ Taj-ax Dios, nato'apon ampathatasik, japon duk pomatkoichaliajwa. Xanbej dukx pomatkoichaliajwa taj-ax pijaxtat. Jachiyaxaelbej tajwit xaelpi. Japibej pomatkoicha duilaxael xan tajaxtat Diosxotse.

58 Pan fuloekpox Diosxotsik, me-ama maná, jachi-el. Chajiakolaxtat nejw_uajnapijiw maná xael pajilaxtat. Do baxael, japi xabich pakdiachow w_{ut}, t_upaful. Maná xael w_uti ampathatat, pomatkoicha laelpaliajwa-el. Xan naksiyaxpox panliajwa, japapan xamal xaelam w_{ut}, pomatkoicha duilaxaelam Diosxotse –aech Jesús judíosliajwa.

59 Jesús japoxan naew_uajan, judíos naew_uajnabatat w_uton, Capernaum paklowaxxot w_{ut}.

Xabich pejnachala Jesús kofaspox

60 Do jaw_{ut}, xabich jiw, fulnan_uamti Jesús, japox j_um_utaen w_{ut}, nakaewa naj_um-aechi:

—Amraw_uajan xabich tampoel xatis j_ummatabijaliajwas. Tampoelbej xatis naexasisliajwas. ¿Achankatlax xatisxot naexasisaxael Jesús naew_uajanpoxan? —na-aechi nakaewa.

61 Do jaw_{ut}, Jesús matabijt japi j_um-aechpox babejjamechan japon naew_uajanpoxanliajwa. Samata, w_uajnachamt w_{ut}, j_um-aechon:

—¿Japoxkat xamalliajwa chaemil, xan naew_uajnapox? ¿Xamalkat nejxasinka-emil japox?

62 ¿Achaxkat xamal nejchaxoelaxaelam, taenam w_{ut} xan, puexa jiw pakoewkolnan, kaxa nawiasax w_{ut} Dios poxase?

63 Espíritu Santo pijaxtat jiw pomatkoicha duilaxael Diosxotse. Jiw pajut pijaxtat xaj_upaxil pomatkoicha duilaliajwa. Samata, ampathatat laelpam w_utfak, xan j_um-anpoxan naexasitam

wʉt, Espírítu Santo kajachawaesaxael xamal pomatkoicha duilaliajwam Diosxotse.

⁶⁴ Pe asey jiw xamalxot xan nanaexaxis-elfuk — aech Jesús fulafospiliajwa.

Jesús chajia matabijt asey japixot naexaxisax-isalpox. Matabijtbejpon, japixot achan wiasaxaes-son asamatkoi padaelmajiwxot.

⁶⁵ Jesús pejme jum-aechon fulafospiliajwa:

—Xan chajia jum-an: ‘Jiw fulaeyaxildin xanlel tajnachalaliajwa, japi taj-ax Dios makanos-esal wʉt’ —an xan —aech Jesús fulafospiliajwa.

⁶⁶ Japox Jesús jum-aech wʉt, xabich jiw, Jesús fulafospi, waeltaslison. Do jawʉt, japi jiw kaes fulnanuams-ellisi Jesús.

⁶⁷ Do jawʉt, Jesús wʉajjnachaemt wʉt, jum-aechon doce pejnachalaliajwa:

—¿Xamalkat-is xanxot chijiyasiam? ¿Me-ama asey jiw, jachisiamkat-is xamal? —aech Jesús pejnachalaliajwa.

⁶⁸ Do jawʉt, Simón Pedro jumnot wʉt, jum-aechon Jesúsliajwa:

—Jiw chanaekabuanan, xamxot chijian wʉt, ¿achankat xanal naknanuamsaxaelen? Xam kaenam, naewʉajjnamponam, jiw pomatkoicha duilaxaelpox Diosxotse.

⁶⁹ Xanal naexasitx xam Cristowamponam, Dios to'asponambej. Xanal chiekal matabijaxbej xam Dios paxulnampox, babijax is-emilponam —aech Pedro Jesúsliajwa.

⁷⁰ Do jawʉt, Jesús jum-aech xanalliajwa:

—Diachw_{uaj}nakolax xamal makanotx, doce poejwam. Pe nakiowa, kaen xamalxot dep tato'las —aech Jesús.

⁷¹ Jesús japox jum-aech w_{ut}, jum-aechon Judasli-ajwa. Japon Simón Iscariote pax_ulan. Judas-tat, japontat, xanal dosan. Pe japon asamatkoi wiasaxaelon Jesús, Jesús padaelmajiwxot.

7

Jesús pakoew naexasis-esalpox, japon Cristopon

¹ Do jaw_{ux}, Jesús nan_uamt Galilea t_{uaj}n_uxot. Jesús wepachaema-esal nan_uamsliajwa Judea t_{uaj}n_uxot, judíospaklochow w_ulweks xoton boesaliajwas.

² Pelis fiesta moxsf_ul, judíos pejfiesta. Japafiesta w_{ut}, judíos b_ua-antat duilalap. Japox ja-aechlap japi judíos nejkiowa-elaliajwa chajiakolaxtat pejw_{uaj}napijiw ispoxan, duil w_{ut} pajilaxtat.

³ Do jaw_{ut}, Jesús pakoew jum-aechi Jesúsliajwa:

—¡Xam amxot kaweta nabej namane'! ¡Xambej xab_ua'de Judea t_{uaj}n_u poxade, jaxotpijw, xam nejnachalapi, taeliajwa koechaxan isam w_{ut} jaxotde!

⁴ Xam nejxasinkam w_{ut} xabich jiw matabijaliajwa, achanam xam, ja-aech w_{ut}, ¡maliach nabej is koechaxan! ¡Japoxan isde tulaela jiw pejw_{uaj}nalel, puexa jiw chiekal taeliajwa! —aechi Jesúsliajwa.

⁵ Jesús pakoew naexasis-esal japon Cristopon. Samata, japi japox asb_uan jumch jum-aechi Jesúsliajwa.

⁶ Do jaw_{ut}, Jesús jum-aech pakoewliajwa:

—Xanfuk nawepas-el tajmatkoi fulaeliajwan Judea tñajñ poxade. Xamalliajwa nejmachmatkoiyan pachaem nanñamsliajwam.

⁷ Ampathatpijiw xamal nejweslaxil. Xanlax japi jiw nanejwesla, tulaela itpaeix xot babijaxan is-poxan.

⁸ ¡Xabña'de xamal fiesta poxade! Xanfuk fulaeyaxinil japoxade, nawepas-el xotfuk tajmatkoi fulaeliajwan japoxade —aech Jesús pakoewliajwa.

⁹ Jesús japox jum-aech wut, kaweta namanfukon Galilea tñajñxot.

Jesús wachakal fñlaechpox Jerusalén paklowax poxade, fiesta naktaeliajwapon

¹⁰ Jesús pakoew fñlaech wut fiesta taeliajwa, do jawñxbej, Jesús wachakal fñlaech fiesta taeliajwa. Jesús maliach pat fiestaxot. Maliach paton jiw matabijsamatas japon patpox.

¹¹ Fiesta wut, judíospaklochow wñlweki Jesús. Japi jum-aech asew jiwliajwa:

—¿Amxotkat japon aton, pawñlpon Jesús? —aechi.

¹² Dolisdo', fiesta wut, xabich jiw nakaewa najum-aech Jesúsliajwa. Asew japixot jum-aech: “Jesús xabich pachaem” —aechi. Asewlax japixot jum-aech: “Japon pachaema-el. Jiw naekichachajban pedo” —aech asew Jesúsliajwa.

¹³ Pe japi jiw naksiya wut Jesúsliajwa, tulaela jumchi-eli, asew jiw jaxotpijiw jumtaesamatas, pe-jlewla xoti judíospaklochowliajwa.

14 Do jaw_{ux}, cuatro matkoi w_{ut} fiestapox, Jesús Dios pejtemploba low. Do jaw_{ut}, jaxot t_uaduton jiw naew_{uaj}naliajwa.

15 Jaw_{ut} judíos xabich natachaema, jumtaen w_{uti} Jesús naew_{uaj}janpoxan. Nakaewa naj_{um}-aechi:

—¿Ma-aech xotkat xabich matabijton Dios pej-jamechan, japon pinjiyax estudia-el w_{ut}? —na-aechi nakaewa.

16 Jesús matabijt japi jum-aechpox. Samata, jum-aechon:

—Tajnaew_{uaj}naxan tajut tajax-el. Dios nato'aron, japon nab_{ux}to'apoxan, japoxan xan naew_{uaj}nax jiw.

17 Xamal nejchaxoelam w_{ut} isliajwam Dios nejxasinkpoxan, najut matabijaxaelam, xan naew_{uaj}naxpoxan Dios pijaxan w_{ut}, o, xan tajut tajaxkal w_{ut}.

18 Aton jum-aech w_{ut} pajut pijaxtat, japon xabichasia asew jiw sitaeliajwas. Xanlax jum-an diachw_{uaj}nakolax taj-ax pijaxtat, asew jiw jumchiliajwa: 'Dios xabich pachaem' —chiliajwapi taj-axliajwa. Xan naekichachajba-enil, jum-an w_{ut}.

19 “Chajiakolaxtat Moisés chaxduch Dios pejtato'laxan, wajw_{uaj}napijiwliajwa Moisés lelaliajwa japatato'laxan. Pe xamal amw_{ut}tjel naexasis-emilfak japox. Japatato'laxanxot Dios tapael asan aton boesaliajwam. ¿Ma-aech xotkat amw_{ut}tjel xamal xan naw_{ul}wekam naboesaliajwam?” —aech Jesús judíos paklochowliajwa.

20 Do jaw_{ut}, judíos jum-aech:

—Xam na-acham, nejmatp_uat_{at} dep ba xot. Samata, jasox xam j_um-am. Xanal xam w_ulweka-enil boesaliajwan —aech judíos Jesúsliajwa.

²¹ Do pejme Jesús j_um-aech japi judíosliajwa:

—Xamal xabich natachaemanuilam, xan isx w_ut kaeyax koechax napatamatkoitat.

²² Moisés keto'a wajw_uajnapijiw circuncidali-ajwa japi Dios pejmarkaxliajwa. Samata, xamal circuncidam puexa yamxi, poejiw, ocho matkoiyan w_ut nalaelapoxan. Japox Moisés pajut t_uadus-el. Waj-amjiw japox is Moisés w_uajna. Amw_utjelfuk xamal nakiowa yamxi circuncidam, ocho matkoiyan w_ut nalaelapoxan. Yamx_ulan nalaelt_ox ocho matkoi w_ut, japamatkoi napatamatkoi w_ut, xamal nakiowa yamx_ulan circuncidam japamatkoitat.

²³ Lach napatamatkoitat xamal nakiowa circuncidam yamx_ulan. Japox isam xamal naexaxisliajwam Moisés chajia lelpox. Ja-am w_ut, ¿ma-aech xotkat xan nalala xanliajwa, kaen aton boejth_ut_x w_ut napatamatkoitat?

²⁴ Xamal taenam w_ut aton ispoxliajwa, ¡nejmach nabej j_um-aече': 'Japon babijax is' —nabej aeche', majt chiekal matabija-emil w_ut_fuk japon aton pejb_u'w_uajanpoxliajwa! ¡Majt chiekal taem_fuk! Do jaw_ux, diachw_uajnakolax japon aton pejb_u'w_uajan w_ut, ¡j_um-amde japon pejb_u'w_uajanpoxliajwa! —aech Jesús judíosliajwa.

Jesús pajut j_um-aechpox amxot f_ulaenpon

²⁵ Jerusalén paklowaxxot duili, asew japixot nakaewa naj_um-aech Jesúsliajwa:

—Ampon atonlap paklochow w_ulwekspon boe-saliajwas.

²⁶ Pe Jesús tulaela jiw naew_uajan w_ut, chinax kaen aton jumchi-esal japon bu'w_uajanpoxliajwa. Jaels-esalbejpon. Paklochow bej jum-aechbej pejnechaxoelaxantat: 'Japon diachw_uajnakolax Cristo' —bej aechbejpi. Samata, jaels-esal Jesús.

²⁷ Pe Cristo f_ulaen w_ut, xatis matabijaxisal amxot f_ulaeyaxaenon. Xatislax matabijas, amxot Jesús f_ulaen. Samata, Jesús Cristowa-el —aech asew judíos.

²⁸ Jesús japox jumtaen w_ut, Dios pejtemplobaxot naew_uajan w_ut, pinjametat jum-aechon:

—¡Diachw_uajnakolax xamal namatabijtam xan! ¡Xamal chiekal namatabijambej, amxot xan f_ulaenx! Xan tajut tajaxtat f_ulae-enil. Xan f_ulaenx, taj-ax Dios nato'a xot. Dios naekichachajba-el. Dios jum-aech w_ut, diachw_uajnakolaxpox jum-aechon. Pe xamal matabija-emil Dios.

²⁹ Xanlax matabijtax Dios, f_uloekx xot Diosxotsik. Japon xan nato'a ampathatasik f_ulaeliajwansik —aech Jesús.

³⁰ Jesús japox jum-aech w_ut, judíos jaelsasiapi Jesús, jiw jebatat jeliajwaspon. Pe japi judíos jaelsaxilfuk, Jesús wepas-esal xot pejmatkoi.

³¹ Pe xabich jiw jaxot naexasiti Jesús naew_uajanpox. Samata, japi jiw jum-aech Jesúsliajwa:

—Ampon Cristo, Dios to'aspon. Kaes asan aton ajil koechaxan ispon, me-ama ampon aton, jason —aech xabich jiw Jesúsliajwa.

Fariseos jaelsasiapox Jesús, jeliajwapi jiw je-batat

³² Do jawut, fariseos jumtaen wuti jiw jum-aechpox Jesúsliajwa, jawut fariseos, sacerdotes-paklochowbej, to'api Dios pejtemploba weti, japi jaelsliajwa Jesús. Pe japi jaels-el Jesús.

³³ Dolisdo', Jesús jum-aech judíosliajwa:

—Xamalxotaxaelen asbuan jumch kaematkoianliajwa. Do jawux, xan kaxaxoeyan nato'apon poxase.

³⁴ Jawut, xan ajinil wut, xamal nawulwekaxaelam. Pe nafaenaximil, fulaeyaximil xot xan dukaxaelenxotse —aech Jesús judíosliajwa.

³⁵ Do jawut, judíos nakaewa nawuajnaechaemt wut, najum-aechi:

—¿Ampoxade Jesús fulaeyaxaechkat xatis japon faena-elaliajwas, wulweks wut? Jesús bej fulaeyaxaechbej asew judíos poxade, asatujnuchannel duili poxade. Jesús bej naewuajnaexaelbej asatujnuchanpijiw, japi judíos-eli.

³⁶ ¿Achaxkat jumchiyaxael, Jesús jum-aech wut: 'Jawut, xan ajinil wut, xamal nawulwekaxaelam. Pe nafaenaximil, fulaeyaximil xot xan dukaxaelenxotse' —aech wutkat Jesús? —aech judíos Jesúsliajwa.

Jesús naexasiti, japi pejnechaxoelaxan, me-amin nakakolsanpox satxotsin, ja-aech

³⁷ We'p wut kaematkoi fiesta toepaliajwa, japa-matkoi judíosliajwa kaes pejme pachaem. Samata,

japamatkoi jiw kaes pejme sitaen. Do jawut, Jesús nant wut, pinjаметат jum-aechon:

—Xamal xabich minsila wut, kaes Dios matabi-jasiam wutbej, ¡xaba'din xanlel!

³⁸ Dios pejjamechan, chajia lelsbox, jum-aech Dios jum-aechbox: 'Xan naexasiti, japi pejne-jchaxoelaxan, me-ama min nakakolsanbox satx-otsin, ja-aech' —aechox —aech Jesús judíosliajwa.

³⁹ Jesús jum-aech wut min nakakolsanboxliajwa satxotsin, japox jum-aechon Espíritu Santo-liajwa. Japon pejwajajan naexaxisaxaelpi, japi pejmatpumatxot pasaxoek Espíritu Santo. Jawut, Jesús japox jum-aech wut, Espíritu Santo fulae-elsikfuk Jesús naexasitixotsik, Jesús atha poxa-else xotfuk to'aliajwapon Espíritu Santo.

Jiw kaenejchaxoelaxa-elbox naexaxisliajwapi Jesús

⁴⁰ Asew jiw japixot jumtaen wut Jesús jum-aechbox, nakaewa najum-aechi:

—Diachwajnakolax Jesús, 'Dios pejprofeta, fulaeyaxaelpon' —tison —na-aechi nakaewa.

⁴¹ Asew jiwbej nakaewa najum-aech:

—Ampon Cristo, Dios to'aspon —na-aechi nakaewa.

Asew jiwlax Jesúsliajwa jum-aech:

—¡El! ¡Japon Cristowa-el! Cristo Galilea tuajnapijnaxil.

⁴² Dios pejjamechan, chajia lelsbox, jum-aech wut, jum-aechox: 'Cristo rey David pamonaxael. Nalaelsaxaelbejpon Belén paklowaxxot, David majt dukxot' —aech chajia lelsbox —aech asew jiw.

⁴³ Samata, jiw kaenejchaxoelaxa-el Jesúsliajwa.

44 Asew japixot jaelsasiapi Jesús jeliajwa jiw jebaxot. Pe japi jaels-eli Jesús.

Paklochow naexasis-elpox Jesús jum-aechpoxan

45 Do jawux, Dios pejtemploba weti nawia fariseos poxade, sacerdotespaklochow poxade-bej. Dios pejtemploba weti pat wut, jantispi, wujnachaemtas wut:

—¿Amekat bu'patam Jesús? —tispi.

46 Dios pejtemploba weti jumnot wut, jum-aechi:

—Japon jum-aech chimiajamechan. Me-ama asew jiw jum-aech wut, jachi-elon. Samata, xanal japon jaels-enil xamallel buflaeliajwan —aechi.

47 Do jawut, fariseos jum-aech:

—¿Xamalkat-is naexasitam naekichachajbapijin jum-aechpoxan?

48 Paklochowxot ajil, Jesús jum-aechpoxan naexasiti. Fariseosxotbej ajil.

49 Jesús naexasiti, japi jiw matabija-el Moisés chajia lelpox. Samata, Dios kastikaxaesi —aech fariseos Dios pejtemploba wetiliajwa.

50 Nicodemo, japon fariseo-aton, majt madoi fulaechpon Jesús taeliajwa, jawut jum-aechon fariseosliajwa:

51 —Moisés chajia lelpox nakjum-aech: 'Kamta to'aximil aton kastikaliajwas, majt chiekal matabija-emil wutfuk japon aton bu'wujjanpoxliajwa. Majt chiekal jumtaeyaxaelamfuk babijax ispon, naksiya wut xamalliajwa japon ispoxliajwa' —aechox —aech Nicodemo nakaefariseosliajwa.

52 Fariseos jumnot wut, jum-aechi Nicodemoliajwa:

—¿Xamkat-is Galilea tʉajnrɨpijnam? ɨXam xabich estudiam Dios pejjamechan, chajia lelspxo! Ja-am wʉt, xam matabijsaxaelam, Galilea tʉajnrɨpijiwxot Dios pejprofetas chiekal ajil —aech fariseos Nicodemoliajwa.

⁵³ [Do jawʉt, kaenanʉla fariseos nawia pe-jbachan poxade.

8

Pakmow asan poi nakmoejtpox

¹ Jawʉt, Jesús Olivonaechanmʉax poxade.

² Kandiawa wʉt, itliakafʉl wʉt, Jesús kaxadin Dios pejtemploba poxadin. Do xabich jiw mox soepa Jesúsxot. Jesús ek wʉt, tʉaduton jiw naewʉajnalajwa.

³ Do jawʉt, judíos chanaekabʉanapi, fariseos-bej, bʉflaeni kaeow pakmow Jesúsleldin. Japow faens, asan aton nakmoejt wʉt. Japon aton japow pamla-el. Do jawʉt, notipow puexa jiw pejwʉajnalel, Jesús wʉajnalelbej.

⁴ Japi jʉm-aech Jesúsliajwa:

—Jiw chanaekabʉanan, ampow, pakmow, faens, asan aton bʉ'moejt wʉt.

⁵ Moisés chajia lelpox jʉm-aech: ‘Watho’, jasox ispi, ia’tat dadaepaxtat matkaejabaxaesi’ —aechox. ¿Achaxkat xam jʉmchiyaxaelam japoxliajwa? —aechi Jesúsliajwa.

⁶ Jasoxtat japi xapaejt Jesús, asax jʉm-aech wʉt tasalalajwapi Jesús. Pe Jesús natxatdik wʉt, pejkothiyatat sat lelon.

⁷ Japi nakiowa japox kaeyax wʉajnachaemsful. Do jawʉt, Jesús mat-et wʉt, jʉm-aechon:

—Xamalxot kaen aton chinax babijax is-el wut, ijapon aton ia'tat nej matxoeladaeppon japow! — aech Jesús.

⁸ Do jawut, Jesús pejme natxatdik pejkothiyatat sat lelaliajwa.

⁹ Japi jumtaen wut Jesús jum-aechpox, kaenanala chijiasfullisi japowxot. Kaes chiekal pakdiachowpi matxoela chijiasful. Do jawux, wachakal chijiasful pansiachowpi. Do jawut, tamach waelti japow, Jesús supich.

¹⁰ Jesús mat-et wut, wujnachaemt wut, jum-aechon japowliajwa:

—Pawis, zamxotkat xam jum-aechpi nejbuwujajanpoxliajwa? Japixotkat kaen xam daep-el ia'tat? — aech Jesús japowliajwa.

¹¹ Japow jumnot wut, jum-aechow:

—Tajpaklon, amxot japi jiw ajillisi — aechow.

Do jawut, Jesús jum-aech japowliajwa:

—Xanbej to'axinil xam kastikaliajwa nejbuwujajanpoxliajwa. Xabua'de nejmach! Kaes nabej is babijaxan! — aech Jesús japowliajwa.]

Jesús, me-ama itliakaxpox ampathatpijwliajwa

¹² Do jawux, Jesús pejme naewujajan wut, jum-aechon jiwliajwa:

—Xan ampathatpijw kajachawaetx japi matabijaliajwa Dios. Samata, xan, me-ama itliakax jiwliajwa. Xan nanaexasiti, japi jiw kaes nej is-ele' babijaxan. Jasoxtat xan kajachawaesaxaelen jiw matabijaliajwa diachwujanakolaxpox, japi chiekal duilaliajwa ampathatxot — aech Jesús jiwliajwa.

¹³ Do jawut, fariseos jum-aechi Jesúsliajwa:

—Xam najut japox naksiyam. Samata, xanal matabija-enil, xam diachwajnakolax paeyam wut —aech fariseos Jesúsliajwa.

¹⁴ Jesús jumnot wut, jum-aechon fariseosliajwa:

—Xan tajut japox naksiyax wut, diachwajnakolaxpox jum-an. Xan tajut matabijtax amxot fulaenx. Pejme japoxaxaelen. Xamallax matabija-emil japox.

¹⁵ Xamal nijaxtat xanliajwa jum-am: ‘Japon nej kastikas, is xoton babijaxan’ —am xamal xanliajwa, chiekal matabija-emil wut. Xanlax jasoxtat jumchi-enil jiw pejbw'wajjanpoxanliajwa.

¹⁶ Pe jum-an wut jiw pejbw'wajjanpoxanliajwa, xan jumchiyaxaelen diachwajnakolaxtat. Tajut japox jumchi-enil jiw pejbw'wajjanpoxanliajwa. Nato'apon, japon taj-ax, nakajachawae-saxael, xan jiw jumchiliajwan wut japi pejbw'wajjanpoxanliajwa.

¹⁷ Moisés chajia lelpox jum-aech xamal chiekal matabijaliajwam: “Kolenje kaeyax chiekal jum-aech wut asan aton ispoxliajwa, ja-aech wut, japox diachwajnakolax” —aechox.

¹⁸ Xan tajut tajaxtat jum-an wut isxpoxanliajwa, taj-ax, japon xan nato'apon, japonbej japox kaeyax jum-aech xan isxpoxanliajwa —aech Jesús fariseosliajwa.

¹⁹ Do jawut, fariseos wajjnachaemt wut, jum-aechi Jesúsliajwa:

—¿Amxotkat nej-ax? —aechi.

Jesús jumnot wut, jum-aechon:

—Xamal xan namatabija-emil. Matabija-emilbej taj-ax. Xan namatabijaxaelam wut, ja-

am wut, matabijaxaelambej taj-ax —aech Jesús fariseosliajwa.

²⁰ Jesús japoxan jum-aech wut, nukon ofrenda jiaxot, Dios pejtemplobatat. Pe Jesús jaels-esal paklochow, jiw jebaxot jeliajwas, pejmatkoi wepas-esal xotfakon.

Naexasis-eli Jesús pejwajjan, japi pasaxilpox ma Jesús jaxotaxaelxot

²¹ Jesús pejme jum-aech judíosliajwa:

—Xan pejme nawiasaxaelen wut fulaenxot, xamal nawelwekaxaelam. Pe xamal tɔpaxaelam babijaxan isamproxantat Dios beltae-el wut. Samata, pasaximil xan jaxotaxaelenxot —aech Jesús judíosliajwa.

²² Do jawut, judíos nakaewa najum-aech:

—¿Jesúskat pajut bej nakijisaxaelbej? Samata, jum-aechon japox: ‘Pasaximil xan jaxotaxaelenxot’ —aechon —aechi nakaewa.

²³ Jesús pejme jum-aech:

—Xamal ampathatpijwamkal. Xan ampathatpijna-enil. Xan athɔpijnan.

²⁴ Samata, jum-an: ‘Xamal tɔpaxaelam babijaxan isamproxantat, Dios beltae-el wut’ —an xan, naexasis-emil xot, xan jum-an wut tajutliajwa —aech Jesús.

²⁵ Do jawut, japi wɔajnachaeamt wut, jum-aechi:

—¿Achanamkat xam? —aechi.

Jesús jumnot wut, jum-aechon:

—Xan naewɔajnax wut, chajia jum-an, achanan xan.

²⁶ Xan xabich xamal jumchiliajwan nejɔwɔajjanproxanliajwa. Pe xan jumchiyaxinil. Jumchiyaxaelenlax ampathatpijiwliajwa taj-ax

Diosxot jumtaenxpoxankal. Kaes pejme asaxan jumchiyaxinil. Dios, xan nato'apon, jum-aech diachwujnakolax —aech Jesús judíosliajwa.

²⁷ Japi jiw jumtaen Jesús jum-aechpox. Pe japi jummatabija-el, Jesús jum-aechpox pax Diosliajwa.

²⁸ Samata, Jesús pejme jum-aech judíosliajwa:

—Xan, puexa jiw pakoewkolnan, asajiw cruztat nakematamatal wut, jawut xamal chiekal matabijaxaelam xan diachwujnakolax Cristowanponan. Matabijaxaelambej puexa xan isxpoxan, japoxan tajut tajaxtat is-enil. Xamalbej matabijaxaelam puexa xan jum-anpoxan, japoxan jum-an, taj-ax Dios nabuxto'apoxan.

²⁹ Taj-ax, xan nato'apon, japon pomatkoicha xanxot. Tamach nawaels-elon, isfulax xot japon nejxasinkpoxan —aech Jesús judíosliajwa.

³⁰ Japox Jesús jum-aech wut, xabich jiw chiekal naexasiti japon Cristopon. Japi jiw chiekal xan-aboejabejpi Jesús.

Amxot jum-aechpox Dios paxiliajwa, Satanás paxiliajwabej

³¹ Jesús jum-aech asew judíosliajwa, japi cha-aex naexasiti japon Cristopon:

—Naexasisfulam wut xan naewujnaxpox, jam wut, diachwujnakolax tajnachalwaxaelam.

³² Xamal chiekal matabijam wut diachwujnakolaxpox, xan jum-anpox, jam wut, xamal kaes esclavosximil —aech Jesús judíosliajwa.

³³ Judíos japox jumtaen wut, jum-aechi Jesúsliajwa:

—Xanal Abraham pamojiwan. Chinax xanal esclavos-enil. ¿Ma-aech xotkat xanal najum-am: ‘Xamal kaes esclavosximil’ —na-amkat xanalliajwa? —aech judíos Jesúsliajwa.

³⁴ Jesús jumnot wut, jum-aechon japi judíosliajwa:

—Diachwujnakolax xan jum-an. Puexa jiw, babijaxan ispi, japi jiw, me-ama esclavos wut, ja-aechi, kofa-el xoti babijaxan ispoخان.

³⁵ Esclavo-aton pomatkoicha dukaxil paklon pejbatat, japon paklon paxulna-el xot. Paklon paxulanlax dukaxael pomatkoicha pax pejbatat, japon paklon paxulan xot.

³⁶ Samata, xan Dios paxulan jiw bu'weyaxaelen, japi xan nanaexasit wut. Beltaeyaxaelenbej japi babijaxan ispoخانliajwa. Ja-aech wut, japi diachwujnakolax bu'wujanjilaxael babijaxan ispoخانliajwa.

³⁷ Xan matabijtax diachwujnakolax xamal Abraham pamojiwam. Pe xamal nejchaxoelam xan naboesaliajwam, naexasis-emil xot tajnaewujnax.

³⁸ Xan jum-ansfulax taj-ax na-itpaeipoxan. Pelax xamal isfulam nej-ax tato'alpoxan —aech Jesús judíosliajwa.

³⁹ Do jawut, japi judíos jum-aech Jesúsliajwa:

—Xanal Abraham pamojiwan. Japon, me-ama taj-ax xanalliajwa —aech judíos.

Jesús pejme jumnot wut, jum-aechon judíosliajwa:

—Diachwujnakolax xamal Abraham pamojiwam wut, xamal isaxaelam pachaempoxan Diosliajwa. Me-ama nej-am Abraham

chajiakolaxtat is Dios nejxasinkpoxan, xamalbej jachiyaxaelam.

⁴⁰ Xan jum-an diachwɛajnakolaxpox xamalliajwa, Dios na-itpaeipox. Pe nakiowa, xamal nejchaxoelam xan naboesaliajwam. jWajwɛajnapijin Abraham chinax jasox nejchaxoela-el, xamal nejchaxoelampox!

⁴¹ Xamalbej isam, me-ama nej-ax is —aech Jesús judíosliajwa.

Jawɛt judíos jum-aech Jesúsliajwa:

—Xanal pafliaxhiya-enil. Xanal kaen taj-ax. Japon Dios. Diachwɛajnakolax xanal Dios paxin —aech judíos.

⁴² Jesús jumnot wɛt, jum-aechon judíosliajwa:

—Diachwɛajnakolax Dios nej-ax wɛt, xan nanejxasinkaxaelam, xan fɛloekx xot Diosxotsik. Amwɛtjel xamalxotx, Dios nato'a xot. Tajut tajaxtat fɛlae-enil.

⁴³ ¿Ma-aech xotkat tampoel tajjamechan xamal jummatatabijaliajwam? Tampoel tajnaewɛajnaxan, nejxasinka-emil xot chiekal nanaewesliajwam.

⁴⁴ Pe xamal nej-axpon, japon Satanás. Japon pejjiwambej. Isasiam nej-ax nejxasinkpoxan. Akaseskolaxtat Satanás bapon jiw. Amwɛtjel nakiowa ja-aechfɛlon. Nejxasinka-elbejpon diachwɛajnakolaxpox. Jumchi-elbejpon diachwɛajnakolaxpox. Japon jum-aech wɛt, jum-aechon naekichachajbaliajwa, naekichachajbapijin xot. Satanáslap matxoelanaekichachajbapijin.

⁴⁵ Pelax xan jum-an xot diachwɛajnakolaxpox, xamal xan nanaexasis-emil.

46 Xamalxot, ¿achankat nataen xan tajbɨ'wɨajanaxox? Xan jum-an wɨtlax diachwɨajnakolaxpox, ¿ma-aech xotkat xamal xan nanaexasis-emil?

47 Dios pejjiwpi, japi jiw chiekal naewet Dios pejjamechan naexasisliajwa. Pe xamal Dios pejjiw-emil xot, nejxasinka-emil naewesliajwam Dios pejjamechan –aech Jesús.

Abraham wɨajna Cristo dukpox

48 Do jawɨt, judíos jum-aech Jesúsliajwa:

–Xanal jum-an wɨt xamliajwa: ‘Xam Samaria tɨajnpijnam. Xambej nejmatpɨatat dep webaponam’ –an wɨt, diachwɨajnakolax xanal jum-an –aech judíos Jesúsliajwa.

49 Do jawɨt, Jesús jumnot wɨt, jum-aechon judíosliajwa:

–Xan tajmatpɨatat dep chiekal ajil. Xan sitaenx taj-ax Dios. Pe xamallax xan nasitae-emil.

50 Xan walweka-enil sitaeyax tajutliajwa. Pelax taj-ax, Dios, nejxasink jiw xan nasitaeliajwa. Dios jumchiyaxaelbej pachaempoxan xanliajwa.

51 Diachwɨajnakolax xan jum-an. Xan jum-anpoxan naexasiti, japi tɨpaxil –aech Jesús.

52 Judíos japox jumtaen wɨt, jum-aechi:

–Amwɨtjel xanal chiekal matabijax, diachwɨajnakolax xam nejmatpɨatat dep weba. Abraham, asew Dios pejprofetaspi, puexa japi chajia tɨp. Xamlax jum-am: ‘Xan jum-anpoxan naexasiti, japi tɨpaxil’ –am xam.

53 ¿Xamkat kaes pejme paklonam? ¿Me-ama wajwɨajnapijin Abraham, jachi-emilkat xam? Japonbej chajia tɨp. Puexa Dios pejprofetaspi,

japibej chajia тӱр. Xam najutliajwa nejchaxoelam wʉt, ¿achanamponam xam? —aech judíos Jesúsliajwa.

⁵⁴ Jesús jumnot wʉt, jum-aechon:

—Xan tajutliajwa jum-an wʉt pachaempox, japox xanliajwa pachaemaxil. Pe taj-ax pajut xan nasitaen. Japonliajwa xamal najut jum-am: ‘Japon tajDios’ —am xamal. Pebej japon xan taj-ax.

⁵⁵ Pe xamal matabija-emil Dios. Xanlax chiekal matabijtax Dios. Xan jum-an wʉt: “Xan matabijs-enil Dios” —an wʉt, ja-an wʉt, xan naekichachajbaxaelen xamal. Me-ama xamal, jachiyaxaelen. Diachwʉajnakolax xan chiekal matabijtax taj-ax Dios. Japon pejjamechan chiekal naexasisfulaxbej.

⁵⁶ Abraham, nejwʉajnapijin, nejchachaemil, matabijt wʉton xan fʉlaeyaxaelenpox ampathatasik. Amwʉtjel, nataekon. Samata, Abraham xabich nejchachaemil xanliajwa —aech Jesús.

⁵⁷ Do jawʉt, judíos jum-aechi Jesúsliajwa:

—Xamfuk pati'na-emil. Xambejfuk pas-emil cincuenta waechan jumchiliajwam: ‘Xan taenx Abraham’ —chiliajwam —aech judíos Jesúsliajwa.

⁵⁸ Jesús jumnot wʉt, jum-aechon:

—Diachwʉajnakolax xan jum-an. Xan Abraham wʉajna chajia dukx —aech Jesús.

⁵⁹ Do jawʉt, judíos ia' not dadaepliajwapi Jesús. Pe faena-eli, Jesús namoest xot jiwat. Do jawʉx, nakoltlison Dios pejtemplobaxot.

9

Jesús boejthʉtprox itliaklan

¹ Dolisdo', Jesús fol wut, xanal, japon pejnachalwan s̄apich, Jesús taen kaen itliaklan. Japon aton taeyaxil, jasox chanlaelt xoton.

² Do jawut, xanal w̄ajnachaehtax wut, jum-an Jesúsliajwa:

—Jiw chanaekab̄anan, ¿ma-aech xotkat japon aton jasox chanlaelt itliaklax? ¿Pax, pen s̄apichkat, babijaxan ispoxtantat, japon aton ja-aech? O, ¿japonkat pajut babijaxan ispoxtantat ja-aechon? —an xanal.

³ Jesús naj̄umnot wut, naj̄um-aechon xanalliajwa:

—¡E! Japon pajut babijaxan ispoxtantata-el. Pax, penbej, japi ispoxtantata-elbej. Japon aton itliakal amw̄utjel Dios itpaeliajwa pejpamamax, boejth̄ach w̄aton.

⁴ Matkoi wut, xatis nabichaxaesfuk. Pe madoi wut, nabichaxisal. Ja-aechbej xatisliajwa. Amw̄utjel pachaem nabichliajwas Dios pejbichax. Pe asamatkoi t̄paxaes. Japamatkoitat, kaes nabichaxisal.

⁵ Xan ampathatatax wut, xan, me-ama itliakax ampathatpijiwliajwa. Xan jiw kajachawaesaxaelen japi chiekal matabijaliajwapi Dios —aech Jesús.

⁶ Jesús japox jum-aech wut, jawut sat loeyapon. Pej-almintat ju'apon sat assap isliajwa. Dolison, japa-assap mojton pejkothiyatat itliaklan itfujoe-laliajwa. Jawut itfujoe-lapon itliaklan.

⁷ Do jawut, Jesús jum-aech itliaklanliajwa:

—¡Xab̄aa'de asew nawaen poxade, jaxotde itfukiasliajwam! Jaxotde cha-aelpukach, poejiw pajut

ispox, pawulox Siloé —aech Jesús itliaklanliajwa. (Siloé jumchiliajwa: “To'aspon” —chiliajwa.)

Do jawut, itliaklan fulaechlison itfukiasliajwa. Itfukiat wut, kaxadin wuton, jawut chiekal taenlison.

⁸ Asew jiw, mox duili japon dukxot, asew jiwbej, japi taenpi, japon plata waljow wut nuambabu'tat, japi puexa pejme taen wut japon, japi nakaewa najum-aech:

—¿Amponkatlap majt plata waljowpon, nuambabu'tat ek wut? —aech japi jiw nakaewaliajwa majt itliakalponliajwa.

⁹ Asew japixot jum-aech:

—Diachwajnakolax chiekal japon. Asana-el —aechi.

Pe asew japixot jum-aechlax:

—¡Japona-elkatdo! Pe asan, me-ama japon, jakabuan-aechpon —aechi.

Do jawut, japon pajut chiekal jum-aech ne-jth'axtat japi jiwliajwa:

—Diachwajnakolax xan chiekal japonan. ¿Ma-aech xotkat xamal xan chiekal namatabija-emil? —aechon.

¹⁰ Do jawut, wajnachaehtas wut, jumtispon:

—¿Ma-aech xotkat xam chiekal amwutjel taenam? —tispon.

¹¹ Majt itliakalpon jumnot wut, jum-aechon:

—Aton, pawulpon Jesús, japon xan nataen wut, pej-almintat assap ispon. Japa-assaptat tajkole-itfulelje na-itfujoelapon. Do jawut, najum-aechon: ‘¡Xabua'de asew nawaen poxade, jaxotde chaelpukach, poejiw pajut ispox, pawulox Siloé! ¡Jaxotde itfukia'e!’ —na-aech japon aton. Do jawut, xan

fulaechx itfukiasliajwan. Jaxotde itfukiatx wut, tajkole-itfutje chiekal nawepachaem. Do jawut, chiekal taenxbej —aech majt itliakalpon.

¹² Do jawut, asew jaxotpijiw wujajnaem wut, jum-aechi:

—¿Amxotkat japon aton? —aechi, Jesúsliajwa wujajnaem wut.

Majt itliakalpon jumnot wut, jum-aechon:

—Jalape. Xan matabijs-enil amxoton amwutjel —aechon.

Fariseos wujajnaemtpox majt itliakalpon

¹³⁻¹⁴ Jesús ju'a wut assap itliaklanliajwa japon taeliajwa, japamatkoi napatamatkoi. Samata, asew jiw bu'foli majt itliakalpon fariseos poxade.

¹⁵ Bu'pat wutipon fariseosxot, japi wujajnaemtaspon. Do jawut, jumtispon:

—¿Ma-aech xotkat xam amwutjel chiekal taenam? —tispon.

Japon jumnot wut, jum-aechon:

—Kaen aton assap na-itfujoela. Xan itfukiatx wut, jawut taj-itfut chiekal nawepachaem —aech majt itliakalpon.

¹⁶ Asew fariseosxot jum-aechi:

—Japon aton japox is wut, sitae-el napatamatkoi. Samata, Dios to'aspona-el —aechi.

Asewlax japixot jum-aech:

—Japon babejen wut, isaxilon koechaxan —aechi.

Samata, fariseos kaenejchaxoelaxa-el Jesúsliajwa.

¹⁷ Ja-aech wut, majt itliakalpon pejme wujajnaemtas. Jumtispon:

—Xamlax, ¿achaxkat jum-am nej-itfut boejthutponliajwa? —tispon.

Majt itliakalpon jumnot wut, jum-aechon:

—Japon Dios pejprofeta —aechon.

¹⁸ Judíos naexasis-el japon majt itliakalpox. Samata, judíos wallalapi japon pax, penbej, fulaeliajwadin.

¹⁹ Do jawut, pax, pen sapich, pat wut, wujnachaemtas wut, jumtispi:

—¿Diachwujnakolaxkat ampon naxulan, itliak-lax chanlaeltpon? ¿Ma-aech xotkaton amwutjel chiekal taen? —tispi, wujnachaemtas wut.

²⁰ Japon pax, pen sapich, jumnot wut, jum-aechi:

—Xanal chiekal japon matabijtax xamalxot nukpon, japon taxulan. Matabijtaxbej japon itliaklax chanlaeltpox.

²¹ Pe xanal matabija-enil, ma-aech xot amwutjel chiekal taenpon. Matabija-enilbej, achan itfuboejthuchpon. Taxulan pati'in. Samata, xamal najut wujnachaemdepon! Japon pajut xamal jumchiyaxael —aech pax, pen sapich.

²² Japi jasox jum-aech, pejlwla xoti judíosliajwa, judíos jum-aech xot: “Nejmach-aton jum-aech wut: ‘Jesús, japon Cristo, Dios to'aspon’ —aech wut, japon aton xanal tapaeyaxinil leliajwa waj-naewujnabaxot” —aech xot chajia judíos.

²³ Samata, japon pax, japon penbej, jum-aechi: “Taxulan pati'in. Samata, xamal najut chiekal wujnachaemde japon!” —aechi.

²⁴ Do jawut, judíos pejme la majt itliakalpon fulaeliajwadin. Pat wuton japixot, jum-aechi japonliajwa:

—¡Diachwajnakolax najum-amde Dios jumtaelajwa! ¿Achankat japon aton? Xanal matabijtax, japon aton babejenpon —aech judíos.

²⁵ Japon jumnot wut, jum-aechon:

—Xan matabijs-enil japon aton babejen wut, o, babejna-el wut. Xanlax matabijtax ampox. Majt chinax xan tae-enil. Amwutjel chiekal taenx —aechon.

²⁶ Pejme wujnachaemt wut, jum-aechipon:

—¿Achaxkat japon aton is xamliajwa? ¿Achaxkat isbejpon xam chiekal taelajwam? —aech judíos majt itliakalponliajwa.

²⁷ Majt itliakalpon jumnot wut, jum-aechon:

—Xamal chiekal jum-an. Pe chiekal xan nanaexaxis-emil. ¿Ma-aech xotkat kaes xabich jumtaesiam? ¿Xamalbejkat japon pejnachalwasiam? —aechon judíosliajwa.

²⁸ Do jawut, babejjamechan jumentis wut, jum-aechipon:

—Xam japon babejen pej-atonam. Xanallax Moisés pejjiwan.

²⁹ Xanal chiekal matabijax chajiakolaxtat Dios nospaeipox, Moisés suapich. Pe xanal matabija-enil, achan to'as Jesús —aech judíos.

³⁰ Majt itliakalpon pejme jumnot wut, jum-aechon:

—Japon xan na-itfuboejthut. Pe xamal matabija-emil, achan to'ason.

³¹ Xatis judíos chiekal matabijas Dios kajachawaesaxaelpox naexasiti Dios, nejxasinkpibej Dios. Dios kajachawaes-el jiw babejchow, japi naexaxis-eli Dios.

³² Ampathatat aton ajil, xajumpon boejthusliajwa itliakla chanlaelapi. Majt jason aton tae-esal, me-ama japon, aton.

³³ Japon aton Diosxotsik fulae-el wut, xan naboe-jthusaxilon —aech majt itliakalpon.

³⁴ Do jawut, judíos palaeyajametat jum-aechi japonliajwa:

—Xam itliaklax chanlaeltam, nej-ax, nej-en sapich, xabich babijaxan is xot. Ja-am wut, xamkat xanal nanaewhajnasiam? —aechi.

Do jawutbej, judíos nakolsax to'api japon aton judíos pejnaewhajnabaxot.

Jiw matabija-elpi Dios, japi jiw, me-ama itliakla wut, ja-aechpox

³⁵ Jesús wultaen majt itliakalpon nakolsax to'aspox judíos pejnaewhajnabaxot. Jesús japon aton faen wut, wahnachaemt wut, Jesús jum-aech japon atonliajwa:

—xamkat puexa jiw pakoewkolan naexasitam? —aech Jesús.

³⁶ Majt itliakalpon jumnot wut, jum-aechon:

—Jiw chanaekabanan, najum-amde! xachankat puexa jiw pakoewkolan, xan naexasisliajwan japon? —aechon.

³⁷ Do jawut, Jesús jumnot wut, jum-aechon japonliajwa:

—Xam najut japon taenam. Xanlap japonan, puexa jiw pakoewkolnan, xam sapich, nospaeipon —aech Jesús.

³⁸ Do jawut, majt itliakalpon brixtat nuk Jesús pejwahnalel, xabich sitaen xoton. Japon jum-aech Jesúsliajwa:

—Jiw chanaekabuanan, xam naexasitx —
aechon.

³⁹ Do jawut, Jesús jum-aech:

—Xan fulaenx ampathatasik jiw diajkaliajwan kolemutje. Kaemut xan nanaexaxisaxael. Japi majt, me-ama itliakla wut, ja-aechpi pejnejchaxoelaxantat, amwutjel japi jiw chiekal taeyaxael. Matabijaxaelbejpi diachwujnakolaxpoxan. Asamut xan nanaexaxisaxil. Japi, me-ama itliakla wut, jachiyaxael pejnejchaxoelaxantat, xan nanaexaxis-el xoti. Matabijaxilbejpi diachwujnakolaxpoxan —aech Jesús majt itliakalponliajwa.

⁴⁰ Asew fariseos, japox jumtaen wut, jum-aechi:

—¿Xanalkat-is, me-ama itliaklawan Diosliajwa? —aechi.

⁴¹ Jesús jumnot wut, jum-aechon:

—Diachwujnakolax xamal nejnejchaxoelaxantat, me-ama itliaklawam wut, ja-am. Dios chapaeyam wutbej babijaxan isampoxanliajwa, ja-am wut, xamal bu'wujanjilaxaelam Diosliajwa. Pe xamal jum-am: 'Xanal chiekal taenx. Itliaklawam-enilbej tajnejchaxoelaxantat' —am xot, xamal nejb'wujajan. Asamatkoi, tupam wut, nabijasaxaelam babijaxan isampoxantat —aech Jesús fariseosliajwa.

10

Ovejas tataeflan, pej-ovejas suapichpox

¹ Do jawut, Jesús jum-aech fariseosliajwa: “Diachwujnakolax xan jum-an. Le-elpon fafael ovejas jiasxot, pe asalel julpon leliajwa, japon aton natkowan.

² Fafalel lowpon, japonlax ovejas tataeflan.

³ Fafa wesan wefafach japon leliajwa. Do jawut, kaenanula pejew ovejas laefulon pejwultat. Pejew ovejas jummatabijtas japon aton pejjame. Jasoxtat japon aton pejew ovejas juk jiasxot pola xael-paliajwa.

⁴ Ovejas tataeflan puexa pejew ovejas bu'fol wut, japon matxoela fol. Pejew ovejas wuchakal fol, pejjame jummatabijtas xoton.

⁵ Ovejas asew jiw fulfulae-el, japi pejjamechan jummatabija-esal xot. Japi jiwxot dukpaxael ovejas, xabich pejlewla xoti” —aech Jesús fariseosliajwa.

⁶ Jesús japawujantat naewujajan wut, japi fariseos jummatabija-el Jesús jum-aehpox.

Jesús xabich pachaempox jiw tataeflialiajwa

⁷ Do jawut, Jesús pejme jum-aech fariseosliajwa: “Diachwujnakolax xan jum-an. Xan, me-ama laleyax, ovejas leliajwa jiasxot.

⁸ Puexa kichachajbapi, pati tajwujajna, me-ama Dios to'as wut, ja-aechi, japi jiw me-ama kethaka. Japi nawenatkowasia tajjiw. Pe tajjiw naexasis-el japi kethaka naewujajanpoxan.

⁹ Xan, me-ama laleyax Diosxotse jiw pasliajwa. Xanlel lelpí, japi xan tataeflaxaelen. Japi, me-ama tejew ovejas. Jiasxot nakola wut, chimiapola faekaxaeli xaeliajwa. Do jawux, pejme jiasxot leyaxaeli.

¹⁰ “Kethaka fulaen ovejas natkowaliajwa, beliajwabejpi ovejas. Xan fulae-enil isliajwan, me-ama

japox. Xan fulaenx jiw chiekal nejchachaemlialijwa pejnejchaxoelaxantat, pomatkoicha chiekal duilalialjwapi.

¹¹ Xan chiekal pachaeman jiw tataeflialijwan. Me-ama ovejas tataeflan, pachaempon, pejew ovejas chiekal tataeflialijwa, xanbej ja-an. Ovejas tataeflan nejchaxoel: ‘Asan aton tejew ovejas nawebeyaxael wut, xan tapaeyaxinil. Xanlax jumchiyaxaelen: “¡Xan naboesim!” —chiyaxaelen, tejew ovejas bu'welialjwan’ —aech ovejas tataeflan, nejchaxoel wut.

¹² Pe nabiston plata kanaliajwa, japon aton pejmachoeffan fulaeyax taen wut, ovejas tamach waelchaxaelon. Dolison, pejlel najaesaxael. Jaso isaxaelon, japon poklatataeflana-el xot ovejas. Jawut, pejmachoeffan ovejas bu'ajil wut, ovejas kaenanala pejlel nasalaxael.

¹³ Do jawut, japon aton pejlel najaet, asbuan jumch nabichankal xot platalialjwa. Japonliajwa ovejas omjil, pejwa-el xoton ovejas.

¹⁴⁻¹⁵ “Xan chiekal pachaeman jiw tataeflialijwan. Me-ama ovejas tataeflan chiekal tataeful pejew ovejas, xanbej ja-an. Taj-ax Dios chiekal namatabijt. Xanbej taj-ax Dios chiekal matabijtax. Jasoxtat chiekal xan matabijtax, tajjiw, xan nanaexasiti. Japibej chiekal xan namatabijt. Xan tajut tapaeyaxaelen asew jiw xan naboesaliajwa, tajjiw bu'welialjwan. Me-ama ovejas tataeflan, tuxaxael pejew ovejasliajwa chachoel wut japon atonliajwa, xanbej jachiyaxaelen.

¹⁶ Asew tajjiwpi, japibej xanliajwa, me-ama tejew ovejas, duilpi asatujnuchanel. Japi wuljaesaxaelen, xanxot kaeyaxtat duilalialjwa.

Japi xan nanaexasisfulaxael. Buflaenx wut, puexa japi kaemutaxael. Xan, kaenan, japi jiw tataeflaxaelen.

¹⁷ “Taj-ax Dios xabich xan nanejxasink, tɔpaxaelen xot tajjiwliajwa, japi bu'welialjan. Do jawux, taj-ax namat-esaxael pejme dukaliajwan.

¹⁸ Asew jiw xan naboesaxilfuk, xan tajut tapae-enil wutfuk. Xan tajut tapaeaxaelen, maswut naboesaxaeli. Do jawux, Dios xan namat-esaxael pejme dukaliajwan. Japoxlap taj-ax Dios xan nato'a isliajwan” –aech Jesús fariseosliajwa.

¹⁹ Do jawut, judíos jumtaen wut Jesús jum-aechpox, pejme kaenejchaxoelaxa-eli.

²⁰ Xabich japixot jum-aech:

—Ampon aton na-acha. ¿Ma-aech xotkat xatis kaes wulnaewesfulas, dep tato'lanas? —aech judíos Jesúsliajwa.

²¹ Pe asew japixot jum-aech:

—Aton, pejmatpɔtat dep webaespon, jasox jumchiyaxil, naksiya wut. Dep xajɔpaxilbej itliaklan boejthɔsliajwa, chiekal taeliajwa aton —aechi.

Asew judíosxot nejweslapox Jesús

²² Asamatkoi, iama wut, judíos fiesta is Jerusalén paklowaxxot. Japafiesta judíos nejchaxoelaliajwa pejwɔajnapijiw Dios pejtemploba chaemsax ketɔetpox.

²³ Jawut Jesús Dios pejtemplobaxot laeja, pawuxot Pórtico de Salomón.

²⁴ Jaxot judíos, japi masajiat Jesús. Wɔajnachaemtikon chiekal matabijaliajwa. Do jawut, japi jum-aech Jesúsliajwa:

—¿Masmatkoiyankat xanal wɥaj nawesaxaelen matabijaliajwan, achanamkat xam? Xam diachwɥajnakolax Cristowam wɥt, jama najɥm-amde xanal chiekal matabijaliajwan! —aech judíos Jesúsliajwa.

²⁵ Do jawɥt, Jesús jɥmnot wɥt, jɥm-aechon japi judíosliajwa:

—Xan chajia chiekal xamal jɥm-an: ‘Xan Cristowan’ —an. Pe xamal naexasis-emil. Xan koechaxan isx wɥt, japoxan isx taj-ax Dios pijaxtat. Japoxan isx matabijaliajwam, achanan xan xamalliajwa.

²⁶ Pe nakiowa, xamal xan nanaexasis-emil, xamal tajjiwa-emil xot. Me-ama tejew ovejas, jachi-emil.

²⁷ Tejew ovejas xan tajjame najɥmmatabijit, xan naksiyax wɥt. Xanbej japi matabijitax. Samata, japi xan nafɥlafol.

²⁸ Jiw, xan nanaexasiti, kajachawaesaxaelen pomatkoicha duilaliajwa Diosxotse. Samata, japi jiw napelsaxil. Chinax kaen aton japi jiw nawenosaxil, xan nanaexasiti.

²⁹ Taj-ax Dios woeyapi jiw xanxot. Taj-axbej xabich pejpamamax. Me-ama jiw, jachi-elon. Samata, chinax kaen aton xajɥpaxil japi jiw taj-axxot wemakanosliajwas.

³⁰ Xan, taj-ax sɥapich, chiekal koewan —aech Jesús judíosliajwa.

³¹ Do jawɥt, judíos pejme noti ia' dadaepliajwapi Jesús.

³² Jawɥt Jesús jɥm-aech japi judíosliajwa:

—Taj-ax Dios pijaxtat xabich chamoeyaxan isx nejwɥajnalel. ¿Achax chamoeyaxliajwakat xan

ia'tat wɔlnabʉ'dadapam? –aech Jesús.

³³ Judíos jʉmnot wʉt, jʉm-aechi:

–¡E! Xanal ia'tat xam dadaepaxinil, chamoeyaxan isam xot. Xanal ia'tat dadaepxpoxtat xam matkaejabaxaelen, Dios sitae-emil xot. Xam naksiyam, me-ama waj-ax Dios, xam atonamkal wʉt –aech judíos Jesúsliajwa.

³⁴ Do jawʉt, Jesús jʉm-aech:

–Dios pejjamechan, chajia lelsopox, jʉm-aech Dios jʉm-aechpox Dios makanochpi paklochowli-ajwa: 'Xan jʉm-an: "Xamal, me-ama dioses" –an xan' –aech Dios jʉm-aechpox japi Dios makanoch-piliajwa.

³⁵ Xatis chiekal matabijas Dios pejjamechan diachwɔajnakolax pomatkoichaliajwa. Samata, chajiakolaxtat Dios jʉm-aech wʉt paklochowli-ajwa: 'Xamal, me-ama dioses' –aech wʉt, diachwɔajnakolax Dios jʉm-aech japiajwa.

³⁶ Xanbej, Dios namakafitponan, japon xan nato'a ampathatpijiw bʉ'weliajwan. Jʉm-an wʉt: 'Xan Dios paxɔlnan' –an wʉt, ¿ma-aech xotkat xamal najʉm-am: 'Xam sitae-emil Dios' –na-amkat?

³⁷ Xan is-enil wʉt taj-ax nato'apoxan, ja-an wʉt, jʉxan nabej nanaexasis!

³⁸ Pelis xan isfulax wʉt taj-ax nato'apoxan, jʉxan nanaexasi' e isfulaxpoxantat, xamal xan nanaexasi-elasiam wʉt xan jʉm-anpox taj-ax Dios nato'aponliajwa! Xan koechaxan isxpoxan, taenam wʉt, jʉxamal najut chiekal matabijim xan Dios nato'aponanpox! Ja-aech wʉt, xamal chiekal matabijaxaelambej xan koewanpox, taj-ax Dios sɔapich –aech Jesús judíosliajwa.

³⁹ Do jawut, judíos pejme jaelsasiapi Jesús. Pe japixot wiapon.

⁴⁰ Do jawux, Jesús nawiat wut Jordánlajt wenelde, Juan majt jiw bautisafuxot, xanalbej Jesús pejnachalwan, Jesús sɥapich, nawiax. Do jaxot Jesús naman wut, xanalbej namax jaxot.

⁴¹ Do jaxot xabich jiw fɥlaen Jesús taeliajwa. Japi jiw Jesúsxot pat wut, nakaewa najum-aechi:

—Juan, jiw bautisan, chinax koechax is-el. Pe Juan puexa jum-aechpox amponliajwa, japoxan diachwɥajnakolax, chiekal ja-aechlisox —na-aechi nakaewa Jesúsliajwa.

⁴² Do jawut, xabich jiw jaxot naexasiti Jesús, japon Dios to'asponpox.

11

Lázaro tɥppox

¹ Aton bu'xaeyan, pawɥlpon Lázaro, koliowje pakowow sɥapich, dukon Betania paklowaxxot. Kaeow pawɥl María. Asaow pawɥl Marta.

² Martalap majt Jesús tɥakchafan perjumamint, xabich sitaen xotow Jesús. Do jawutbej, japow pejmatlatat tɥakjoeipow Jesús pejtɥak.

³ Japi koliowje asan aton to'a japon wɥljaesliajwa Jesús. Buɥto'a wut, jum-aechipon:

—Jesús faenam wut, jum-amopon: ‘Tajpaklon, nejnachalan Lázaro, nejxasinkampon, xabich bu'xaenk’ —amo Jesús! —aechi, aton to'a wut.

⁴ Do jawux, Jesús japox jumtaen wut, jum-aechon xanal pejnachalwanliajwa:

—Lázaro ampawaxaetat chiekal tɔpaxael. Pe kaelel tɔpaxilon. Japon bɛ'xaenk puexa jiw taeliajwabej xan, Dios xabich mamnikpon, jiw taeliajwabej xan, Dios paxɔlnan, tajpamamaxbej —aech Jesús.

⁵ Jesús kamta kajachawaesasia Marta, Maríabej, Lázaro bɛ'xaenkpoxliajwa, Jesús japi xabich nejx-asink xot.

⁶ Wɔltaen wɔton Lázaro bɛ'xaenkpox, Jesús nakiowa kaweta namanfɔkon kolematkoije Jordánlajt we-enlelde.

⁷ Do baxael, Jesús jum-aech xanal pejnachalwanliajwa:

—Chijias pejme Judea tɔajnu poxade —aechon xanalliajwa.

⁸ Xanal jum-an:

—Jiw chanaekabɔanan, kaematkoijan sɔapichlisoɔ Judea tɔajnuɔpijw xam ia'tat dadaepsiapox matkaejabaliajwapi xam. Japi jiwfɔk xam bej wɔajnawesfɔlbej boesaliajwa. ¿Ma-aech xotkat xam pejme japoxade fɔlaesiam? —an xanal Jesúsliajwa.

⁹ Jesús pejme jum-aech xanalliajwa:

—Diachwɔajnakolax matkoi itliak doce horas. Samata, aton fia'paxil, nanɔamt wɔt, puexa chiekal taen xoton.

¹⁰ Pe aton madoi nanɔamt wɔt, japon fia'paxael, itkɔa'nik xot, puexa chiekal taeyaxil xotbejpon —aech Jesús, wɔajantat jum-aech wɔton xanal pejnachalwanliajwa.

¹¹ Japox jum-aech wɔt, pejme jum-aechon:

—Wajnachalan Lázaro moejt. Xan japoxax-aechan thikaliajwanpon —aech Jesús.

¹² Xanal jum-an:

—Jiw chanaekabuanan, Lázaro moejt wut, japon waxae boejthulaxaes —an xanal.

13 Jesús jum-aech wut: “Lázaro moejt” —aech wut, japox jumchiliajwa: “Lázaro chiekal tɔp” —chiliajwapox. Xanallax, Jesús pejnachalwan, japox jumtaenx wut, asbuan jumch nejchaxoelx: “Lázaro moejt wut, moejton. Me-ama madoi moejt wut, ja-aechon” —an xanal, nejchaxoelx wut.

14 Samata, Jesús xanal najum-aech chiekal matabijaliajwan:

—Lázaro chiekal tɔp.

15 Lázaro tɔp wut, xan jaxota-enil. Japon tɔp xamal kaes pejme xan nanaexasisliajwam. Samata, nejchachaemlax xamalliajwa. Amwut fulaeyaxaes patɔpan Lázaro poxade japon taeliajwas —aech Jesús.

16 Do jawut, Tomás, japon asawul Na-o'an, japon jum-aech xanalliajwa:

—Xatisbej chijas tɔpaliajwas, japon sɔapich, asew jiw boesas wuton —aech Tomás xanalliajwa.

Jesús xajɔppox mat-eliajwa tɔpi, japi pejme duilaliajwa

17 Jesús, xanal nabu'pat mox Betania paklowaxxot. Jaxot asew jiw Jesús chapaei Lázaro tɔppox. Patɔpan Lázaro, ochpox mɔaxwɔajtat cuatro matkoijelisox.

18 Betania paklowax mox Jerusalén paklowaxxot, me-ama tres kilómetros.

19 Jesús wɔajna xabich judíos, Judea tɔajnuɔpijw, Jerusalén paklowaxxot fulaeni. Japi fulaen nakoeliajwapi Marta, Maríabej, Lázaro tɔp xot.

²⁰ Marta jumtaen wut Jesús fulaeyax, nakoltow baxot, xanal nabu'kakunaliajwa nuamtat. Maríalax kaweta batat naman.

²¹ Marta pat wut xanalxot, japow jum-aech Jesúsliajwa:

—Tajpaklon, takoewan bu'xaenk wutfuk, xam amxotam wut, ja-aech wut, takoewan nawetupaxil.

²² Pe xan matabijtax. Dios puexa xam chax-dusaxael wujowampox —aech Marta Jesúsliajwa.

²³ Jesús jumnot wut, jum-aechon:

—Marta, nakoewan mat-esaxaes pejme dukaliajwa —aech Jesús.

²⁴ Marta jum-aech:

—Diasdo'. Xan matabijtax. Tupi mat-ias wut pejme duilaxael, that toep wut. Jawutbej takoewan mat-esaxaes pejme dukaliajwa —aech Marta.

²⁵ Do jawut, Jesús jum-aech:

—Xanlap mat-eyaxaelen tupi, japi pejme duilaliajwa. Xanbej kaenan jiw kajachawaesnan pomatkoicha pejme duilaliajwa. Xan nanaexasiti, asamatkoi tup wut, japi mat-eyaxaes pejme duilaliajwa pomatkoicha.

²⁶ Ampathatat laelpi, xan nanaexasit wut, japi asamatkoi napelsaxil, tup wuti. Duilaxaeli pomatkoicha. Marta, ¿xamkat xan nanaexasitam jum-anpox? —aech Jesús Martaliajwa.

²⁷ Do jawut, jum-aechow:

—Diasdo' tajpaklon. Xan naexasitx xamlap diachwujnakolax Cristowam. Xambej Dios paxulnam, Dios to'aponam ampathatasik fulaeliajwam —aechow Jesúsliajwa.

Jesús nowpox Lázaro ochxot

²⁸ Do jawut, Marta buxtoet wut, kaxadepow pejba poxade laeliajwa pakoewow María. Jawut Marta maliach jum-aech pakoewow Maríaliajwa:

—Jiw chanaekabuanan ma amxotlison. Xam xabua't-aechon taeliajwam —aech Marta Maríaliajwa.

²⁹ María japox jumtaen wut, nanchapow. Jawut fulaechlisow Jesús taeliajwa.

³⁰ Jesús pas-elfuk paklowax. Kawetafukon Marta bu'kakultasxot.

³¹ Do jawut, judíos batatpi, María suapich, taen wuti María bichakal nanchapox nakolsliajwa tathoetade, japi judíosbej wuchakal nakola. Nejchaxoeli: 'María patupanwuj poxaxaech jaxotde noeliajwapow' —aechi, nejchaxoel wut.

³² María pat wut Jesúsxot, Jesús pejwujajnalel brixtat nukow, xabich sitaen xotow Jesús. Do jawut, jum-aechow:

—Tajpaklon, takoewan bu'xaenk wutfuk, xam amxotam wut, ja-am wut, takoewan tuxaxil —aech María.

³³ Jesús taen wut María nowpox, taen wutbejpon judíos nowpox, japi chalapi María, Jesús jumbeltaen. Do jawut, Jesús xabich nejxaejwas.

³⁴ Jawut Jesús wujajnaemta wut, jum-aechon:

—¿Amxotkat patupan Lázaro otam? —aech Jesús.

Jawut japi jum-aech Jesúsliajwa:

—Tajpaklon, jxabua't taeliajwam! —aechi.

³⁵ Do jawutbej, Jesús now.

³⁶ Samata, Judea tujajnujpijw, jaxoti, nakaewa najum-aechi:

—¡Taem! Jesúsbej now, xabich nejxasink xoton Lázaro —na-aechi nakaewa.

³⁷ Asew japixot jum-aech Jesúsliajwa:

—Japon majt itliakla boejthut chiekal taeliajwa. ¿Pe ma-aech xotkat kamta pas-elon boejthusliajwa Lázaro, tupasamatabejpon? —aech japi jiw Jesúsliajwa.

Patupan Lázaro mat-echpox pejme dukaliajwa

³⁸ Do jawut, Jesús xabich nejxaejwas wut, mox soepanpon Lázaro ochwajxot, ia't pinjit fafa xat-elspot.

³⁹ Do jawut, Jesús jum-aech:

—¡Ia't matariamande! —aechon.

Pe Marta, Lázaro pakowow, jum-aech Jesúsliajwa:

—Tajpaklon, xasaeibejlison, cuatro matkoije xotlisoj ochpox —aechow Jesúsliajwa.

⁴⁰ Jesús jumnot wut, jum-aechon:

—Xam chajia chiekal jum-an: 'Xan nanaexasitam wut, taeyaxaelam Dios pej pamamax' —an xan chajia —aech Jesús Martaliajwa.

⁴¹ Jawut asew japixot ia't pinjit matariamán, wujfafa xat-elspot. Do jawut, Jesús athu nat-achaemse wut, Dios kawhajan wut, jum-aechon:

—Ax Dios, xan gracias-an, xam najumtaenam xot.

⁴² Xan chiekal matabijtax, xam pomatkoicha xan nanaewetam, xam kawhajnax wut. Pe ampo xan jum-an ampi jiw matabijaliajwa, naexaxisliajwabejpi xam nato'amponanpox ampathatasik —aech Jesús, Dios kawhajan wut.

⁴³ Kawhajnax buxtoet wuton pax Dios, Jesús nejlakcha wut, jum-aechon:

—Lázaro, ¡xabua't! ¡Nakolmen jaxot! —aech Jesús.

⁴⁴ Do jawut, patupan Lázaro wuajxot nakoldin. Puexa pejbua't, pejmatnaetbej, sábanabu'antat xakoeyaspoخان, chankoldinpon. Do jawut, Jesús jum-aech:

—¡Wejolge xakoeyaspoخان! ¡Tapaem laejaliajwa! —aech Jesús.

Do jawut, Lázaro wejols sábanabu'an, xakoeyaspoخانpon.

*Judíos paklochow nejchaxoelpox jaesliajwapi Jesús
(Mt 26.1-5; Mr 14.1-2; Lc 22.1-2)*

⁴⁵ Judíos, chalapi María, taen wuti Jesús is-pox koechax Lázaro liajwa, japixot xabich naexasiti Jesús.

⁴⁶ Pe a sew japixot fulaech fariseos poxade. Pat wuti Jerusalénxot, chapaeipi fariseosxot Jesús is-pox Lázaro liajwa.

⁴⁷ Do jawut, fariseos, sacerdotepaklochowbej, tamejapi Junta Supremapijiw. Natameja wut, nakaewa najum-aechi:

—¿Achaxkat isaxaes Jesús liajwa? Japon xabich koechaxan isful.

⁴⁸ Japon tapaeis wut isfulpoخان, puexa jiw naexaxisaxaeson. Ja-aech wut, Roma tuajnuapijiwpaklochow to'axaeli soldaw, japi soldaw toesliajwa Dios pejtemploba, wajjiwbej —aech paklochow, nakaewa nospaei wut.

⁴⁹ Kaen japixot pawul Caifás. Japon sacerdotepaklokolan japawaechtata. Jawut japon jum-aech:

—Xamal matnaenejtinkam xot, matabija-emil.

50 Kaes pejme pachaem kaen tamach tɔpaliajwa. Ja-aech wɔt, xabich jiw tɔpaxil. Toesaxisalbej wajjiw —aech Caifás.

51 Pe Caifás pajut pijaxtat japox jɔmchi-el. Japox jɔm-aechon Dios pijaxtat. Caifás japox jɔm-aech Jesúsliajwa, Jesús tɔpaxael xot puexa Israel tɔajɔpijiwliajwa.

52 Japikalliajwa Jesús tɔpaxil. Tɔpaxaelbejpon asajiwliajwabej, puexa ampathatpijiwliajwa, Dios naexasiti kaemɔtaliajwa. Japoxlap Dios nejxasink.

53 Caifás japox jɔm-aech Jesús pejpatɔpaxliajwa. Do jawɔt, judíospaklochow nejchaxoelafɔl boesaliajwapi Jesús.

54 Samata, Jesús kaes nanɔams-el tulaela Judea tɔajɔxot. Do jawɔt, xanal nabɔflaechon paklowax, pawɔl poxade Efraín, mox pajilaxxot. Jaxot puexa xanal namax, Jesús sɔapich.

55 Kaematkoian sɔapich we'p Pascuafiestaliajwa, judíosliajwa. Samata, xabich judíos fɔlaech Jerusalén paklowax poxade fiesta wɔajna, japi chiekal ketoesliajwa, puexa we'ppoxan isliajwa. Japox judíos pejkabɔan, Moisés chajia lelpoɔ jɔm-aech xot. Japafiesta wɔajna japox ja-aechi.

56 Fɔlaenpi Jerusalén paklowaxlel, japi wɔlwek Jesús. Pat wɔti Dios pejtemplobaxot, japi nakaewa nawɔajna chaemt wɔt, jɔm-aechi:

—¿Jesúskat naktaeyaxael fiesta? O, ¿naktaeyaxilkaton? ¿Achaxkat xamal nejchaxoelam? —na-aechi nakaewa.

57 Fariseos, sacerdotepaklochowbej, puexa jiw chajia bɔxto'a wɔt, jɔm-aechi: “Kaenam xamalxot

Jesús taenam wut, ¡kamta xanal nachapaem!” — aech paklochow jiwliajwa. Japi japox jum-aech, jaelsasia xoti Jesús jeliajwapi jiw jebaxot.

12

Pawis perjumamintat tʰakchafanapox Jesús (Mt 26.6-13; Mr 14.3-9; Lc 7.37-38)

¹ We'p wut seis matkoivan Pascualiajwa, Jesús fulaech wut Betania paklowax poxade, xanal, japon pejnachalwan, nakfolxbej. Jaxotde Lázaro majt tʰp. Pe Jesús mat-et Lázaro pejme dukaliajwa.

² Jaxotde xanal pa'ax wut, asey jiw naxaeyaxan is pejsitaeyax itpaeliajwa Jesúsliajwa. Marta kajachawaet naxaeyaxan cha-eyaxan, Lázaro, asey jiwbej, taduchpi, xaeliajwa, Jesús sʰapich.

³ Do jawut, María xapat perjumamint tʰakchafanaliajwapow Jesús. Japamint xabich ommaenk. Japot, me-ama medio litro. Isas nardokal. Jawut tʰakchafanpow Jesús, xabich sitaen xotow. Do jawut, pejmatlatat tʰakjoeipow Jesús pejtʰak. Samata, jawut japaba xabich xabejxat-ialnanik.

⁴⁻⁵ Do jawut, Judas Iscariote, Jesús pejnachalan, japon jum-aech:

—¿Ma-aech xotkat japaperjumamint mowa-esal plata chaxduiliajwas kejila? Bej pa-ombej trescientos denarios —aech Judas. Judaslap wiasaxael Jesús padaelmajiwxot.

⁶ Judas japox jum-aech wut, nejchaxoelaelon jiw kejila kajachawaesliajwa. Japox jum-aechon, kethakan xot. Japon kaen platachoxa

tataeful puexa xanal, Jesús pejnachalwanliajwapi. Japaplata japon pajut maliach jinatkowa.

⁷ Do jawut, Jesús jum-aech:

—¡Nej ja-aeché! Xan tajpatupaxliajwa japow cha-et perjumamint.

⁸ Kejila pomatkoicha xamalxotaxael kajachawaesliajwam. Pelax xan piachaxinil xamalxot —aech Jesús.

Judíos paklochow boesasiapox Lázaro

⁹ Xabich jiw fulaen xanallel taeliajwapi Jesús, taeliajwabejpi Lázaro, japon tɔp wut, Jesús mat-echpon pejme dukaliajwa.

¹⁰⁻¹¹ Jesús koechax is xot Lázaroliajwa, xabich jiw, Judea tɔajɔpijiw, naexasisful Jesús. Kaes naexasis-ellisi sacerdotes naewɔajanpoxan. Japi naexasisful Jesúska. Samata, sacerdotespaklochow nejchaxoel boesaliajwapi Jesús, Lázarobej.

Jesús patpox Jerusalén paklowaxxot (Mt 21.1-11; Mr 11.1-11; Lc 19.28-40)

¹²⁻¹³ Do kandiawa wut, xabich jiw Jerusalén paklowax poxade taeliajwapi Pascuafiesta. Japi matabija wut Jesús pasaxaenpox Jerusalén paklowaxxot, jawut, me-ama chia'ɔaflejen tasiapapi xawisliajwa, owaliajwabej nɔamtat Jesús pejwɔajnalel, chiekal bɔ'kɔsliajwapi, pejsitaeyax itpaeliajwabejpi. Fulaeyax taen wuti nɔamtat, nejlasful wut, jum-aechfali:

—¡Aleluya! ¡Ampon, fulaenpon Dios pijaxtat, japon xabich pachaem! ¡Pachaembejpon Israel tɔajɔpijwas wajreyliajwa! —aechful xabich jiw Jesúsliajwa, nejlasful wut.

14 Jesús jelti'san bur faen. Do jawut, tua-eklison chaflaeliajwa Jerusalén paklowax poxada. Japoxliajwa Dios pejjamechan, chajia lelspox, jum-aech wut, jum-aechox:

15 “Xamal, Jerusalén paklowaxpijwam, inabej ne-
jlewle! ¡Taem nejrey chaflaenpon bur
jelti'santat!” —aechox chajia lelspox.

16 Xanal, Jesús pejnachalwan, chiekal matabija-enilfuk, achax chiyaxael japamatkoi. Do jawux, Jesús mat-ech wut, pejme duk wut, atha poxase wutbejpon, jawut xanal chiekal nejchafaetx chajia lelspox, jum-aech wut jum-aechox japonliajwa. Do jawutbej, xanal chiekal matabijax, ma-aech xot japoxan ispi Jesúsliajwa.

17 Japi jiw taen, Jesús la wut Lázaro mmaxwujaxotdin Lázaro mat-esliajwa pejme dukaliajwa. Japi chapaefal taenpox, asew jiwbej matabijaliajwa japox.

18 Samata, xabich jiw nakola pejbachanxot bu'kakunaliajwapi Jesús, wultaen xoti Jesús ispox, koechax.

19 Pe fariseos najum-aechi nakaewa:

—Xatistliajwa japox pachaema-el. ¡Tae'nik! ¡Puexa jiw Jesús xabich nakfos! —na-aech nakaewa fariseos.

Asew griegosxot wulwekpox Jesús

(Mt 10.38-39; 16.24-25; Mr 8.34-35; Lc 9.23-24; 17.33)

20 Jerusalén paklowaxxot asew griegos pat pejsi-taeyax itpaeliajwa Diosliajwa. Patbejpi taeliajwa Pascuafiesta.

21 Japi jiw pat wut Jerusalén paklowaxxot, mox soepapi Felipexot, japon kaen xanalxotpijin.

Japon Betsaida paklowaxpijin, Galilea tɔajɲɔxot. Do jawɯt, japi jɯm-aechi Felipeliajwa:

—Taj-aton, xanal Jesús taesian nospaeliajwan, japon sɯapich —aechi Felipeliajwa.

²² Do jawɯt, Felipe fɯlaech chapaeliajwapon Andrés griegos wɯlwekspox Jesús. Do jawɯtbej, Felipe, Andrés sɯapich, fɯlaechlisi Jesús poxade chapaeliajwapi japox. Jesúsxot pat wɯt, chapaeilisi japox.

²³ Do jawɯt, Jesús jɯm-aech:

—Tajmatkoi patlis xan, puexa jiw pakoewkolnan, tɔpaliajwan, Dios namat-esliajwabej pejme dukaliajwan.

²⁴ Diachwɯajnakolax xan jɯm-an. Kaefut, meama trigofut, satat mɯths-esal wɯt, japafut naboelaxil. Japafut namanaxael kaefutliajwa. Asafutlax mɯthtas wɯt satat, pejbokt xoep wɯt, itxit namanpox naboelsaxael. Naboeltpox naboesaxael. Naboet wɯt, xabichaxael pafu. Xanlap-is, jachiyaxaelen. Xan kaenan tɔpaxaelen xabich jiwliajwa, japi pomatkoicha duilaliajwa Diosxotse.

²⁵ Najut nejxasinkampoxan isfulam wɯt ampathatat, ja-am wɯt, duilaximil pomatkoicha Diosxotse. Pe ampathatat babijaxan isampoxan kofam wɯt, ja-am wɯt, pomatkoicha duilaxaelam Diosxotse.

²⁶ Xamal nabichasiam wɯt xanliajwa, jɯxan chiekal nanaewe'e! Jasox xamal ja-am wɯt, duilaxaelam, xan sɯapich, Diosxotse. Nabistam wɯt xanliajwa, taj-ax Dios pachaemaxael xamalliajwa —aech Jesús Felipeliajwa, Andrésliajwabej.

Jesús jum-aechpox pejpatupaxliajwa

²⁷ Jesús pajutliajwa najum-aech: “Amwutjel xan xabich nejchaemilax, matabijtax xot xabich nabijasaxaelenpox. ¿Achaxkat xan jumchiyaxaelen tajaxliajwa? Xan wuljoeyaxinil taj-ax nabu'welijwa japanabijasaxliajwa. Japanabijasaxliajwa xan fuloekx.

²⁸ Samata, xan jumchiyaxaelen taj-axliajwa: ‘Ax, isde pachaempox puexa jiw xam sitaeliajwa!’ —chiyaxaelen xan taj-axliajwa” —aech Jesús pajutliajwa.

Do jawut, Jesús jumtaen athusik, Dios pajut jum-aech wut ampox: “Isxlis japox. Kaes isaxaelenbej puexa jiw itraeliajwan xabich tajpamamax” —aech Dios athusik.

²⁹ Jaxot jiw naeweti, japi chiekal jummatajibael, Dios naksiyak wut. Asew japixot japox jumtaenpi, japi jum-aechi ampox:

—Me-ama iam najuw wut, jathia-aechox —aechi.

Jawut asewbej japixot jum-aech:

—Dios pej-ángel naksiya Jesúsliajwa —aechi.

³⁰ Jesús jum-aech japiliajwa:

—Dios japox jum-aechsik wut, xan kaenanliajwa Dios japox naksiya-el. Xamalliajwabej Dios naksiya matabijaliajwam xan Dios nato'aponanpox.

³¹ Asamatkoi Dios kastikaxael puexa jiw, xan nanaexaxis-elpi. Satanásbej kastikaxaes. Do jawut, Satanás kaes tato'laxil ampathatpijiw, Dios kefe'naxaes xoton tato'lax.

³² Xan nakematamatal wuti cruztat, do jawux, xabich jiw, ampathatpijiw, tajwujajan naexaxisaxaeli —aech Jesús.

³³ Jesús japox jum-aech xanal chiekal matabi-jaliajwan japon tɔpaxaelpox cruztat.

³⁴ Asew jaxot naewetpi, japi jum-aech Jesúsliajwa:

—Moisés chajia lelpox jum-aech: ‘Cristo pomatkoicha dukaxael. Japon toepaxil’ —aechox. Cristo pomatkoicha dukaxael wɔt, ¿ma-aech xotkat xam jum-am: ‘Puexa jiw pakoewkolan tɔpaxael cruztat’ —amkat xam? ¿Achankat puexa jiw pakoewkolan? —aech japi jiw Jesúsliajwa.

³⁵ Jesús jum-aech:

—Xanfuk kaematkoïyan xamal naewɔajnaaxaelen. Tajnaewɔajnax, me-ama itliakax, ja-aechox. Naewɔajnax wɔt, ¿chiekal matabijim tajnaewɔajnax! Ja-am wɔt, xamal, me-ama nanɔamsaxaelam itliakaxxot. Tajnaewɔajnax jummatabija-elpi, japi, me-ama nanɔamsaxaeli itkɔataxxot.

³⁶ Xanlap, me-ama itliakaxponan. ¿Xamal xan nanaexasi'e, amxotx wɔtfuk! Ja-am wɔt, xamal tajiwxaxaelam —aech Jesús.

Jesús japox buxtoet wɔt, fɔlaechon asalel. Do jawɔtbej, Jesús namoest japi jiw faen-elaliajwaspon.

*Ma-aech xot judíos naexasis-el Jesús
(Mr 4.12; Lc 8.10)*

³⁷ Jesús koechaxan is judíos taeliajwa, naexasisliajwabejpi japon Dios to'asponpox. Pe japi japoxan taen wɔt, nakiowa naexasis-eli Jesús.

³⁸ Isaías, Dios pejprofeta, chajia jum-aechpox Cristoliajwa, amwɔtjel japox ja-aechlisox. Japoxli-ajwa Isaías chajia jum-aech Diosliajwa:

“Tajpaklon Dios, jiw naexasisaxil xanal tajnaew^uajna^xpox xamliajwa. Naexasisaxilbejpi, taen w^ut nej^pamamax” —aech Isaías Diosliajwa.

³⁹ Isaías lelpox j^um-aechbej, ma-aech xot judíos naexasisaxil Jesús, Dios to'asponpox. Isaías j^um-aech:

⁴⁰ “Japi jiw Dios itfumatakas, pejnejchaxoelaxanbej. Samata, pajut pej-itfutut, me-ama taeyaxili. Pajut pejnejchaxoelaxantat j^ummatabijaxilbejpi. Samatabej, japi Dios pejjamechan naexasisaxil kofaliajwa pejbabijaxan ispoxan” —aech Isaías, chajia j^um-aech w^ut judíosliajwa.

⁴¹ Isaías japox chajia j^um-aech, masoxtat taen xot Jesús pejpamamax. Isaías japox j^um-aechbej Jesúsliajwa.

⁴² Pe nakiowa, xabich judíos naexasiti Jesús. Kaes^uapichbej judíos^paklochow, naexasiti Jesús. Pe japi tulaela naksiya-el jiw j^umtaesamatas, pejlewla xoti fariseosliajwa, fiasasamatas leliajwa judíos naew^uajⁿabachanxot.

⁴³ Japi judíos kaes nej^xasinki jiw nejchachaemlaliajwas japiliajwa. Japi nej^xasinka-el Dios nejchachaemilpoxliajwa japiliajwa.

Naexasis-elpi Jesús pejjamechan, japi jiw pejb^uw^uajⁿapox

⁴⁴ Jesús pinjаметat j^um-aech jiwliajwa: “Xamal xan nanaexasitam w^ut, xankal nanaexasis-emil. Naexasitambej taj-ax, japon xan nato'apon.

⁴⁵ Xamal xan namatabijam w^ut, matabijambej xan nato'apon.

⁴⁶ Xan, me-ama itliakax. Fuloekx ampathatasik xan nanaexasiti namaesamata itkuxatxot.

⁴⁷ “Tajnaewuajnax jumtaenpi, naexasis-el wut, xan tajut japi tasalaxinil pejbu'wuajanpoxanliajwa. Xan fulae-enilik ampathatpijiw tajut tasalaliajwan japi pejbu'wuajanpoxanliajwa. Xanlax fuloekx ampathatpijiw bu'welijaowan.

⁴⁸ Xan namastaenpi, japi naexasis-el wutbej tajnaewuajnax, xan tajut tasalaxinil japi jiw pejbu'wuajanpoxanliajwa. Japi tasalaxaes xan tajnaewuajnantat japi pejbu'wuajanpoxanliajwa, that toep wut.

⁴⁹ Xan tajut tajaxtat japox jumchi-enil. Taj-ax Dios, japon xan nato'apon, nabuxto'apoxan xan jum-an, naewuajnax wut.

⁵⁰ Xan matabijtax, taj-ax Dios pejtato'lax xabich pachaem. Japox jiw naexasit wut, pomatkoicha duilaxaeli Diosxotse. Samata, xan jum-anpoxan, japox jum-an, me-ama taj-ax Dios nabuxto'a” — aech Jesús.

13

Jesús tuxakkiatpox pejnachala

(Mt 10.24, 40; 20.28; Mr 9.37; 10.45; Lc 6.40; 9.48; 10.16; 22.27; Jn 15.20)

¹ We'p wutfuk kaematko'i Pascuafiestaliajwa, do jawut, Jesús matabijt pejmatko'i wemoxspox pax Dios poxaliajwase. Xanal pejnachalwan, japon xabich nanejxasink ampathatat. Samata, pax Dios poxaliajwa wut, jawutbej nakiowa Jesús nanejxasinkaful xanal pejnachalwan. Hasta japon tuxp wut, nakiowa nanejxasinkafulon xanal.

2-4 Pascuafiesta mox wut, Satanás pijaxtat Judas nejchaxoel wiasliajwapon Jesús padaelmajiwxot. Judas, Simón Iscariote paxulan, Jesús padaelman nadofapon. Jesús pajut matabijt fuloekpox Diosxotsik. Matabijtbejpon pejme japoxaxoeipox. Matabijtbejpon pax Dios chaxduchpox pamamax puexa tato'laliajwa. Do jawut, xanal naxaelax wut madoipijax, Jesús mesaxot nant wut, jawut jolton pejsumta-osax. Do jawutbej, fatkakuton toalla.

5 Do jawut, kanarxot mint fandikon platónadik. Do jawut, xanal natuakkiaton. Me-ama nabichan wut, ja-aechon xanalliajwa. Toalla, fatkakutpoxtat, xanal natuakjoeipon.

6 Jesús kiasliajwa wut Simón Pedro pejtuaak, jawut Pedro jum-aech:

—Tajpaklon, xamkat xan natuakkiasaxaelam? —aech Pedro Jesúsliajwa.

7 Jesús jumnot wut, jum-aech:

—Amwutjel xam matabijs-emilfuk xan isxpox. Baxael, matabijsaxaelam, ma-aech xot xan japox isx —aech Jesús Pedroliajwa.

8 Pedro pejme jum-aech Jesúsliajwa:

—¡El! Xan ketapaeyaxinil xam natuakkiasliajwam —aech Pedro.

Do jawut, Jesús jum-aech:

—Xam tuakkias-enil wut, xam tajnachalnaximil —aech Jesús.

9 Do jawut, Simón Pedro pejme jum-aech:

—Tajpaklon, xam tajtuakkal nabej kias! ¡Kia'ebej tajke-e, tajmatnaetbej! —aech Pedro Jesúsliajwa.

10 Jesús jumnot wut, jum-aechon Pedroliajwa:

—Jelnawaen pat w_{ut} asabatat, japon wewe'palesal pob_u'ta kiasliajwas, jelnawaen xoton. Pachaem t_uakkal kiasliajwas, t_uak-asda'nik xot, sat sae'enas w_{ut}. Xamalbej ja-am, ajil babijaxan nejnejchaxoelaxanxot, chiekal xan nanaexasitam xot. Pe nakiowa, kaen xamalxot pachaema-el pejnechaxoelax —aech Jesús Pedroliajwa.

¹¹Jesús matabijit, achan wiasaxaeson padaelma-jiwxot. Samata, Jesús japox j_{um}-aech.

¹²Doliso', Jesús ketoet w_{ut} xanal pejnachalwan nat_uakkiatpoxan, pejme naxoelon pejsumta-osax. Do jaw_{ut}, pejme ek w_{ut}on mesaxot, xanal naj_{um}-aechon:

—¿Xamalkat matabijam xan isxprox xamalliajwa?

¹³Xamal naj_{um}-am: 'Jiw chanaekab_uanan' —na-am. 'Tajpaklon' —na-ambej. Diachw_uajnakolax xan nejpaklonan xamalliajwa.

¹⁴Xan nejpaklonan w_{ut}, jiw chanaekab_uanan w_{ut}bej, nakiowa pat_uakkiatx. Xan japox isx xamalbej jachiliajwam.

¹⁵Japoxan xamal itpaeix chiekal matabijaliajwam, nakaewam nakajachawaesfulaliajwam.

¹⁶Diachw_uajnakolax xan j_{um}-an. Nabichan kaes pejme sitae-esal asew jiw. Me-ama pejpaklon xabich jiw sitaens, jachi-esal nabichan. To'asponbej kaes pejme sitae-esal. Me-ama to'apon xabich jiw sitaens w_{ut}, jachi-esal japon aton. Xamal nabichwam xanliajwa. Samata, xamal kaes paklochowa-emil. Me-ama xan kaes paklonan, jachi-emil xamal. Kaes pejme pachaem xamal matabijaliajwam xan itpaeixpoxan.

17 Xamal patuakkiatxpoX matabijam wut, xamalbej, me-ama japox isaxaelam wut nakaewaliajwa, ja-am wut, xabich nejchachaemlaxaelam.

18 “Xan matabijtax xamal, makanotxpim. Pe japox jum-an wut, jumchi-enil puexa xamalliajwa. Matabijtax, kaen xamalxot tadaelman nadofapox. Me-ama Dios pejjamechan, chajia lelsprox, jum-aech wut, japox ja-aechlisox. Jum-aechox: ‘Xan suapich, xaeyaxaelpon, japonlap tadaelman nadofaxael’ —aech chajia lelsprox.

19 Japoxliajwa ma amwutjel jum-an, jachi-el wutfuk japox. Do japox, ja-aech wut, xamal xan nanaexaxisaxaelam, xan Cristoponanpox, Dios nato'aponan.

20 Diachwujnakolax xan jum-an. Xamal sitaenam wut xan to'axpon, ja-am wut, xanbej nasitaenam. Xan nasitaenam wut, taj-ax Diosbej, sitaenam, japon xan nato'apon” —aech Jesús, xanal nachanaekabwana wut.

Jesús jum-aech Judas wiasaxaesprox padaelmajiwxot

(Mt 26.20-25; Mr 14.17-21; Lc 22.21-23)

21 Do jawut, Jesús japox jum-aech wut xanalliajwa, xabich nejxaejwason. Jawut Jesús jum-aech xanal, pejnachalwanliajwa, chiekal matabijaliajwan:

—Diachwujnakolax xan jum-an. Kaen xamalxot nawiasaxael tadaelmajiwxot —aech Jesús.

22 Do jawut, xanal nakaewan nawujnachaemsnaX, xanal matabija-enil xot, achanliajwa Jesús japox jum-aech.

23 Dolisdo', naxaelX wut, xan Juan, Jesús xabich nanejxasinkponan, moX ekX Jesúsxot.

24 Samata, Simón Pedro xan nato'a wɥajnaemsliajwan, achanliajwa Jesús japox jɥm-aech.

25 Do jawɥt, xan kaes mox chiekal soepnax Jesús wɥajnaemsliajwan. Jawɥt xan wɥajnaemtax wɥt, jɥm-an Jesúsliajwa:

—Tajpaklon, ¿achanliajwakat xam japox jɥm-am? —an xan Jesúsliajwa.

26 Jesús najɥmnot wɥt, jɥm-aechon:

—Xan panax, taxthotxpox, kaen xamalxot chaxdusaxaelenpon, japonlap xan nawiasaxael tadaelmajiwxot —aech Jesús xanliajwa.

Doliso', Jesús taxthot wɥt panax, jawɥt chaxduton Judas Iscariote, japon Simón Iscariote paxɥlan.

27 Do jawɥt, Judas panax, taxthosax, kefit wɥt, jawɥt Satanás low Judas pejmatpɥatxot. Jawɥt Jesús jɥm-aech Judasliajwa:

—¡Isaxaelampox isde kamtalejen! —aech Jesús.

28-30 Jesús japox jɥm-aech wɥt, Judas kamta chijapon xanalxot. Judas chijia wɥt, madoiliso.

Puexa xanal, naxaelaxpin, matabija-enil, ma-aech xot Jesús japox jɥm-aech Judasliajwa. Asew xanalxot nejchaxoel: “Jesús bej to'abej Judas wɥajsliajwa naxaeyaxan Pascuafiestaliajwa. Japoxa-el wɥt, Jesús bej to'abej Judas chaxduiliajwa plata jiw kejila” —aechi, nejchaxoel wɥt. Japox nejchaxoeli, kaen Judas platachoxa xalaeja xot puexa xanalliajwa.

*Jesús waeltpox pajeltato'lax pejnachalaxot
(Jn 7.34; 15.12-17; 1 Jn 2.7; 3.23; 2 Jn 5)*

31 Judas chijia wɥt, Jesús jɥm-aech xanalliajwa:

—Tajmatkoi pat. Amwut xamal taeyaxaelam taj-pamamax xan, puexa jiw pakoewkolnanponan-pox. Xan isxpoxantat taeyaxaelambej taj-ax Dios, xabich mamnikpon.

³² Xan isxpoxantat xamal taeyaxaelam taj-ax Dios, japon xabich mamnikpon. Dios ispxoxantatbej xamal taeyaxaelam, xan Dios paxulnan, xabich mamnixponan. Dios japox isaxael kam-talejen.

³³ Tajnachala, xamalxotaxaelen kaehora suapichliajwa asbuan jumch. Xan ajinil wut, xamal nawulwekaxaelam. Me-ama judiospaklochow chajia jum-an: ‘Xamal fulaeyaximil xan fulaeyaxaelen poxade’ —anpox, japox amwutjel xamalbej jum-an.

³⁴ Pajeltato'lax namanaxael xamalxot naexasifulaliajwam. ¡Nakaewa nanejxasinkde! Me-ama xan xamal nejxasinkax, ¡xamalbej ja-amsfulde nakaewaliajwa!

³⁵ Nakaewa nanejxasinkafulam wut, ja-amsfulam wut, potujnuchapijiw matabijaxael xamal tajnachalwampim —aech Jesús xanalliajwa.

Pedro xanaliyaxaelpox Jesús pejnachalanpoxli-ajwa

(Mt 26.31-35; Mr 14.27-31; Lc 22.31-34)

³⁶ Simón Pedro wujnachaemt wut, jum-aechon Jesúsliajwa:

—Tajpaklon, ¿ampoxaxaelamkat xam? —aech Pedro.

Jesús jumnot wut, jum-aechon:

—Xan fúlaeyaxaelen poxade, xamfuk amwut fúlaeyaximil. Pe baxael, fúlaeyaxaelam —aech Jesús.

³⁷ Do jawut, Pedro jum-aech:

—Tajpaklon, ¿ma-aech xotkat amwut xam nakfúlaeyaxinilfuk? Xan nejchaxoelx tupaliajwam xamliajwa —aech Pedro.

³⁸ Jesús jumnot wut, jum-aechon:

—¿Diachwajnakolaxkat xam nejchaxoelam tupaliajwam xanliajwa? Diachwajnakolax xan jum-an. Kawaema nejlaewajna, xan naxanaliyaxaelam tres veces. Jumchiyaxaelam: “Xan japon aton matabijs-enil” —chiyaxaelam xanliajwa —aech Jesús Pedroliajwa.

14

Jesús, me-ama namtpox jiw pasliajwa Dios-otse

(Mt 7.7-11; 11.27; Lc 11.9-13; Jn 1.18; 6.46; 15.7, 16; 16.23-24; Hch 4.12; 1 Jn 3.21-22; 5.14-15)

¹ Jesús pejme jum-aech xanalliajwa: “¡Xamal xabich nabej nejchaxoele! ¡Dios xanaboejim! ¡Xan naxanaboejimbej, xan Dios paxulnan!

² Taj-ax Dios pejbaxot xabich batuchan jiw duilaliajwa. Ajil wut, xan japox jumchiyaxinil. Xanlap japoxaxoeyan xamal wajnachemsliajwan, jaxotse nejmach pomatkoicha xamal duilaliajwam.

³ Toetx wut chaemsaxan, xan pejme kaxax-oekan xamal buflaliajwanse. Samata, xamal xanxotaxaelam.

⁴ Xamal matabijam, xan fúloeyaxoeyan poxase, japot, n̄amt, pase xan dukx jaxotse” —aech Jesús xanal pejnachalwanliajwa.

⁵ Tomás jum-aech Jesúsliajwa:

—Tajpaklon, xanal matabija-enil, xam fúlaeyaxaelam poxade. ¿Machiyaxaelenkat xanal japot n̄amt fúlaeliajwan? —aech Tomás.

⁶ Jesús jumnot w̄ut, jum-aechon:

—Xanlap kaenan, n̄amtan, jiw pasliajwa taj-ax Diosxotse, jaxotse japi jiw duilaliajwa. Jum-anbej diachw̄ajnakolaxpox Diosliajwa. Xan kaenan xajurx kajachawaesliajwan jiw pomatkoicha duilaliajwa. Jiw pajut pijaxtat pasaxil taj-ax Diosxotse. Xan kaenan tajaxtatkal jiw pasaxael taj-ax Diosxotse, xan, me-ama n̄amtan w̄ut, ja-an xot.

⁷ Xamal chiekal xan namatabijam w̄ut, chiekal pamatabijaxaelambej taj-ax Dios. Xanlap Dios pax̄lnan. Amw̄utjel xamal matabijam taj-ax Dios. Ja-am w̄ut, me-ama najut taj-ax Dios pataenam, xan chiekal namatabijam xot —aech Jesús Tomásliajwa.

⁸ Do jaw̄ut, Felipe jum-aech:

—Tajpaklon, ¡xanal natapaem nej-ax taeyax! Ja-am w̄ut, xanal kaes asax w̄uljoeyaxinil —aech Felipe Jesúsliajwa.

⁹ Do jaw̄ut, Jesús jumnot w̄ut, jum-aechon:

—Felipe, pin-iamatkoian xamalxotx. Pe nakiowa, chiekal namatabijs-emilfuk. Xan nataenpi, japi taenbej taj-ax Dios. Ja-aech w̄ut, ¿ma-aech xotkat xan naw̄ljowam taj-ax taeliajwam?

¹⁰ ¿Xamkat naexasis-emil taj-ax xanxotpox, xan-bej taj-axxotaxpox? Xan kaenejchaxoelax, taj-ax suapich. Jum-an wut xamalliajwa japoxan, xan tajut tajaxtat jumchi-enil. Taj-ax, pijaxtat jum-ansfulax. Taj-ax xanxot dukpron, japon isful pejbichax xanxot.

¹¹ ¡Ampoxlap xamal chiekal naexasi'e! Xan taj-axxotx. Taj-axbej xanxot. Japox naexasis-emil wut, ¡japox naexasi'e, xan koechaxan isfulax xot!

¹² Xan jum-an diachwajnakolax. Xan nanaexasiti, japibej isaxael koechaxan, me-ama xan. Do baxael, xan to'axaelen Espiritu Santo, taj-ax pox-asax xot. Samata, xan nanaexasitpi kaes xabich koechaxan isaxael Espiritu Santo pijaxtat. Me-ama xan, jachiyaxili.

¹³⁻¹⁴ Puexa xan tajaxtat Dios wuljowam wut, xan japoxan isaxaelen, xamal matabijaliajwam, xan japoxan isx taj-ax Dios pijaxtat —aech Jesús Felipeliajwa.

Jesús jumdutpox to'aliajwa Espiritu Santo pejnachala poxasik

¹⁵ Jesús pejme jum-aech xanal pejnachalwanliajwa: “Xamal xan nanejxasinkam wut, ¡tajtato'lax chiekal naexasisfulde!

¹⁶ Xan taj-ax Dios wuljoeyaxaelen asan to'aliajwapon, japon xamal ka-jachawaesfulaliajwa. Samata, taj-ax Dios to'axoek Espiritu Santo. Japon asawul Kajachawaesan. Japon pomatkoicha xamalxotaliajwa.

¹⁷ Espiritu Santo diachwajnakolax jum-aech. Ampathatpijiw, xan nanaexasis-elpi, japi sitae-el Espiritu Santo, tae-el xoti, matabija-el

xotbejpi. Pelax Espíritu Santo pomatkoicha xamal nejmatp_uatanxotaxael kajachawaesfulaliajwa. Samata, chiekal matabijaxaelam Espíritu Santo.

¹⁸ “Xan amxot chijian w_ut taj-ax poxase, xamal tamach waelaxinil. Xan pejme kaxaxoekan xamal poxasik.

¹⁹ Kaes_uapich matkoiyan w_ut, ampathatpijiw pejme xan nataeyaxil. Xamallax pejme nataeyaxaelam. Xan t_up_x w_ut, Dios namat-et w_ut, pejme dukaxaelen. Samata, asamatkoi xamal xan tajaxtat pomatkoicha duilaxaelam Diosxotse.

²⁰ Espíritu Santo pask w_ut xamalxot, xamal matabijaxaelam xan taj-ax Diosxotaxpox. Ja-aech w_ut, xamal chiekal matabijaxaelambej xanxotampox. Do jaw_ut, xanbej xamalxotaxaelen.

²¹ Matabijapi tajtato'laxan, japoxan naexasit w_utbejpi, diachw_uajnakolax japi jiw xan nanejxasink. Taj-ax Diosbej japi nejxasinkaxaes, xan nanejxasinkpi. Xanbej japi nejxasinkaxaelen. Jan w_ut, japi matabijaxael, achanan xan” –aech Jesús xanal pejnachalwanliajwa.

²² Asan Judas, japon Judas Iscariote-el. Japon w_uajnachaeamt w_ut, j_um-aechon Jesúsliajwa:

–Tajpaklon, ¿ma-aech xotkat xanalkal koewan amw_ut natapaeyaxaelam matabijaliajwan, achanamkat xam? ¿Ma-aech xotkatlax xam tapae yaximil ampathatpijiwbej matabijaliajwa, achanam xam? –aech Judas Jesúsliajwa.

²³ Jesús j_umnot w_ut, j_um-aechon Judasliajwa:

–Xan nanejxasinkpi, japi naexasisfulaxael tajtato'lax. Ja-aech w_ut, japi nejxasinkaxaes taj-ax Dios. Xan, taj-ax Dios s_uapich, fulaeyaxaelen duilaliajwan, japi s_uapich.

24 Jiw nanejxasinka-el wut, japi naexaxis-el tajtato'laxan, tajnaewhajnaxanbej. Xan tajut tajxat naewhajna-enil. Japox taj-ax Dios pejnaewhajnaxan, japon nato'apon ampathatasik — aech Jesús Judasliajwa.

25 Do jawux, Jesús jum-aech xanal, pejnachalwanliajwa: “Amwutjel xamal japoxan jum-an, xamalxotx wutfuk.

26 Pe Espíritu Santo xan tajaxtat taj-ax Dios to'axoek xamal nejmatpuatan poxasik, japon, Espíritu Santo, xamal chanaekabuanaxael puexa Dios pijaxan. Kajachawaesfulaxaelbejpon nejchafaekaliajwam puexa chajia xan jum-anpoxan xamalliajwa.

27 “Athu poxasax wut, xamal chiekal pachaemsfulaxaelam Diosliajwa. Samata, meama xan nejchachaemlax tajnejchaxoelaxtat, xamalbej jachisfulaxaelam. Me-ama ampathatpijiw, xan nanaexaxis-elpi japi pejnechachaemlax, jachi-el tajnejchachaemlax. Samata, ¡xamal xabich nabej nejchaxoele'! ¡Xamal nabej nejlewlé' bej!

28 Xamallis najumtaenam xan athu poxaxoeyanpox. Jumtaenambej pejme kaxaxoekaprox xamaltotaliajwan. Taj-ax kaes pejme paklon. Meama xan jachi-elon. Diachwujnakolax xamal xan nanejxasinkam wut, xamal nejchachaemlaxaelam xanliajwa, xan jum-an wut: ‘Xan taj-ax poxaxoeyan’ —an wut.

29 Xan japox jum-an xamalliajwa. Do baxael, japox ja-aech wut, jawut xamal xan nanaexaxisaxaelam, xan chajia jum-an xot.

³⁰ “Kaes piach naksiyaxinil xamalliajwa, fulaeyaxael xot Satanás, ampathatpijiw tato'lan. Pe Satanás xan natato'laxil.

³¹ Ampathatpijiw matabijaxael, taj-ax xabich xan nanejxasinkpox. Samata, xan isfulax taj-ax Dios nato'apoxan.

“¡Nanim! ¡Chijas amxot!” –aech Jesús xanal pejnachalwanliajwa.

15

*Jesús, me-ama uvanaech wut, ja-aechpox
(Jn 13.34; 15.17; 1 Jn 3.23; 2 Jn 5)*

¹ Do jawut, xanal nuamtat folx wut, Jesús jam-aech: “Xan, me-ama uvanaech wut, ja-an. Taj-ax, me-ama uvalul tataeflan wut, ja-aech.

² Uvanaedalan, naboes-elpi, tataefulpon japadalan pi'a pelsliajwa. Asadalan naboe wut, tataefulpon japadalan chiekal chaemsaxael, kaes pejme naboesliajwa. Xamal, me-ama japadalan wut, ja-am, tajjiwam xot, xan nanaexasitam xotbej.

³ Xamal naexasitam xan naewuajna xroxan. Samata, amwutjel taj-ax Dios beltaen babijaxan isampoxanliajwa.

⁴ Ampathatatam wut, ¡xan naxanaboejafulde! Xanbej xamal chalafulaxaelen. Uvanaedalt tasiapchas wut, japadalt poklanaexota-el wut, uvadalt pajut tamach naboesaxil. Naboesliajwa wut, poklanaechantataxael. Xamalbej, me-ama japadalan wut, ¡ja-amde! ¡isfulde pachaempoxan, xan naxanaboejam wut! Xan naxanaboeja-emil wut, isaximil pachaempoxan.

5 “Xan, me-ama uvanaech wut, ja-an. Xamal, me-ama japadalan wut, ja-am. Xamal xanxochfulam wut, isfulxaelam Dios nejxasinkpoxan. Me-ama uvanaedalan xabich naboesaxael, jachiyaxaelambej xamal. Xan naxanaboeja-emil wut kajachawaesliajwan, ja-am wut, xamal najut nijaxtat isaximil pachaempoxan.

6 Xan naxanaboeja-elpi, japi isaxil pachaempoxan. Me-ama padalan pi'aspi, jachiyaxaesbej japi jiw. Japadalan majow wut, nosaxaes jitat itowaliajwas jaxot jitat chiekal toejwaliajwaspi.

7 “Xan naxanaboejam wut, naexasisfulam wutbej xan naewhajnaxpoxan, ja-amsfulam wut, iwuljoesiampox taj-ax Dios, wuljoem! Japon japoxan xamal chaxduiyaxael, wuljowampoxan.

8 Isfulam wut pachaempoxan, Dios nejxasinkpoxan, ja-amsfulam wut, jiw matabijaxael diachwhajnaxkolax xamal tajnachalwampim. Jasox ja-amsfulam wut, taj-ax sitaeyaxaes asew jiw.

9 Xamal nejxasinkax. Me-ama taj-ax xan nanejxasink wut, ja-an xan xamalliajwa. Samata, ixan naxanaboejim xamal nejxasinkaliajwan!

10 Xan naexasisfulax taj-ax tato'alpoxan. Samata, taj-ax xabich nanejxasinkaful. Xamalbej naexasisfulam wut xan tato'laxpoxan, ja-am wut, xamalbej nejxasinkafulaxaelen.

11 “Xan ampoxan jam-an xamal nejchachaemlaliajwam. Me-ama xan nejchachaemlax xamalliajwa, xamalbej ja-amsfulde xanliajwa. Ja-amsfulam wut, kaematkoisful xabich nejchachaemlafulaxaelam.

¹² Japox jum-am wut, xamal to'ax nakaewa nanejxasinkaliajwam. Me-ama xamal nejxasinkax, ¡Ja-amdebej xamal, nakaewa nanejxasinkam wut!

¹³ Nejxasinkpon pejnachala, pejnachala beyaxaes wut asew jiw, japon pejnachalaliajwa jumchiyaxael: ‘¡Tajnachala nabej nawebe!’ ¡Xankal naboesim!’ –chiyaxaelon. Japon jasox jachiyaxael, kaes pachaempox isliajwa ajilxot pejnachalaliajwa.

¹⁴ Isfulam wut xan tato'laxpox, ja-am wut, it-paeyam xamal xan tajnachalwampimpo.

¹⁵ Samata, amwutjel xamal jumchiyaxinil: ‘Xamal tamakjiwam xanliajwa’ –chiyaxinil, xamal tajnachalwam xot. Pamak matabija-el pejpaklon puexa isaxaelpoxan. Pelax xamal tajnachalwam xot, naewhajnax puexa taj-ax Dios xan najum-aechpoxan.

¹⁶ Xamal nejchaxoelam wut, ¡chiekal nejchaxoelde, xamal makanotx xot! Xamal xan namakafis-emil. Samata, to'ax asapak-lowaxanpijiw naewhajnafulaliajwam tajwajan, isfulaliajwambej pachaempoxan Diosliajwa. Japoxan isfulam wut, japox toepaxil. Ja-amfulam wut, taj-ax Dios chaxdusaxael wuljowampoxan xan tajaxtat.

¹⁷ ¡Xamal to'ax nakaewa nanejxasinkafulaliajwam!” –aech Jesús xanal pejnachalwanliajwa.

Ampathatpijiw nejweslapox Jesús, japon pejnachalabej

(Mt 10.24; Lc 6.40; Jn 13.16; 17.14-18)

18 Jesús pejme jum-aech xanalliajwa: “Ampathatpijiw, xan nanaexasis-elpi, japi xamal nejweslaxael. Ja-aech wut, xamal nejchaxoelaxaelam japi xan matxoela nanejweslapox.

19 Xamal ampathatpijwamkal wut, jiw nejweslaxil xamal. Japi nejxasinkaxael xamal. Me-ama pejiw nejxasink wut, jachiyaxaeli xamalliajwa. Pe xamal makanotx, japixotam wut. Samata, ampathatpijiw nejwesla xamal, kaes japixota-emil xot.

20 ¡Nejchaxoelde chajia jum-anpox, jum-an wut: ‘Pamakan kaes paklona-el. Me-ama pejpaklon, jachi-el pamakan’ —an wut! Xamalliajwa jachiyaxaelbej. Ampathatpijiw babijaxan is wut xanliajwa, japibej isaxael babijaxan xamalliajwa. Asew jiw lax naexasit wut tajnaewhajnax, ja-aech wut, xamal naewhajnampox japi naexasisaxaelbej.

21 Ampathatpijiw babijaxan isaxael xamalliajwa, tajnachalwam xot, japi matabija-el xot taj-ax Dios, xan nato'apon.

22 “Xan fulae-enil wut japi jiw naewhajnalialjwan, ja-an wut, japi jiw bu'wajanjilaxael. Pe xan fulaenx wut, japi naewhajnaxbej. Japi naexasis-el tajnaewhajnax. Samata, amwutjel jumchiyaxili: ‘Xan bu'wajanjinil’ —chiyaxili.

23 Xan nanejweslapi, japi nejweslabej taj-ax Dios.

24 Xan japixot koechaxan is-enil wut, japi jiw bu'wajanjilaxael. Pelis xan koechaxan isx japixot. Pe nakiowa, japi jiw xan nanejwesla. Nejweslabejpi taj-ax Dios.

²⁵ Chajia lelsprox jum-aech: ‘Masoxtat xan jiw nanejwexlaxael’ —aechox. Samata, ampathatpijiw xan nanejwesla.

²⁶ “Xan Espíritu Santo to'axaelen xamal nejmatp_uatanxotaliajwa. Japon asaw_ul Kajachawaesan. Espíritu Santo jum-aech diachw_uajnakolaxpoxkal. Espíritu Santo f_uloek w_ut taj-axxotsik, jumchiyaxaelon pachaempoxan xanliajwa.

²⁷ Xan t_uadutx w_ut jiw naew_uajna_x, xamal xanxotam. Do jaw_ux, hasta amw_utjel, xan s_uapich, nan_uamtam. Samata, xamalbej jumchiyaxaelam pachaempoxan xanliajwa” —aech Jesús xanal pejnachalwanliajwa.

16

Jesús pejnachala nabijasaxaelpox japon pijaxtat

¹ Jesús pejme jum-aech xanal pejnachalwanliajwa: “Xan jumchiyaxaelen ampoxan, xamal tajnachalwam xot, nabijatam w_ut kofasamatam xan naxanaboejampox.

² Xan naexasis-elpi, japi xamal jukaxael judíos naew_uaj nabachanxot. Ja-aech w_ut, xamal tapae_yaxili pejme leliajwam. Japi ba w_uti xamal, japi nejchaxoelaxael: ‘Xatis baes w_ut Jesús naexasiti, xatis isas Dios nejxasinkpox’ —chiyaxaeli, nejchaxoel w_ut.

³ Japi isaxael babijaxan xamalliajwa, matabija-el xoti taj-ax Dios, xanbej.

⁴ Japox xamal jum-an nejnejchaxoelaxan mam-nikalijwa. Japamatkoi pat wut xamallijwa, xamal nejchaxoelaxaelam chajia jum-anpoxlijwa” —aech Jesús xanal pejnachalwanlijwa.

Espíritu Santo isfɨlpoxan ampathatat

Do pejme Jesús jum-aech xanal pejnachalwanlijwa: “Xamal majt amprox jumchi-enil, tajut chiekal xamalxotx xot.

⁵ Pe amwut, xan taj-ax Dios, xan nato'apon, poxaxoeyan. Pe kaen xamalxot chinax nawujnachaemt wut, najumchi-el: ‘¿Xam amproxaelamkat?’ —nachi-el.

⁶ Xamallax asbuan jumch nejchaemilam, japoxan jum-an wut.

⁷ Diachwujnakolax xan jum-an. Kaes pejme pachaem xamallijwa xan taj-ax poxalijwanse. Xan taj-ax poxa-enil wut, Kajachawaesan pasaxil xamalxotsik, japon kajachawaeslijwa xamal. Xanlax athu poxasax wut, jan wut, to'axoekan Kajachawaesan xamal nejmatpuatanxotalijwa.

⁸ Espíritu Santo pask wut, ampathatpijiw chiekal pajut matabijaxael japi babijaxan ispoxanlijwa, pachaempoxanlijwabej. Espíritu Santo pijaxtat jiw matabijaxael Dios kastikaxaesprox babijaxan ispi.

⁹ Espíritu Santo pijaxtatbej jiw matabijaxael japi babijaxan ispo, xan nanaexaxis-el xoti Dios bu'welijwas.

¹⁰ Espíritu Santo pijaxtatbej jiw matabijaxael pachaempoxan islijwa, xan taj-ax Dios poxaxoeyan xot. Xamal kaes nataeyaximil.

11 Xan nanaexasis-elpi, japi matabijaxael Espíritu Santo pijaxtat kastikaxaespoX, babijaxan is xoti. Satanásbej, ampathatpijiw tato'lan, japon asamatkoi kastikaxaes.

12 “Xan xabich kaes xamal jumchiliajwan. Pe xamal chiekal jummatabijaximil japoxan. Samata, kaes jumchiyaxinil amwutjel.

13 Pe Espíritu Santo fuloek wut, japon pijaxtat xamal chiekal matabijaxaelam puexa diachwujnakolaxpoxan. Pajut pijaxtat naksiyaxilon. Japon jumchiyaxael taj-ax Dios jum-aechpoxan, tajnaewujnaxanbej. Jumchiyaxaelbejpon asamatkoi jachiyaxaelpoxan.

14 Espíritu Santo kajachawaesaxael jiw xan naitaeliajwa. Japon puexa taen, xan isxpoxan. Jumtaenbejpon puexa tajnaewujnaxan. Puexa japoxan xamal chiekal chanaekabuanaxaelon.

15 Puexa taj-ax matabijtpoxan, japoxan xanbej matabijtax. Samata, jum-an: ‘Puexa matabijtaxpoxan, Espíritu Santobej japoxan matabijt. Do jawut, Espíritu Santo xamal chapaeyaxael, japoxan chiekal matabijaliajwam’ –an xan.

16 “Kaematkoi wutlejen, pejme xan nataeyaximil. Do jawux, kaesujapich matkoiyan wut xan pejme nataeyaxaelam” –aech Jesús xanal pejnachalwanliajwa.

Jiw nejxaejwaxaespi Jesúsliajwa, japi jiw pejme nejchachaemlaxaelpox

(Mt 7.7-11; Stg 1.5-6)

17 Do jawut, xanal pejnachalwanpinxot, asew nakaewa najum-aech:

—¿Achax chiyaxaelkat Jesús jum-aech wut: ‘Kaematkoi wutlejen, kaes xan nataeyaximil. Do jawux, kaesupich matkoiyan wut, xan pejme nataeyaxaelam’ —aech wutkat Jesús? ¿Achax chiyaxaelkat japox, pajutliajwa najum-aech wuton: ‘Xan taj-ax Dios poxaxoeyan’ —aech wutkaton?

¹⁸ ¿Achax chiyaxaelkat, Jesús jum-aech wut: ‘Kaematkoi wutlejen’ —aech wutkat Jesús? Xanal chiekal matabija-enilfuk achaxliajwa Jesús naksiya —aech asew xanalxot.

¹⁹ Jesús matabijt asew xanalxot wujnachaemsasiaspox. Samata, jum-aechon japiliajwa:

—Xamalliajwa chajia jum-an: “Kaematkoi wutlejen, kaes xan nataeyaximil. Do jawux, kaesupich matkoiyan wut, xan pejme nataeyaxaelam” —an wut, ¿ma-aech xotkat xamal nakaewa nawujnachaemtam japoxliajwa?

²⁰ Diachwujnakolax xan jum-an. Xamal nejxaejwaxael, xan tux wut. Nawunoeyaxaelambej. Do jawut, ampathatpijiwlax, xan nanaexaxis-eli, japilax nejchachaemlaxael, xan tux wut. Diachwujnakolax xamal nejxaejwaxael xanliajwa. Pe nejnejxaejwax chalechkal toepaxael. Jawut nejchachaemilaxkal naliasaxael.

²¹ Pawis boejpuns wut naxwllaliajwa, wex-aenkas. Jawut nabijatpow, wepach wut pejmatkoi. Pe paxuch nalaelt wut, japow nabijatpox, xaeyax, nejkiowpow. Japow chiekal nejchachaemil, paxuch nalaelt xot.

²² Xamal amwutjel ja-am, nejxaejow xot xanliajwa. Xamalfuk nejxaejwaxael ampamatkoiyantat.

Pe pejme xamal taeyaxaelen wut, japamatkoitat pejme xamal nejchachaemlaxaelam. Asew jiw toesaxil nejnejchachaemlax.

²³ “Japamatkoitat kaes xan nawuajnachae saximil matabijaliajwam, Espíritu Santo pajut xamal chanaekabuanafulaxael xot. Diachwujnakolax xan jum-an. Taj-axbej chaxduiyaxael puexa xamal wuljowampoxan xan tajaxtat.

²⁴ Hasta amwutjel, xamal taj-ax Dios chinax wuljoe-emil xan tajaxtat. Pe amwutjel xan tajaxtat taj-ax Dios wuljoeflaxaelam. Taj-ax Dios chaxduiyaxael xamal wuljowampoxan xan tajaxtat. Ja-am wut, xabich nejchachaemlaxaelam nejnejchaxoelaxantat” –aech Jesús.

Jesucristo malechapox chaemilpoxan ampathatat

(Ro 8.37; 2 Co 2.14; Ap 3.21; 5.5)

²⁵ Jesús pejme jum-aech xanal pejnachalwanliajwa: “Me-ama majt wujantat jum-an xamal naewuajnax wut, jasoxtat pejme naewuajnaxinil. Pe asamatkoi jumchiyaxaelen xabich tampoela-elaxtat taj-ax Diosliajwa.

²⁶⁻²⁷ Japamatkoitat xamal najut xan tajaxtat taj-ax Dios wuljoeyaxaelam, kawuajnam wut wewe'p'poxanliajwa. Xamalliajwa xan wewuljoeyaxinil taj-ax Dios, taj-ax tapaei xot xamal najut wuljoeliajwam, nejxasink xoton. Taj-ax Dios nejxasink xamal, xan nanejxasinkam xot, naexasitam xotbej xan fuloekponanpox Diosxotsik.

28 Xan fuloekx taj-axxot pasliajwan ampathatat. Amwut athu poxaxoeyan taj-ax poxase” —aech Jesús xanal, pejnachalwanliajwa.

29 Do jawut, xanal japon pejnachalwan jum-an:

—Amwutjel xam jum-am chiekal tampapoxtat. Kaes naewuajna-emil wuajantat.

30 Amwutjel xanal matabijax xam puexa matabijtamponam. Xam chajia chiekal matabijtam xanal wuajnachaemsasianpoxan xam. Samata, chiekal xanal chanaekabuanam wut, kaes nawewe'pa-el xam wuajnachaemsliajwan. Samatabej, xanal chiekal naexasitx xam Diosxotsik fuloemkponampox —an xanal Jesúsliajwa.

31 Jesús jumnot wut, jum-aechon xanalliajwa:

—Xamal amwutjel xan chiekal nanaexasitam.

32 Pelis tajhora nawepat. Amwut xamal nasalaxaelam nejlel, asew jiw babijax isaxael xot xanliajwa. Tamach nawaelsaxaelam, nejlewla xot. Pelax xan tamachaxinil, taj-ax nachala xot.

33 Xan japoxan jum-an xamal nejlewlasamata, xamal xan naxanaboejam xot. Ampathatatam wut, nabijasaxaelam. Pe nabijatam wut, ¡xamal nabej nejlewle'! ¡Xanlis malechax chaemilpoxan ampathatat! —aech Jesús xanal pejnachalwanliajwa.

17

*Jesús Dios kawuajanpox pejnachalaliajwa
(Jn 13.18)*

1 Jesús buxtoet wut jum-aechpox xanalliajwa, do jawut, athu natachaemsepon. Pax Dios kawuajan

wut, jum-aechon: “Ax, tajmatkoi nawepat. jiw itpaem xan mamnikaxponanpox, naxulnan xot! Ja-aech wut, xanbej itpaeyaxaelen xam xabich mamnikamponanpox.

² Xam natapaeyam puexa jiw tato'laliajwan. Samata, xan naxulnan kajachawaesaxaelen xan nanaexasiti, japi pomatkoicha duilaliajwa xamxotse.

³ Ax, xam kaenam Diosnam. Do kaes asan, Dios, chiekal jil. Xanbej Cristowan, xam nato'amponan ampathatasik. Jiw xatis naknaexasit wut, japi jiw duilaxael pomatkoicha xatisxotse.

⁴ “Toetx tajbichax, xam nato'ampox isliajwan. Jiw, ampathatpijiw, itpaeix xam xabich mamnikamponanpox, xam chiekal sitaeliajwapi.

⁵ Ax, chajiakolaxtat, ampathat ajil wutfak, jawut xanbej xamxotx. Jaxotse, xam sapich, puexa tato'lax xam nijaxtat. ¡Amwutjel pejme jasox isde xanliajwa, xamxotaxaelen wut!

⁶ “Ampathatpijiwxot, a sew xam makanotam, japi jiw xan nanaexasisfulaliajwa. Xan tajaxtat japi matabijaful, achanam xam. Majt japi jiw xam nejjiw. Pe amwutjel, japibej xan tajjiw. Japi jiw naexasisfulbej nejamechan.

⁷ Japi jiw amwutjel matabija xam nijaxtat xan puexa isfulaxpox.

⁸ Majt najum-ampoxan, japoxan xan japi jiw naewhajnax. Amwutjel japi naexasisful japanaewhajnaxan. Amwutjel japi pajut matabijabej diachwajnakolax xan fuloekxponan xamxotsik. Matabijabejpi xam nato'amponanpox.

9 “Xan nanaexasitpi, japi jiwliajwa xam kawɥajnaɥ. Xan kawɥajna-enil ampathatpijiwliajwa, japi xam naexaxis-elpiliajwa. Xanlax kawɥajnaɥ xam makanotampiliajwa, japi xan nanaexaxisful, xam nejjiw xot.

10 Xan tajjiwpi, japibej puexa xam nejjiw. Puexa xam nejjiwpi, japibej xan tajjiw. Japi jiw ispoxantat asew jiw, xan nanaexaxis-elpi, nasitaen.

11 “Xan kaes namanaxinil ampathatat, xam poxaxoeyan xot. Pelax tajjiw namaeyaxael ampathatat. Ax, pomatkoicha pachaemamponam, tajjiw chiekal nawetataeflaxaelam, asew jiw babijaxan isasamata japiajwa. Xam kawɥajnaɥ japi nakaewaliajwa kaenejchaxoelaxliajwa. Me-ama xatis kaenejchaxoelax, japibej jachisfulaliajwa.

12 Xan, japi sɥapich, dukx wɥt, chiekal tataeflax xam nijaxtat. Nawenafo'a-el, xan nanaexasiti xot. Kaenlax japixot nafo'a, fulaeyaxaelpon infierno poxade. Me-ama nejjamechan chajia lelsprox jɥm-aech japonliajwa, japox ja-aechlisox.

13 “Amwɥt xam poxaxoeyan. Ampox xam jɥm-an, ampathatxotx wɥtfuk, xan nanaexasitpi chiekal nejchachaemlaliajwapi, me-ama xan nejchachaemlax wɥt, jachiliajwapi.

14 Xan japi naewɥajnaɥ nejjamechan. Samata, ampathatpijiw nejweslaspi, ampathatpijwa-el xoti. Xanbej ampathatpijna-enil.

15 Xan wɥljoe-enil xam jukaliajwam xan nanaexasiti ampathatxot. Xanlax wɥljowx japi nawetataeflaliajwam, Satanás naekichachajbasamatasbejpi.

16 Amwɥtjel japi ampathatpijwa-el. Me-ama

xan ampathatpijna-enil, ja-aechbej japi.

17 ¡Kajachawaesfulde isfulaliajwapi xam nejxasinkampoxan, diachwɥajnakolaxpoxan! Nejjamechan diachwɥajnakolax.

18 Xan to'ax japi naewɥajnalialjwapi ampathatpijiw, me-ama xam xan nato'am ampathatpijiw naewɥajnafulaliajwan.

19 Xan thiltax isfulaliajwan xam nejxasinkampoxan. Japoxan xan isfulax xan nanaexasitiliajwa. Do jawɥx, japi isfulaxael xam nejxasinkampoxan. Jasox isful wɥt, isfulaxael pachaempoxan, matabija xoti nejjamechan, diachwɥajnakolaxpox.

20 “Xam kawɥajnax wɥt, kawɥajna-enil xan nanaexasitpikalliajwa. Kawɥajnaxbej asew jiwli-ajwa, japi asamatkoi naexaxisaxaelpi tajwɥajan, naewɥajan wɥt xan nanaexasiti.

21 Ax, xam kawɥajnax xan nanaexasitiliajwa, puexa japi kaenejchaxoelaxliajwa. Xatis kaeyax chiekal nejchaxoes. Kawɥajnax japibej kaenejchaxoelaxliajwa, xatis sɥapich, ampathatpijiw matabijaliajwa xam nato'amponanpox ampathatasik.

22 Xan tajpamamax chaxdutx japi. Japox najɥp, me-ama xam nachaxdutampox. Jasox isx japi kaenejchaxoelaxliajwa. Me-ama xatis kaeyax chiekal nejchaxoes, japibej jachiliajwa.

23 Do jawɥt, japi chalaxaelen, me-ama xam xan nachalam chiekal kaenejchaxoelaxliajwan, xam sɥapich. Do ja-aech wɥt, ampathatpijiw chiekal xan namatabijaxael xan nato'amponanpox. Do jawɥt, ampathatpijiw pajut matabijaxaelbejpi

xam jiw nejxasinkampox, me-ama xan nanejxasinkam wut, ja-ampox jiwliajwa.

²⁴ “Ax, xan nejxasinkax jiw xanxotaliajwa, xam makanotampi xan nanaexasisliajwa. Nejxasinkaxbej puexa japi jiw matabijaliajwa xan xabich tajpamamaxpox, xam nachaxdutampox, xam chajia xan nanejxasinkam xot, that is-esal wut^{uk}.

²⁵ Ax, xam xabich pachaemam. Ampathatpijiw xam matabija-el. Pe xan matabijtax xam. Xan nanaexasiti matabija diachwujajnakolax xan nato'amponanpox.

²⁶ Xan jum-an nanaexasitiliajwa, ma-am xam. Japoxlap jumchisfulaxaelen. Do ja-aech wut, japi jiw nakaewa nanejxasinkafulaxael. Me-ama xam xan nanejxasinkafulam wut, jachiyaxaelbej japi jiw. Xanbej pomatkoicha japixotaxaelen” –aech Jesús, pax Dios kawujajan wut.

18

Jesús jaeltaspox padaelmajiw

(Mt 26.39, 47-56; Mr 14.36, 43-50; Lc 22.42, 47-53)

¹ Jesús baxtoet wut pax Dios kawujajanpox, fulaech wuton, xanalbej, japon pejnachalwan, nakfulaechx. Minlajt putkalpox xenax. Japaminlajt, putkalpox, pawul Cedrón. Xenaxxot olivonaechan nuil. Olivonaechan nuilxot Jesús xanal nabu'pat.

² Judas, wiasaxaelpon Jesús padaelmajiwxot, japon chiekal matabijt xanal jaxotaxaelenpox, jaxot chajia Jesús pin-iaveces jinatameja xot, xanal sawapich.

³ Samata, Judas kaemut soldaw bu'pa'an jaxot. Bu'pa'anbejpon Dios pejtemploba weti. Japi to'as sacerdotespaklochow, fariseosbej. Xafoli iwa, espadas, lanzasbej. Kelafolbejpi baenthnaechan, xape'asi naetat italiafaliajwa, fol xoti madoi. Kelafolbejpi lámparas.

⁴ Jesús chajia matabijt japonliajwa jachiyaxaespo. Samata, Jesús jaxot fúlaech bu'kakunaliajwapon fúlaeni. Do jawut, jum-aechon japi jiwliajwa:

—¿Achankat xamal wulwekam? —aechon.

⁵ Kaen japixot jumnot wut, jum-aechon Jesúsliajwa:

—Xanal wulwekx Jesús, Nazaret paklowaxpijin —aechon.

Jesús jum-aech:

—Xanlap nawulwekamponan —aechon.

Judas, wiasaxaelpon Jesús, japixot nukon.

⁶ Jesús jum-aech wut: 'Xanlap nawulwekamponan' —aech wut, japi soldaw, asew jiwbej, chalechkal tɬakre'xalaenki. Jawut satat oeljabapi.

⁷ Jawut, Jesús pejme wɬajnachaemt wut, jum-aechon:

—¿Achankat xamal wulwekam? —aech Jesús.

Japi pejme jum-aech:

—Xanal wulwekx Jesús, Nazaret paklowaxpijin —aechi.

⁸ Jawut Jesús pejme jum-aech japiliajwa:

—Xan jum-an: 'Xanlap nawulwekamponan' —an xan. Xan nawulwekam wut, ampi, tajnachala, ¡chijiyax tapaem! —aech Jesús.

⁹ Japox ja-aechlisox, Jesús pajut jum-aechpox jachiliajwa: “Ax, nachaxdutampi, chinax kaen nawenafo'a-el” —aech Jesús, majt chajia kawuajan wut pax Dios.

¹⁰ Do jawut, Simón Pedro chalechkal pej-espada kukchapon. Jawut kaen aton, cho'chikchapon, poklalel pejcho't. Japon pawul Malco. Japon nabist sacerdotespaklokolanliajwa.

¹¹ Do jawut, Jesús jum-aech Pedroliajwa:

—¡Nej-espada jemk ta-akadik! Diachwujnakolax xan jum-an. Xan nabijasaxaelen. Me-ama tajax Dios chajia jum-aech nabijasliajwan, japox ma amwut jachiyaxael —aech Jesús.

Jesús nukpox Anás pejuajnalel

(Mt 26.57-58; Mr 14.53-54; Lc 22.54; Jn 11.49-50)

¹² Do jawut, soldawcapitán, pejsoldaw suapich, malis Dios pejtemploba wetibej, japi judíospi, japi jaelt Jesús. Do jawut, Jesús muatat kus.

¹³ Matxoela buflaechipon Anás pejba poxade. Japon Anás, Caifás puax. Caifás sacerdotespaklokolan japawaestat. (Anásbej majt sacerdotespaklokolan asawaestat.)

¹⁴ Caifás chajia jum-aech judíospaklochowliajwa: “Kaes pejme pachaem, kaen aton tamach tɔpliajwa. Jasoxtat xabich jiw tɔpaxil” —aech Caifás, chajia jum-aech wut.

Pedro xanaliapox Jesús matabijtproxliajwa

(Mt 26.69-70; Mr 14.66-68; Lc 22.55-57)

¹⁵ Jesús bu'fos wut, Simón Pedro wuchakal atɔaxach fol. Xan, tawulponan Juan, wuchakal

atɨaxach folxbej. Sacerdotespaklokolan xan namatabijt. Samata, xan tamach lowx bafɨlmaktxot Jesús pejwɨchakal.

16 Pe Pedro naman tathoetat, bafafaxot. Do jawɨt, xan kaxandax. Sacerdotespaklokolan xan namatabijt xot, bafafa wetpow kawɨajnaɨ, Pedrobej leliajwa.

17 Pedro bafɨlmaktxot low wɨt, japow wɨajnaɨchaemtason. Japow jɨm-aech:

—¿Xamkatlap jaeltaspon pejnachalnam? — aechow.

Pedro jɨmnot wɨt, jɨm-aech:

—¡El! ¡Xan japon pejnachalna-enil! —aech Pedro.

18 Xabich thɨnk xot, Caifás pamak, Dios pejtemploba wetibej, jit itfoti. Jaxot japi jiw jit su'chanuil. Pedrobej jaxot jit naksu'chanuk.

Sacerdotespaklokolan *xabich*
wɨajnaɨchaemtpox Jesús

(Mt 26.59-66; Mr 14.55-64; Lc 22.66-71)

19 Do jawɨt, sacerdotespaklokolan tɨadutlison wɨajnaɨchaemsliajwapon Jesús pejnachalapiliajwa, naewɨajnaɨproxliajwabej.

20 Japon bɨxtoet wɨt wɨajnaɨchaemsax, Jesús jɨm-aech:

—Xan tulaela jɨm-an jiw pejwɨajnalel. Naewɨajnaɨxbej judíos naewɨajnaɨbachanxot, Dios pejtemplobaxotbej, judíos natameja wɨt. Xan maliach naewɨajna-enil.

21 ¿Ma-aech xotkat nawɨajnaɨchaemtam japoxan? ¡Wɨajnaɨchaemde najɨmtaenpi! Japi chiekal matabija xan jɨm-anpoxan. Japi

jumchiyaxael, achax xan jum-an, jiw naewhajnax wut — aech Jesús sacerdotespaklokolanliajwa.

²² Jesús japox jum-aech wut, kaen Dios pejtem-ploba wetpon ke-etat xuselchapon Jesús. Do jawut, jum-aechon:

—¿Ma-aech xotkat xam japox jum-am sacerdotespaklokolanliajwa? —aechon, palala xot.

²³ Jesús jumnot wut, jum-aechon:

—Babejjamechan jum-an wut, inajum-amde, achaxkat chaemil xamliajwa! Xan jum-anpox diachwajnakolax wut, ¿ma-aech xotkat naxuselcham? —aech Jesús.

²⁴ Do jawut, japi wujnachaemsax buxtoet wut, Jesús kus wutfuk, Anás to'a soldaw Jesús buflaeliajwas Caifás poxade, jaxotde kaes pejme wujnachaemsliajwas Jesús, japon sacerdotespaklokolan xot.

Pedro pejme xanaliapox Jesúsliajwa

(Mt 26.71-75; Mr 14.69-72; Lc 22.58-62; Jn 3.14; 12.32)

²⁵ Pedro nakiowa jaxot jit naksu'chanuk. Jawut jaxot su'chanuili, japibej jum-aech Pedroliajwa:

—¿Xamkatlap jaeltaspon pejnachalnam? —aechi.

Pedro jumnot wut, jum-aechon:

—¡Xan jaeltaspon pejnachalna-enil! —aech Pedro.

²⁶ Sacerdotespaklokolan pamakan jaxot nuk. Japon cho'chikchaspon pejwul-aton. Japonbej wujnachaemt wut, jum-aechon Pedroliajwa:

—¿Xamkat bej taenxbej, nukam wut, Jesús suapich, olivonaechanxot? —aechon.

27 Pedro pejme xanalia wut Jesúsliajwa, jawut kawaema nejla. Me-ama Jesús chajia jum-aech, ja-aechlisox.

Jesús nukpox Pilato pejwajnalel

(Mt 27.1-2, 11-14; Mr 15.1-5; Lc 23.1-5)

28 Do kandiawasap wut, juimt jula-el wutfuk, judíos bñflaeni Jesús Caifásxotdin, asaba poxade. Japaba, Pilato pejba, xabich pinaba. Japon gobernador Judea tñajñaxot, to'as xoton Roma go-bierno. Japabaxot pat wut, judíos le-el gobernador pejba, xaeyaxael xoti Pascuafiestanax-aeyax. Judíos leyaxael wut judíos-atona-el pejba, judíos xaeyaxil Pascuafiestanaxaeyax. Ja-aech judíos pejkabñanpox.

29 Samata, Pilato nakolde pejbaxot nospaeliajwa, judíos sñapich. Do jawut, jum-aechon japiliajwa:

—¿Achaxkat Jesús is xamal tasalaliajwam japon? —aech Pilato.

30 Do jawut, judíos chiekal jumnos-el wut, jum-aechi asbñan jumch: —Japon aton babejna-el wut, xanal japon bñflaeyaxinil xamlel —aech judíos Pilatoliajwa.

31 Do jawut, Pilato jum-aech judíosliajwa:

—¡Xamal najut japon aton bñflaem kastikaliajwam, me-ama xamal nejkabñan! —aech Pilato judíosliajwa.

Judíos japox jumtaen wut, jum-aechi:

—Xam tapae-emil, xanal judíos tajut kastikaliajwan, boesaliajwanbej aton —aech judíos Pilatoliajwa.

32 Japox ja-aechlisox, me-ama Jesús chajia jum-aech, achaxtat tñpaxaelon.

³³ Do jawut, Pilato lechlison batuchade. Jawut jumxato'apon Jesús fúlaelíajwa Pilatolel. Do jawut, Pilato jum-aech, Jesús wuajnáchaemt wut:

—¿Xamkatlap diachwuajnakolax puexa judíos pe-reynam? —aech Pilato Jesúsliajwa.

³⁴ Jesús jumnot wut, jum-aech:

—¿Xamkat najut nijaxtat japox xan nawuajnáchaemtam? O, ¿asew jiw jum-aech wut, jumtaenam xot, xan japox nawuajnáchaemtam? —aech Jesús Pilatoliajwa.

³⁵ Pilato jumnot wut, jum-aechon Jesúsliajwa:

—Xan judíos-atona-enil. Nejjiw, judíos, sacerdotepaklochowbej, japi xam buflaen xanlel jumchiliajwa xam nejbu'wuajnamproxliajwa. ¿Achababijaxkat isam japi palalaliajwapi xamliajwa? —aech Pilato.

³⁶ Jesús jumnot wut, jum-aechon:

—Xan jiw tato'la-enil ampathatat. Xan jiw tato'lax wut ampathatat, tajjiw nabeyaxael judióspaklochow, pejjiw srapich, akanajaels xan nawias-elaliajwapi judióspaklochowxot. Xan jiw tato'la-enil ampathatat —aech Jesús Pilatoliajwa.

³⁷ Do jawut, Pilato pejme wuajnáchaemt wut, jum-aechon:

—¿Xamkatlap diachwuajnakolax reyponam? —aech Pilato.

Jesús jumnot wut, jum-aechon:

—Diachwuajnakolax, me-ama xam jum-am. Xanlap jiw reyponan. Samata, xan nalaeltax pawistat. Jasoxtat fúloekx ampathat poxasik jiw naewuajnalíajwan diachwuajnakolaxprox. Puexa jiw matabijasiapi diachwuajnakolaxprox, japi jiw

xan najumtaen. Japi jiwbej xan nanaexasit – aech Jesús.

³⁸ Do jawut, Pilato jum-aech:

—¿Achaxkat diachwujnakolaxpox? —aechon.

*Pilato to'apox Jesús kematamatlaliajwas
(Mt 27.15-31; Mr 15.6-20; Lc 23.13-25)*

Doliso', Pilato wujnachaemsax buxtoet wut, nakoldepon jumchiliajwa judíos. Do jawut, Pilato jum-aech judíosliajwa:

—Xan faena-enil babijax japon ispox. Kastikax-isalbejpon.

³⁹ Xamal nejkabuan. Pascuafiesta isam wut, xamal xan nawujjowam kaen aton jiw jebaxot jiaspon nakolsax tapanliajwan. ¿Xamalkat nejx-asinkam xan nakolsax tapanliajwan jumtispon: 'Judíos pejrey' —tispon? —aech Pilato judíosliajwa.

⁴⁰ Judíospaklochow, a sew jiw suapichbej, pin-jametat jum-aechfali Pilatoliajwa:

—¡Japona-el! ¡Barrabás nakolsax tapanem! —aech xabich jiw.

Barrabás jiw jebaxot jias, kethakan xot. Japon majt nababej, Pilato pejsoldaw suapich.

19

¹ Do jawut, Pilato keto'a soldaw Jesús selsliajwas. Samata, jawut, Jesús buflaech wut, jaxotde Jesús seltas pakmuat kabuanchiyaxtat.

² Ketoech wut selsax, xakoeyapi na-e'lu Jesús matlua'sliajwas. Do jawut, matlua'tas wut, xajoels-bejpon, me-ama rey pijax, jasox. Japox chikjiana pasoe yaxlejen.

³ Do jawut, me-ama jiw tato'lan wut, ketispon. Japi soldaw ketaxaxaelali Jesús. Do jawut, moxdepi Jesúsxot. Jawut jum-aechi Jesús pejwajnalel:

—¡Moi, judíos pefrey! —aechi.

Jawut xuselbalas Jesús.

⁴ Pilato pejme nakolt pejbaxot. Do jawut, jum-aechon judíos pejwajnalel:

—¡Xan chiekal nanaewe'e! Jesús buflaenx xamal chiekal matabijaliajwam, chinax xan babijax faena-enil, japon ispox —aech Pilato.

⁵ Do jawut, Jesús xajoels pakchowax. Japox chikjiana pasoe yaxlejen. Xakoeyaspox, na-e'la, matla'tas Jesús. Jawut Pilato jum-aech:

—¡Taem! ¡Ama xamal tasalampon! —aechon judíosliajwa.

⁶ Do jawut, sacerdotepaklochow, Dios pejtem-ploba wetibej, Jesús taen wuti, nejlasful wut, jum-aechi Jesúsliajwa:

—¡Kematamatalde cruztat! ¡Kematamatalde cruztat tupaliajwa! —aechfali.

Pe Pilato jum-aech:

—¡Xamal najut buflaem cruztat kematamatlaliajwam! Xan chinax faena-enil babijax japon ispoxan kematamatlaliajwan cruztat —aech Pilato japi jiwliajwa.

⁷ Judíospaklochow jumnot wut, jum-aechi Pilatoliajwa:

—Moisés chajia lelpox xanal naexasisfulax. Japawajanjxot to'a, me-ama ampon aton, jason kastikaliajwas, boesaliajwasbejpon, japon pajut najum-aech xot: 'Xan Dios paxulan' —na-aech xoton —aech judíospaklochow Pilatoliajwa.

8 Pilato jumtaen wut japi jum-aechpox Jesúsliajwa, jawut kaes pejme pejlowlapon Jesúsliajwa.

9 Samata, pejme pejba lechon, Jesús s̄apich. Jaxotde pejme Pilato w̄ajnaemt wut, jum-aechon Jesúsliajwa:

—¿Amxotpijnamkat xam? —aech Pilato Jesúsliajwa.

Pilato japox w̄ajnaemt wut, Jesús kaes jumnos-el.

10 Do jawut, Pilato jum-aech:

—¿Xamkat kaes najumnosaximil w̄ajnaemtaxpox? ¿Xamkat matabijs-emil xan xajuxpox xam nakolsax tapaeliajwan, o, to'aliajwanlax soldaw cruztat xam kematamatlaliajwa, t̄paliajwambej? —aech Pilato.

11 Do jawut, Jesús jumnot wut, jum-aechon Pilatoliajwa:

—Dios tapaei xam tato'laliajwam ampat̄ajnapijiw. Dios tapae-el wut jiw tato'laliajwam, xam najut nijaxtat ampat̄ajnapijiw tato'laximil. Aton nawiatpon xamxot, japon aton kaes pejme pejba'w̄ajan Diosliajwa. Me-ama xam, jachiyaxilon —aech Jesús Pilatoliajwa.

12 Do jawut, Pilato nakolsax tapaesiapon Jesús. Pe judíos nejlasfal wut, jum-aechfali:

—Japon nakolsax tapaeiam wut, xam kaenejchaxoelaxa-emil, nejrey s̄apich, dukpon Roma paklowaxxot. Nejmach-aton rey nadofasia wut, japon aton Roma t̄ajnapijiw tato'lan padaelmanaxael —aech judíos Pilatoliajwa.

13 Pilato, japox jumtaen wut, lapon soldaw, japi buflaeliajwa Jesús japonlel. Do jawut, Pilato ek pejtua-ekaxtat. Jaxot pawul Gabata hebreojamet. Japox jumchiliajwa: “Ia' dadapopox, meama pisolejen” –chiliajwa japox.

14 Kaematkoi we'pfuk Pascuafiestaliajwa. Matnoch juimt ek wut, Pilato jum-aech judiosliajwa:

–¡Amponlap nejrey! –aech Pilato Jesúsliajwa.

15 Pelisdo', judíos nejlasful wut, jum-aechfuli:

–¡Kematomatalde cruztat tupaliajwa! –aechful, judíos nejlasful wut.

Pilato wuajnachaemt wut, jum-aechon:

–¿Xamalkat nejxasinkam nejrey kematomatlaliajwas cruztat? –aech Pilato judiosliajwa.

Sacerdotespaklochow jumnot wut, jum-aechi:

–¡Japon xanal tajreya-el! ¡Xanal kaen tajrey! ¡Japon Roma tuajnupijiw tato'lan! –aechi.

16 Do jawut, Pilato to'a soldaw Jesús buflaeliajwas, kematomatlaliajwas cruztat, tupaliajwabejpon. Do jawut, soldaw Jesús bu'fos kematomatlaliajwas cruztat.

Jesús kematomatlaspox cruztat

(Mt 27.32-44; Mr 15.21-32; Lc 23.26-43)

17 Do jawutbej, soldaw bu'follisi Jesús muax poxade. Japamuax pawul Matnaethitmuax. Jesús pajut xafol cruz. (Hebreojamet japamuaxliajwa jum-aechi: “Gólgota” –aechi.)

18 Japamuaxxot Jesús kematomatlas cruztat, kolenje kethakan suapich. Japi kaenanula kematomatlas pejcruztat. Jesús pejkolelelje chanuili.

19 Pilato to'a lelaliajwapi tawlaf chadusliajwa Jesús pejcruztat, jiw matabijaliajwa, ma-aech xot Jesús tɔpaxael cruztat. Samata, lelsपोख जम-aeच: “Jesús, Nazaret paklowaxpijin, japon judíos pe-jrey” –aeचox.

20 Jesús kematamatlasxot mox Jerusalén paklowax. Samata, xabich judíos xaljow pale, tawlaf-tat chaduchपोख. Japatawlaftat lels tresjamechantat. Kaejame lels hebreojametat. Segundojame lels latínjametat. Tercerojame lels griegojametat.

21 Do jawɔt, sacerdotespaklochow fɔlaech Pilato पोखade. Pat wɔti Pilatoxot, जम-aeचि nejthɔ'axtat:

–¿Ma-aech xotkat lelampox जम-aeच: ‘Judíos pe-jrey’ –aeचkatox, lelampox? ¡Japox chaku'e! ¡Asax leelde! ¡Nej जम-aeचेपोख: ‘Jiw naewɔajan wɔt, जम-aeचon pajutliajwa: “Xan judíos pejreynan” –aeचon’ –nej ja-aeचे' lelampox! –aeच paklochow Pilatoliajwa.

22 Pilato जमnot wɔt, जम-aeचon:

–Ma xan iketo'ax, do japoxtat lelsliख –aeच Pilato judíospaklochowliajwa.

23 Jesús kematamatla-esal wɔtɔk, japi cuatro soldaw Jesús naxoeipoxan wejoltipon. Cruztat kematamatal wɔti, Jesús naxoeipoxan japi soldaw not kaenanɔla xadadiajpaliajwa. Matxoelapijax, pakchowax, naxoeldikपोख, japoxbej wefitipon. Japox पोभ'kal, ithoe-esal, chiekal baelsपोखkal.

24 Soldaw nakaewa najम-aeच japoxliajwa:

–¡Xatis अपोख nabej thiastis! Nakakujsaxaes ia'xix matabijaliajwas, achan kanaxael japox –na-aeचि nakaewa.

Do jawut, nakakujtlisi ia'xix. Islisi japox, me-ama Dios pejjamechan, chajia lelspx, jum-aech Jesúsliajwa. Jum-aechox: “Diajkaxaeli xan naxoeixproxan nakaewaliajwa. Asbuan jumch nakakujsaxaeli matabijaliajwa, achan kanaxael matxoelapijax, naxoelax” –aech chajia lelspx japoxliajwa.

²⁵ Jesús cruztat chanukxot, japon pen jaxot mox. Jaxotbej Jesús penow. Japow pawul María, Cleofas pijow. Jaxotbej asaow María. Japow Magdala paklowaxpijow.

²⁶ Jesús pen taen wut moxpx, xanbej, Jesús nanejxasinkpronan, mox nukx japowxot. Jawut Jesús jum-aech penliajwa:

–En, amwutjel xamliajwa Juan, me-ama naxulan wut, ja-aechon –aech Jesús penliajwa.

²⁷ Jawut Jesús jum-aechbej xanliajwa:

–Juan, xam amwutjel taj-en, me-ama nej-en wut, ja-aechow. Samata, chiekal nawetataeflaxaelam –aech Jesús xanliajwa.

Japamatkoitat, Jesús tɔpaxwɔx, xan tajba poxadax wut, japow bɔflaechx tataeflaliajwan.

Jesús tɔppox cruztat

(Mt 27.45-56; Mr 15.33-41; Lc 23.44-49)

²⁸ Do jawut, Jesús matabijt puexa chiekal toepox japonliajwa, me-ama Dios pejjamechan, chajia lelspx, jum-aech, jachiliajwapox. Jesús jum-aech:

–Xan minsila –aechon.

²⁹ Jaxot vino, xathunkpot, cha-ek jarrotat. Kaen aton esponja, paputhkax, xathot japavino poxadik. Xathot wut, esponja xakoeya nae-oefat

Jesús suiliajwa. Japanaeya pawal hisopo. Do jawut, xachosapon Jesús pejkaecha poxase.

³⁰ Do jawut, japox Jesús suw wut, vino, jum-
aechon:

—Puexa, xan isxroxan, toetx —aechon.

Jawut, Jesús natxatdik wut, tɔplison.

*Soldawan pejlanzatat chenaxa'lapox patɔpan
Jesús*

³¹ Kaematkoi we'p wut Pascuafiestaliajwa, napatamatkoiyaxael xotbej, judíospaklochowliajwa wepachaema-esal Jesús kaes chanukaliajwa cruztat, asewbej. Japamatkoi, napatamatkoi, judíos kaes pejme sitaen, Pascuafiestamatkoiyaxael xot. Samata, jawut, chawɔajnachaemsmatkoi wut, judíospaklochow Pilato poxade wɔljoeliajwa, japon keto'aliajwa soldaw bejalbalaliajwas cruztat kematamatlaspi, kamta japi tɔpaliajwalejen, jawɔx kuiliajwas cruzxotsik, mɔthaliajwasbejpi.

³² Do jawut, Pilato to'a wut soldaw, japi fɔlaech kematamatlaspi poxade. Pat wuti jaxot, matx-oelapijin bejalchapi, japon tɔpa-el xotfɔk. Asan, asalel chanukpon, bejalchasbej.

³³ Soldaw mox wut Jesúsxot, taeni Jesús tɔppox. Samata, Jesús bejalcha-esal.

³⁴ Do jawut, kaen soldawan Jesús chenaxa'la lanzatat, chiekal matabijsliajwa diachwɔajnakolax Jesús tɔp wut, o, ja-el wut. Jawut chalechkal jal nakola. Nakolabej min.

³⁵ Xan Juan lelx japoxan. Taenxroxan diachwɔajnakolax. Samata, jum-an diachwɔajnakolaxpox, xamalbej chiekal naexasisliajwam xan jum-anpoxan Cristoliajwa.

³⁶ Japoxan ja-aech, me-ama Dios pejjamechan, chajia lelspox, jum-aech japox jachiliajwa. Chajia jum-aechox: “Japon chinax kaethit wejalchaxisal” —aechox.

³⁷ Chajia asafut jum-aechbejpox lelspox: “Taeyaxaeli kaen aton, chenaxua'laspon” —aechox.

Patupan Jesús ochpox mmaxwajtat
(Mt 27.57-61; Mr 15.42-47; Lc 23.50-56)

³⁸ Jesús tup wut, José, Arimatea paklowaxpijin, fulaechon Pilato poxade. Pat wuton Pilatoxot, José kawujan Pilato, patupan Jesús xalaeliajwapon, osliajwabejpon mmaxwajxot. Japon José maliach naexasit Jesús, pejlwla xoton judíospaklochowliajwa. Do jawut, Pilato najaw-aech José xalaeliajwa patupan Jesús. Samata, fulaechon patupan poxade.

³⁹ Nicodemo, japon majt fulaechpon madoi nospaeliajwa, Jesús suapich, japon xapat treinta kilos xabejasapan Jesús kematamatlasxot. Japasapan, tialas mirrasapan, áloebelenbej, patupan joelaliajwapoxan.

⁴⁰ Do jawutbej, José, Nicodemo suapich, chaxfoli patupan Jesús. Mamochbua'antat, pokchobua'an, matxakoeyapi patupan, xabejasapan joelapi patupan. Ja-aech, judíos is wut pejwujnarijiw pijax, patupan muthsliajwa wut.

⁴¹ Jesús cruztat kematamatlasxot, jaxot mox papijax, olivonaechan nuil. Jaxot pajelmmaxwaj patupanliajwa. Chinax kaen patupan jarawujtat os-esalfuk.

⁴² Japawhuj mox. Samata, jaxot patupan Jesús oti, chawhujnachaemsmatkoí xot, napatamatkoí judíosliajwa xabich mox pawhujna xotbej.

20

Patupan Jesús mat-ech pejme dukaliajwa (Mt 28.1-10; Mr 16.1-8; Lc 24.1-12)

¹ Napatamatkoí toep wut, kandiawasap, itkua'nik wutfuk, María, Magdala paklowaxpijow, fulaech patupan Jesús och poxade. Mox fol wut, taenow ia't, pinjit, fafaxot matariamnaspox. Japot, ia't, majt faka'ch, patupan Jesús ochxot.

² Samata, najaetow Simón Pedro poxade. Jawutbej xan, Jesús xabich nanejxasinkpronan, Simón Pedroxotx. Xanalxot pat wut, nachapaei wut, najum-aechow:

—Wajpaklon juch, whujxot ochpon. Xanal matabija-enil amxot pejme otipon —na-aechow, nachapaei wut.

³ Xanal japox jumtaenx wut, Pedro swapich, fulaechx patupan Jesús och poxade.

⁴ Xanal dukpax. Xan kaes tabisla. Samata, xan matxoela patx patupan Jesús ochxot.

⁵ Do jawut, najulchax whujfafaxot taeliajwan whujtu. Jaxot whujtutat taenx mamochbua'ankal, pokchobua'an. Pe xan le-enilde whujtu.

⁶ Pedro pat wut wuchakal, japonlax low whujtu. Jaxot Pedrobej taen mamochbua'ankal.

⁷ Jaxot taenbejpon asabu', Jesús matnaex-akoeyasbu', papijaxtat okafulpox, xakoeyaspox.

⁸ Xan matxoelapatxpronan, wuchakal lowx. Xanbej taenx mamochbua'ankal, oel wut. Japox

taenx wut, xan naexasitx Jesús diachwujnakolax mat-echpox pejme dukaliajwa.

⁹ Japamatkoiyan xanal chiekal jummatabija-enilfik Dios pejjamechan, chajia lelsprox, jum-aech wut: “Mesías mat-esaxaes pejme dukaliajwa” —aech wutox.

¹⁰ Do jawux, xanal nawiax bachade, Pedro sapich.

Jesús natulaeltpox María Magdalena paklowax-pijowxot

(Mr 16.9-11)

¹¹ Xanalwux María Magdala paklowaxpijow pat patupan Jesús ochwujxot. Wujfafaxot japow now. Now wut, natachaemsepow wujtuchade.

¹² Jawut taenow kolenje Dios pej-ángeles. Japi naxoeipox xabich papoei. Chalaki patupan Jesús majt ochxot. Kaen ek matnaetlel. Asan ek thitlel.

¹³ Japow wujnachaemtas wut Dios pej-ángeles, jumentispow:

—¿Ma-aech xotkat nowam? —tispow.

Japow jumnot wut, jum-aechow:

—Tajpaklon, patupan, amxot och. Pe asew jiw juchpon. Matabijs-enil amxot pejme otipon —aechow Dios pej-ángelesliajwa.

¹⁴ Japox jum-aech wut, natfo'cha wut, taenow kaen aton. Pe matabijs-elow japon Jesúsprox.

¹⁵ Do jawut, japon wujnachaemt wut, jum-aechon japowliajwa:

—¿Ma-aech xotkat xam nowam? ¿Achankat wulwekam? —aechon japowliajwa.

Japow nejchaxoel: “Ampon olivonaechan tataeflan” —aechow, nejchaxoel wut. Samata, jum-aechow:

—Patupan Jesús xam jutam wut, inajum-amde amxot otampon, xan japoxaliajwan patupan wulwekaliajwan! —aechow.

¹⁶ Do jawut, japon jum-aech:

—¡María! —aechon.

Japow natfo'cha japonlel. Do jawut, japow chiekal matabijt japon Jesúspon. Do jawut, brixtat nukjaba wut, jum-aechow hebreojametat:

—¡Rabuni! —aechow pejjametat. (Japajame jumchiliajwa: “Jiw chanaekabuanan” —chiliajwapox.)

¹⁷ Jesús pejme jum-aech:

—¡Nakikofde nathitakuktampox! Xanfuk tajax poxa-enilse. ¡Xabua'de tajnachala poxade! ¡Jari jum-amo amrox: ‘Xan waj-ax Dios poxaxoeyan’ —amo jari, charaeyam wut! —aech Jesús Maríaliajwa.

¹⁸ Do jawux, María, Magdala paklowaxpijow, fulaen xanallel, Jesús pejnachalwan poxadin. Pat wutow xanalxot, najum-aechow: “¡Xan wajpaklon taenx! ¡japon pejme duk!” —aechow. Nachapaeibejpow Jesús baxto'aspox.

Jesús natulaeltpox pejnachalaxot

(Mt 28.16-20; Mr 16.14-18; Lc 24.36-49)

¹⁹ Do madoi wut, japamatkoi, dominko wut, xanal, Jesús pejnachalwan, natamejlax batutat. Bafafachan chiekal xatbe'ax, tajlewla xot judíospaklochowliajwa. Jawut chalechkal Jesús

natulaelt batutat. Nuk wut xanal tajwɥajnalel, jɥm-aechon:

—Xan patx. ¡Puexa nej pachaema xamalxot! — aech Jesús.

²⁰ Japox jɥm-aech wut, xanal na-itpaeipon pejke-e kematamatlaspoxan, chenaxɥa'laspoxbej. Jawut xanal xabich nejchachaemlax, pejme taenx wut wajpaklon Jesús.

²¹ Jesús pejme xanal najɥm-aech:

—¡Puexa nej pachaema xamalxot! Me-ama taj-ax nato'a ampathatasik, xamalbej to'axaelen asew jiw naewɥajnalijwam —aech Jesús xanal pej-nachalwanlijwa.

²² Do jawut, xanallel fal wut, jɥm-aechon:

—Espíritu Santo amwutjel xamalxot.

²³ Xamal jiw beltaenam wut, babijaxan ispi, japi kofa xot babijaxan ispoxan, ja-am wut, Diosbej beltaeyaxael japi jiw. Xamal beltae-emil wut jiw babijaxan ispi, japi kofa-el xot, ja-am wut, Diosbej beltaeyaxil japi jiw —aech Jesús xanal pejnachal-wanlijwa.

Tomás taenpox Jesús, japon mat-echpon pejme dukaliajwa

²⁴ Tomás xanalxotpijin, Jesús pejnachalan. Japontat puexa xanal dosan. Japon Tomás asawɥl Na-o'an. Jesús natulaelt wut xanalxot, jawut Tomás xanalxota-el.

²⁵ Do baxael, Tomás xanalxot wut, xanal jɥm-an Tomáslijwa:

—¡Xanal taenx wajpaklon Jesús! —an xanal Tomáslijwa.

Pe japon Tomás xanal najumnot wut, jum-aechon:

—Xan tajut tae-enil wut wajelan, kematamat-laspoxan, xan naexaxisaxinil xamal. Naexaxisaxinilbej, tajut tae-enil wut chenaxua'laspox. Xan xadonasian tajkothiyatat japon pejke-ewajelan. Jachasianbej tajke-etat japon chenaxua'laspox — aech jumch Tomás, asax paei wut.

²⁶ Do jawux, ocho matkoiyan xent wut, xanal, Jesús pejnachalwan, pejme natamejlax batutat. Bafafachan chiekal xatbe'ax. Jawut Tomás xanalxot. Do jawut, chalechkal Jesús natulaelt xanalxot batutatan wut. Nuk wut xanal tajwujnalel, jum-aechon:

—Xan patx. ¡Puxa nej pachaema xamalxot! — aech Jesús.

²⁷ Do jawut, Jesús jum-aech Tomásliajwa:

—Tomás, itaem tajke-e! ¡Xadonde nejkothiyatat! ¡Xabua'din jachaliajwam nachenaxua'lapox! ¡Nabej jum-aeché': 'Xan naexaxisaxinil, tajut tae-enil wut Jesús mat-echpox, pejme duk wutlison' —nabej aeché'! ¡Nanaexasi'e xan namat-etxpronanpox, pejme dukxpronanpoxbej! — aech Jesús Tomásliajwa.

²⁸ Do jawut, Tomás nejthua'axtat jum-aechon:

—¡Xam tajpaklonam, tajDiosnambej! — aech Tomás Jesúsliajwa.

²⁹ Jesús jum-aech Tomásliajwa:

—Xamlis chiekal xan nanaexasitam, najut chiekal nataenam xot. Asew jiw xan nanaexaxisaxael natae-elaxtat. Japibej xabich nejchachaemlaxael — aech Jesús Tomásliajwa.

Ma-aech xot ampox pelfut lels

³⁰ Xanal, Jesús pejnachalwan, taenx, Jesús xabich kaes koechaxan is wut. Ampapelfutat puexa japoxan lela-enil.

³¹ Xan lelx koechaxanliajwa xamal chiekal matabijaliajwam, naexasisliajwambej Jesucristo, Dios to'aspon, japon Dios paxulan. Xamal japon naexasisfulam wut, pomatkoicha duilaxaelam Diosxotse.

21

*Jesús natulaelt pox siete pejnachalaxot
(Lc 5.5-6)*

¹ Do jawux, Jesús natulaelt wut Jerusalén paklowaxxot, pejme natulaelton, xanal Galilea pukaxotan wut. Japapuka asawul, Tiberias puka. Amwut japoxliajwa jumchiyaxaelen, ma-aech, Jesús natulaelt wut xanal pejnachalwanxot.

² Jesús natulaelt wut sietepinxot, kaen xanalxot pawul Simón Pedro. Asan pawul Tomás. Japon asawul Na-o'an. Asan pawul Natanael. Japon Caná paklowaxpijin Galilea tujnuxot. Asan pawul Santiago. Japon xan takoewan. Xan, tawulpon Juan, jawut japixotanbej. Xanal kolenan Zebedeo paxin. Kaes asew kolenjebej jaxot. Japibej Jesús pejnachala.

³ Natamejlax wut, Jesús natulaels-el wutfuk xanalxot, Simón Pedro xanal najum-aech:

—Xan nabaxisaxaelen —na-aechon.

Xanal jum-an:

—Bajal. Xanalbej falaeyaxaelen —an xanal.

Do jawut, falkam pajulx. Nabaxitx wut, japa-madoitat, chinaxkatdo' kaen baxin xawaeslax chiekal pama-an.

⁴Nalian wut, Jesús natulaelt pukababu'tat. Pelax xanal, japon pejnachalwan, matabija-enil, achan japon.

⁵Jesús pinjametat xanal nawuajnaemt wut, jum-aechon:

—jMoi! ¿Massuapichkat xamal baxi xawawaelam? —aechon.

Xanal jumnotx wut, jum-an:

—Ajil. Chinax kaen baxin xawaes-enil —an xanal.

⁶Jesús xanal najum-aech:

—jChinchorro fo'amik falkam poklalel! Jaxot baxi xawawaelaxaelam —aech Jesús.

Jawut xanal ow-an. Jasox isx. Do jawut, chinchorro jusliajwan wut osliajwan falkamtat, xajupa-enil, chinchorro xabich chadewnik xot, baxi wulak xotbej.

⁷Xan, xabich Jesús nanejxasinkpronan, jum-an Pedroliajwa:

—jJapon wajpaklon! —an xan.

Simón Pedro xan jum-anpox jumtaen wut, jawut sumta-otox naxoelchapon, jolt xoton nabaxisliajwa. Do jawut, Pedro naxoelcha wut, diwk minadik. Joehlison Jesús poxade.

⁸Xanal, Jesús pejnachalwan, namaxpin falkamtat, wuchakal chapatx thaejtade, xabich xot baxi chinchorrotat. Pukapamakt pasliajwan xabich atuaja-el. Me-ama cien metros.

⁹ Xanal chapatx wut, nanax falkamtat. Jawut taenxbej jit, baxin ok wut jitmatwujtat, chabochpon. Okbej pan.

¹⁰ Do jawut, Jesús xanal najum-aech:

—¡Xalaemen kaesapich baxi, xawawaelampi, chabowaliajwam! —aechon.

¹¹ Do jawut, Simón Pedro falkam juldik baxi chadado'naliajwa chinchorrotat, thaejtat jusliajwapon. Japachinchorro xabich baxi, pinanul, wuluk. Japi baxi ciento cincuenta y tres. Baxi piniat wut, chinchorro nakiowa liks-esal.

¹² Do jawut, Jesús jum-aech xanalliajwa:

—¡Xabua't, kandiawasappijax xaeliajwam! —aech Jesús xanalliajwa.

Chinax kaen xanalxot pawujnachaems-enil, achankat japon, xanal tajut chiekal matabijax xot japon wajpaklonpox.

¹³ Do jawut, Jesús mox soepan xanallel. Jawut fiton pan xanal nachaxduiliajwa. Ja-aechbejpon baxin chabochponliajwa.

¹⁴ Jesús natulaelt wut xanalxot, japoxtat tres veces natulaelton xanal pejnachalwanxot, pejpatupaxwux, pejmat-esaxwuxbej.

Jesús nospaeipox, Simón Pedro sapich

¹⁵ Xanal kaechatoelx wut, Jesús wujnachaemt wut Simón Pedro, jum-aechon Simón Pedroliajwa:

—Simón, Jonás paxulan, ¿xamkat xan kaes nanejxasinkam? Me-ama tajnachala asew nejxasinkam wut ¿jachi-emilkat xam xanliajwa? —aech Jesús.

Pedro jumnot wut, jum-aechon:

—Diasdo', tajpaklon. Xam chiekal matabijtam xam nejxasinkaxpox —aechon.

Jesús pejme jam-aech Pedroliajwa:

—Jelxan nanaexasiti, ijapi chiekal xam nawe-tataefulde! Me-ama ovejas tataeflan chiekal tataeful pejew corderos, xambej ja-amde jelxan nanaexasitiliajwa! —aech Jesús Pedroliajwa.

¹⁶ Do pejme Jesús wuajna chaemt wut, jam-aechon Pedroliajwa:

—Simón, Jonás paxulan, xamkat xan kaes pejme nanejxasinkam? —aech Jesús Pedroliajwa.

Pedro pejme jamnot wut, jam-aechon:

—Diasdo', tajpaklon. Xam chiekal matabijtam xam nejxasinkaxpox —aech Pedro Jesúsliajwa.

Jesús pejme jam-aech Pedroliajwa:

—¡Chiekal nawetataefulde jelxan nanaexasiti! Me-ama ovejas tataeflan chiekal tataeflaful pejew ovejas, xambej ja-amde jelxan nanaexasitiliajwa! —aech Jesús Pedroliajwa.

¹⁷ Do pejme kaes Jesús wuajna chaemt wut, jam-aechon Pedroliajwa:

—Simón, Jonás paxulan, xamkat xan nanejxasinkam? —aech Jesús.

Do jawut, Jesús kaes wuajna chaemt xot, jam-aech xoton: “¡Xamkat nanejxasinkam?” —aech xot Jesús Pedroliajwa, Pedro jamnot wut, jam-aechon:

—Tajpaklon, xam puexa chiekal matabijtam. Matabijtambej xam nejxasinkaxpox —aech Pedro Jesúsliajwa.

Do jawut, Jesús jam-aech Pedroliajwa:

—¡Chiekal nawetataefulde jelxan nanaexasiti! Me-ama ovejas tataeflan chiekal tataeflaful pejew ovejas, xambej ja-amde jelxan nanaexasitiliajwa!

18 Diachw_hajnakolax j_um-an. Xam pansianam w_ht, najut naxoelam. Ma f_ulaesiam poxade f_ulaemch. Pe pati'nam w_ht, asamatkoi m_haxxachosaxaelam asew jiw xam xajoelaliajwa. Do jaw_ht, xam b_hflaeyaxaeli nejxasinka-emil poxade –aech Jesús Pedroliajwa.

19 Japox Jesús chajia j_um-aech matabijsliajwa, achaxtat Pedro t_upaxael, Cristo naexasit xoton. Do jaw_ht, Jesús pejme j_um-aech Pedroliajwa:

–¡Xan nakf_ulaem! –aech Jesús Pedroliajwa.

*Pedro w_hajnachaemtpox Juanliajwa
(Jn 13.25)*

20 Do jaw_ht, Jesús, Pedro s_hapich, laelp w_ht, Pedro kaxadik w_hltataek w_ht, xan nataenpon, w_hchakal laejax w_ht. Jesús kaes xan nanejxas-inkpronan. Jesús xanal nab_u'xael w_ht Pascuafiestanaxaeyax, jaw_ht xan mox ekx Jesúsxot. Xan japon w_hajnachaemtax w_ht, j_um-an: “Tajpaklon, ¿achankat xam wiasaxael nadaelmajiwxot?” –an xan japamadoitat.

21 Do jaw_ht, Pedro xan nataen w_ht, jaw_ht w_hajnachaemton Jesús. J_um-aechon xanliajwa:

–Tajpaklon, ¿machiyaxaeskatlax Juan asamatkoi? –aech Pedro Jesús_hliajwa.

22 Jesús j_umnot w_ht, j_um-aechon:

–Xan nejxasinkax w_ht japon ampathatat lae-jaliajwa, hasta xan paskax w_ht pejme, ¡xam nabej nejchaxoele' japoxliajwa! ¡Xamlax pomatkoicha xan nanaexasisf_ulde! –aech Jesús Pedroliajwa.

23 Samata, asew jiw, Jesús naexasiti, nakaewa naj_um-aech xanliajwa: “Juan t_upaxil” –na-aechf_ul jiw nakaewa. Pe Jesús japox j_um-aech

wɥt, jɥmchi-elon xan tɥpaxinilpoxliajwa. Jesúslax jɥm-aech xanliajwa: “Xan nejxasinkax wɥt japon ampathatat laejaliajwa, hasta xan paskax wɥt pejme, jɥam nabej nejchaxoele' japoxliajwa!” —aech Jesús Pedroliajwa.

²⁴ Xan, Juan, tajut taenxpoخان, tajut jɥmtaenaxbej, japoxan ampapelfɥtat lelx. Xan chiekal matabijtax puexa japoxan diachwɥajnakolax.

²⁵ Jesús ampathatat wɥt, xabich asaxan pachaempoxan ispon. Puexa japoxan kaenanɥla lelx toetx wɥt, xabichaxael japapel-ɥafan. Samata, japapel-ɥafan bej xajɥpaxilbej ampathatat.

Pajelwaaajan Dios pejjamechan
New Testament in Guayabero (CO:guo:Guayabero)
copyright © 2009 Wycliffe Bible Translators, Inc.

Language: Guayabero

Translation by: Wycliffe Bible Translators, Inc.

Copyright Information

© 2009, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Guayabero

© 2009, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-25

PDF generated using Haiola and XeLaTeX on 18 Apr 2025 from source files
dated 29 Jan 2022
809259d4-ca58-5124-9a05-fd84078a3de3